

ዩሱሲ ኪቴዳዋንቱ ኦሱዋ ጌሉዋ

ዩሱሲ ኪቴዳዋንቱ ኦሱዋ ጌቴቲያ ማፃፋይ፣ ሉቃሳ ሚሺራቸዋ ካሊዳ ፃፊቴዳ ማፃፋ። እው ዳዒያ ሁጹ ቆፋይ ኮይሮ ዩሱሳ ካሌዳ አሳቱ ጌሻ አያናን ካሌሴቲዳ፣ አባ ኦዲያ ሚሺራቸዋ ቃላ «ዩሩሳላሜን፣ ዩሁዳ ጋዲያ ኡባን፣ ሳማርያን፣ ሳዓ ጋፃ ጋካናው» ሚሺራቸዋ ቃላ ዋቲ ጋዲያ ኡባ ጋሌዳንቶ ኦዳናሳ (ኪት 1:8)። ማፃፋይ ኪሪሰቲና አማኑ አዩሁዳ አሳቱዋ ጊደን ደሜቲዳ፣ ኩሚንሳ አሳሚያን ዳዒያ አሳ ኡባ አማኑዋ ጊደና ጋካናው ዋኒ አኬዳንቶ ኦዲያ ታሪኪያ። ፃፊ፣ አማኒያ አሳቱ ሮማ ካወቱላ አላናው ጋርሳና ማቄቲያ አሳ ጊደናዋኔ ኪሪሰቲና አማኑ አዩሁዳቱዋ አማኑዋ ኩሚንሳ ኡዲያዋ ጊዲያዋ ኤሪሳናው ዳሪሲ ዳቡሪዳ ኦሌዳ።

ዩሱሲ ኪቴዳዋንቱ ኦሱ ዩሱሳባ ኦዲያ ሚሺራቸዋ ቃላይ ጋኪያ ሳዓይ ዋዲያን ዋዲያን አኪ አኪ ቢያዋኔ ዋሳ ጎሊ ኤቄዳዋ ቆንጨሲያዋ ሄዙ ሁጹ ሳን ሻካናው ዳንዳዬቱ።

1. ኪሪሰቲና አማኑ ዩሱሲ ሳሉዋ ፑዳ ቢ ሲሚና ደሜቲዳባ፤
2. ኢሰራዔሊያ ጋዲያ ኡባ ጋኬዳባ፤
3. ሮማ ጉጂዳ ሚዲቴራኒያ አባ ዩሹዋን ዳዒያ ጋዲያን አኬዳዋ ኦዳ።

ዩሱሲ ኪቴዳዋንቱ ኦሱዋ ማፃፋን ዳሮፔ ኤሬቶዌ ጌሻ አያና ኦሱዋ ጊዲሺን፣ ጳንፃቆስቲ ጋላሲ ዩሩሳላሜን ዳዒያ አማኒያዋንቱ ቦላ ዋልቃፔ ኢ ዋዲዳዋ፣ ሃዋዳንካ ማፃፋ ጊደን ኦዳቴዳ ኦሳቱዋ ኡባን ቤቴዳዋዳን፣ ጌሻ አያናይ ዋሳ ጎሊያኔ ዋሳ ጎሊያ ካሌሌያዋንታ ካሌሌዳዋኔ ሚኒሴዳዋ ጉጂዳ ኦዳ። ቤኒ ዋዳ ኦሴቲያ ኪሪሰቲና ኪታይ ዲማ ዲማ ኦዳዳ ቃላ ጊደፔ ማፃ ኬሲና፣ ቃንሳን ሸቄዳ። ዩሱሲ ኪቴዳዋንቱ ኦሱዋ ጊደን ፖሌቴዳ ኪታቲካ ሄ ኦሱ አማኒያ አሳ ዳዑዋኒኔ አማኒያዋንቱ ኢቲፔቴላን ዳዒያ ዋልቃይ ኣይ ከና ዳሬንቶ ኦዳ።

ሸዎፓቲዋ ኡባቲዋሲ አሜቴዳ ቃንሳ ቆፋቲዋ

- ማርካቴላው ገጉዋ (1:1-26)
- ወርሴላን ዩሱሲ አሜዳ ኣዛዙዋኔ ሂደታ (1:1-14)
- ዩሁዳ ከታ ጌሌዳዋ (1:15-26)
- ዩሩሳላሜን ኦሴቴዳ ማርካቴላ (2:1-8:3)

- ዪሁዳኒኔ ሳማሪያን ኦሴቴዳ ማርካቴፋ (8:4-12:25)
- ጳውሎሲ ኪቴቴዳ ኦሎቀባ (13:1-28:31)
- ጳውሎሲ ኪቴቴዳ ኦሎቀሲ ኮይሮ ሃሜታ (13:1-14:28)
- ዩሩሳላሜ ሺቁዋ (15:1-35)
- ጳውሎሲ ኪቴቴዳ ኦሎቀሲ ላዔላ ሃሜታ (15:36-18:22)
- ጳውሎሲ ኪቴቴዳ ኦሎቀሲ ሄዜንፋ ሃሜታ (18:23-21:16)
- ዩሩሳላሜን፣ ቁሳሪያኒኔ ሮሜን ሃኔዳ ጳውሎሳ ቃሹዋ (21:17-28:31)

1-2 ቶፊሎሳ፣ ዩሱሲ ሳሉዋ ቤዳ ጋላሳይ ጋካናው፣ ኦላናውኔ ታማሪሳናው ደሜዳዋ ኡባባ ታኒ ታ ኮይሮ ማፃፋን * ፃፋዲ። ሳሉዋ ባናፔ ካሴ ኢ ባሬ ዶሪዴ ኪቴዳዋንታ ጌሻ ኢያናን ኣዛዜዳ።

3 ኢ ባሬ ኪቴዳዋንቶ ኦይታሙ ጋላሳ ቤቴዲኔ ቃሲ ያሳ ካዉቴሳባ ኡንቱንቶ ኦዲዳ፣ ባሬ ዋዲያፔ ጉዲያን፣ ሃይቁዋፔ ዴንዴዳዋ ሲጼ ባይናን ሎይሊ ኣማንሊዳ፣ ባሬና ኡንቱንታ ቤሴዳ።

4 ኡንቱንቱና ኢቲፔ ዴዒዳ፣ ኡንቱንታ ሃዋዳን ያጊዳ ኣዛዜዳ፤ «ዩሩሳላሜፔ ኬሶፒቴ፤ ሺን ሂንቱንቱ ታፔ ሲሴዳ ታ ኣቡ ሂንቱንቶ ኢማና ጊዳ ሂዶቴዳዋ ናጊቴ።

5 ኣዲሲ ሳፔ፣ ዮሃኒሲ ሃላን ፃማቁዳ፤ ሺን ጉላ ዋዲያፔ ጉዲያን፣ ጌሻ ኢያናን ሂንቱንቱ ፃማቁታኒታ» ያጌዳ።

ዩሱሲ ሳሉዋ ቤዳ
(ማር 16:19-20፤ ሉቅ 24:50-53)

6 ዩሱሲ ኪቴዳዋንቱ ዩሱሳና ጋኬቴዳ ዋዴ ኣ፣ «ጎደው፣ ሃ ዋዲያን ኢሰራዔላቱዋሲ ካዉቴሳ ዛራኒ?» ያጊዳ ኦቼዲኖ።

7 ዩሱሲ ኡንቱንታ፣ «ታ ኣቡ ባሬ ጎዳቴላን ኬሬዳ ኣጌናኔ ዋዲያ ሂንቱንቱ ኤራናሳ ጊዳና።

8 ሺን ጌሻ ኢያናይ ሂንቱንቱ ቦላ ዋዲያ ዋዴ፣ ዋልቃ ሂንቱንቱ ኣካኒታ፤ ያቲዳ ዩሩሳላሜኒኔ ዪሁዳ ጋዲያ ኡባን፣ ሳማሪያኒኔ ጋዲያ ጋፃ ኡባ ጋካናው ታው ማርካቴያዋንታ ጊዳኒታ» ያጌዳ።

9 ሃዋ ጌዳዋፔ ጉዲያን፣ ኡንቱንቱ ያሊሺን፣ ቶቁ ቶቁ ጊዳ፣ ሳሉዋ ቢና፣ ኡንቱንቱ ኣይፊያፔ ሻሪ ኣ ጌንሌዳ።

1:1-2 ሉቅ 1:1-4 * 1:1-2 ታ ኮይሮ ማፃፋን፣ ሉቃሳ ሚሺራቹዋ ማፃፋ።
1:4 ሉቅ 24:49

10 ዩሱሲ ቦላው ዳንዲያ ዎዳ፣ ኡንቴንቱ ሳሉዋ ጫዲ ጭሸን፣ ቦላ ማዩዋ ማዩዳ ላዑ ኣሳቱ ኤሌካ ኡንቴንቱ ማታን ኤቂዳ።

11 «ጋለላ ኣሳቶ፣ ሳሉዋ ጭላዳ፣ ሂንቴንቱ ኣዩሲ ኤቂዲቲ? ሃ ሂንቴንቱ፣ ሳሉዋ ቤዳ ዩሱሲ ሳሉዋ ቢያዋ ሂንቴንቱ ቤዔዳዋዳንካ፣ ሲሚዳ ያናዋ» ያጌዲኖ።

ዪሁዳ ኮታ ማቲያሲ ዶሬቴዳ
(ማት 27:3-10)

12 ሄዋፔ ጉዩያን፣ ዩሱሲ ኪቴዳዋንቱ ዳብሬ ዛይቴ ጌቴቲያ ዋጋራ ሚላ ዳሬያፔ ዩሩሳላሚ ሲሜዲኖ። ዋጋራ ሚላ ዳሬ ዩሩሳላሚ ኢቲ ኪሎ ሚቲሪያ ኬና።

13 ዩሱሲ ኪቴዳዋንቱ ዩሩሳላሚ ጌሊዳ፣ ባሬንቱ ዳዒያ ሳሳ ጶቃ ፑዴ ኬሴዲኖ፤ ያ ኬሴዳዋንቱ ሱንሳይ ጳዒሮሳ፣ ዮሃኒሳ፣ ያዩቆባ፣ ኢንዲራሳ፣ ፒሊጶሳ፣ ቶማሳ፣ ባርታላሞሳ፣ ማቶሳ፣ ኢልፒዮሳ ናዓ ያዩቆባ፣ ባሬ ጋዲያሲ ሴሌቲያ † ሲሞና ናዓ ያዩቆባ ናዓ ዪሁዳ።

14 ሃዋንቱ ኡባቱ ማጫዋንቱና፣ ዩሱሳ ዳዩ ማይራሚና ኬሱሳ ኢሻቱዋና ኡባይ ኢቲ ዋዛና ጊዲዳ፣ ኡባ ዎዳ ኢቲፔቴላን ዋሳው ሸቂኖ።

15 ሄ ዎዳ፣ ጳዒሮሲ ጭታኔ ላታማ ጊዲያ ኣማኒያ ኣሳ ሸቂዋን ኢቲፔ ዳዒያ ባሬ ኢሻቱዋ ጊደን ዳንዲ ኤቂዳ፣ ሃዋዳን ያጌዳ፤

16 «ታናደን ኣማኒያዋንቶ፣ ዩሱሳ ኦይቆዳዋንታ ካሌጼዳ ዪሁዳባ ጌሻ ኣያናይ ካሴ ዳዊቴ ዶናን ኦዴዳ ያሳ ማፃፋ ቃላይ ፖሌታናው ቤሴ።

17 ኣዩሲ ጎፔ፣ ዪሁዳ ኣሰቆሮቱ ኑናና ዳዒ፤ ቃሲ ኑናና ኢቱዋ ጊዲ ፓይዴቲዳ ኦሱዋ ባጋይ ዳዒና ማላ ዶሬቴዳ» ያጌዳ።

18 ዪሁዳ ኣሰቆሮቱ ባሬ ኢታ ኦሱዋን ዳሜዳ ሚሻን ጋዲያ ሻሜዳ፤ ሲንሳው ጉፋኒዳ ኩንዲና፣ ኣ ኡሉ ጊዲዋፔ ዳኬቴዳ፤ ኣ ማራጪ ኡባይካ ካሬው ጳልጻቲ ኬሲ ኣጌዳ።

19 ዪሁዳ ቦላ ሃኔዳዋ ዩሩሳላሚን ዳዒያ ኣሳይ ኡባይ ሲሴዳ፤ ሄዋ ዲራው፣ ሄ ጋዲያ ባሬንቱ ቃላን ኣኬልዳማ ጊዳ ሱንሴዲኖ፤ ሄዋ ቢሌሳይ ሱሳ ጋዲያ ጊያዋ።

20 ጳዒሮሲ ኦዲዳ፣ «ኣዩሲ ጎፔ፣ ማዚሙሪያ ማፃፋን፣ ሩኣ ጎሊ ሜላ ኣቶ፤ ኦኒኔ ሄዋን ዳዎ።»

† 1:13 ባሬ ጋዲያሲ ሴሌቲያ፣ ሃ ሱንሳይ ካላፔ ሮሜ ኣሳና ኤቂቲዳ ኦሌቴዳ ኣዪሁዳ ኣሳሲ ኢሜቲዳዎ። 1:20 ማዘ 69:25፤ 109:8

ቃሲ

ኀኅ ሱንላቴላካ ሃራይ ኣኮ

ጌቴቲዳ ፃፊቴዳ።

21-22 ሄዋ ዲራው፡፡ ኢቲ ኣሳይ ጎዳ ዬሱሳ ዳንዲዋ ማርካታናው፡፡ ኑናና ጋኬታናው ቤሴ፤ ዮሃኒሲ ፃማቄዳ ዋዲያፕፕ ደሚዳ፡፡ ዬሱሲ ኑፔ ሳሉዋ ቤዳ ዋዲ ጋካናሲ፡፡ ጎዳ ዬሱሲ ኑናና ሃሜቴዳ ዋዲያ ኡባን ኢ ኑናና ዳዒያዎንቱፕ ኢቱዋ ጊዲ ሱንሴታናው ቤሴ።»

23 ሄዋፕ ጉዬ ኣማኒያ ኣሳይ ደራዋሲ ዮሰፆሳ ጊያ ባርሳባ ጌቴቲያ ዮሴፋኔ ማቲያሳ ላዑዋ ኤሴዲኖ።

24-25 ሄዋፕ ጉዬያን፡፡ ፆሳ ዋሲዳ፡፡ «ኡባ ዋዛና ኤሪያ ጎደው፡፡ ዪሁዳ ኣስቆርቱ ባሪሳ ባናው ዬጊዳ ቤዳ ኦሱዋኔ ዬሱሲ ከቴዳ ኦሱዋ ሃዳራ ኣካናዳን፡፡ ሃ ላዑ ኣሳቱዋፕ ኢቱዋ ኔኒ ደሬዳዋ ኑና ቤሳ» ያጌዲኖ።

26 ኡንቱንቱን ሳማ ዬጊዲኖ፤ ሳማይ ማቲያሳ ቦላን ዋዲና፡፡ ማቲያሲ ዬሱሲ ከቴዳ ታማኔ ኢቲ ከቴታዋንቱና ፓይዳቴዳ።

2

ዬሱሳ ካሊያዎንቱ ቦላ ጌሻ ኣያና ዋዲፋ

1 ጳንፂቆስቴ * ጊያ ጋላሳይ ጋኬዳ ዋዳ፡፡ ኣማኒያዎንቱ ኡባቱ ኢቲፕ ጊዲዳ፡፡ ኢቲሳ ሸቂ ዳዒሸን፡፡

2 ዋልቃማ ጎቱዋዳን ጉሚያ ጉንላይ ዋዛና ኣሌናን ሳሉዋፕ ዪዳ፡፡ ኡንቱንቱ ኡቲዳ ጎሊያ ኡባ ኩሜዳ።

3 ቃሲ ታማ ላጩዋዳን ፖዲጊያዌ ኡንቱንቶ ቤቲዳ፡፡ ሻኬቲ ሻኬቲ፡፡ ኡንቱንቱ ኡባ ቦላ ዋዲዳ።

4 ኡንቱንቱ ኡባን ጌሻ ኣያናይ ኩሚዳ፡፡ ዲማ ዲማ ቃላን ሃሳያና ማላ፡፡ ኡንቱንታ ዳንዳዪሲና፡፡ ሃሳያ ደሜዲኖ።

5 ሳዓን ዳዒያ ኣሳ ዜሪላ ኡባፕ ዪዳ፡፡ ፆሳው ያዪያ ኢቲፕ ዳዒያ ኣዪሁዳቱ ዬራሳላሚን ዳዒኖ።

6 ሃ ጉንላ ሲሴዳ ዋዳ፡፡ ኣሳይ ኡባይ ሸቂዳ፤ ኡንቱንቱ ባሬንቱ ቃላን ቃላን ሃሳዪሸን ሲሴዳ ዲራው፡፡ ጊያዋ ጳዬዲኖ።

7 ኣሳይ ኡባይ ማላሉቲዳኔ ሃዌ ኦራሳባ ጊዳ፡፡ «ቤዒቴ፤ ሃ ሃሳዪያዎንቱ ኡባቱ ጋሊላ ኣሳቱዋ ጊዲኪኖ?

8 ያቲና፡፡ ኑኒ ኑ ዬሌቴዳ ጋዴ ቃላን ኡንቱንቱ ሃሳዪሸን ዋኒዳ ሲሴቶ?

* 2:1 ጳንፂቆስቴ፡፡ ኣዪሁዲያ ኣሳይ ፓሲጋ ባላ ቦንቾዴፕ ኢሻታሙ ጋላሳይ ኣዲ ሲሜና ቦንቾቲያ ዛርጋ ቆይቻ ባላ ጌቴቲያዎ። 2:1 ዋግ 23:15-21፤ ዛር 16:9-11

9 ኑሊ ጳርቴ አሳቱ፣ ሜዶኔ አሳቱ፣ ኤላሜዳ አሳቱ፣ ላዑ ቫፋቱዋፕ ጊዲዋን ዴዲያዋንቱ፣ ዩሁዳን፣ ቃጳደቂያን፣ ጳንዮሳን፣ ኢሲያን፣

10-11 ፒርጊያን፣ ጳኒፊሊያን፣ ጊብዳን፣ ቄሬና ባጋን ዴዲያ ሊቢያ ዋራዳቱዋን ዴዲያዋንቱ፣ ሮሜፕ ዬዳ ኢማሳቱ፣ አዩሁዳቱ፣ አዩሁዳቱላው ላሜቲዳ ኑፕ አማራዳዋንቱ፣ ቃሪዳሴ አሳቱ፣ አራቢያ አሳቱ፣ ያሳይ ኦሌዳ ዋልቃማ ኦሱዋ ኑ ቃላን ኡንቱንቱ ሃሳዩሺን ሲሴዶ» ያጌዲኖ።

12 ኡባይካ ማላሌቲዳ፣ ዩዉ ባሬንቶ ጌሌናን ኢዲና ባሬንቱ ጊዶን፣ «ላ ሃዌ ዋጊያዌ?» ያጌዲኖ።

13 ሺን ሃራ አሳቱ አማኒያዋንቱ ቦላን ቂሊጨዴ፣ «ሃዋንቱ ኡሺዴ ማሶቲዲኖ» ያጌዲኖ።

ጳዳርሳ ሃሳያ

14 ሺን ጳዳርሳ፡ ዬሱሲ ከቴዳ ሃራ ታማኔ ኢቲ ከቴቶዋንቱና ዴንዲ ኤቂዴ፣ ባሬ ኮቫ ጶቂ ኦሊዴ፣ ኡንቱንቶ ሃዋዳን ያጊ ኦዴዳ፤ «አዩሁዳቶ፣ ቃሲ ዩሩሳላሜን ዴዲያ ኡባቶ፣ ታኒ ኦዲያዋ ሲሲቱ። ሃዌ ሂንቱንቶ ኤሬቶ፤ ሂንቱንቱ ቆፒያዋዳን፣ ሃዋንቱ ማሶቲቤይኪኖ።

15 አዩሲ ሳፕ፣ ዋንታፕ ቢሮ ሄዙ ሳቲ ጊዴ።

16 ሺን ሃዌ ናቢያ ኢዩዔል ሃሳዬዳዋ።

17 «ኢ ሃሳዩዴ፣ የሳይ ሃዋዳን ያጌዳ፤ ዋዲያ ዉርሴላን ሃዋዳን ሃናናዋ።

ታኒ አሳ ኡባ ቦላን ታ አያና ጉሳና።

ሂንቱንቱ አቱማ ናናይኔ ሂንቱንቱ ማጫ ናናይ

ቲምቢቲያ ኦዳናዋንታ።

ሂንቱንቱ ዋዳላ ናናይካ ሳፃ ቤዓናዋንታ፤

ሂንቱንቱ ጨማቱካ አኩሙዋ አኩሜታናዋንታ።

18 ሄ ጋላሳቱን ታ አቱማ ቆማቱዋ ቦላኒኔ

ታ ማጫ አሺካራቱዋ ቦላን

ታኒ ታ አያና ጉሳና።

ሄዋፕ ጉዬ ኡንቱንቱ ቲምቢቲያ ኦዳናዋንታ።

19 ቃሲ ታኒ ቦላ ሳሉዋን ኦራላባ፣

ጋርሳ ሳዓንካ ማላታ ቤሳና።

ሱሳይ፣ ታማይኔ ቫሪያዳን

ካሜዳ ጨዋይ ዴዳና።

20 ዋልቃማኔ ቦንቾ ጊዴዳ ጎዳ ጋላሳይ

ጋካናፔ ካሴ አዋይ ቋማና፤
እገናይካ ሱላ ማላታና።

21 ሄ ዋዴ ሃዋዳን ሃናናዋ፤
ጎዳ ሱጎላ ያሲያ ኦኒኔ አታና
ያጌዳ።

22 «ኢሰራዔሊያ አሳቶ፣ ሃ ቃላ ሲሲቲ፤ ናዚሬቲያ ዩሱሲ ሂንቴንቱ ጊደን ያሳይ ባሬናን አሌዳ ዋልቃማ ኦሱዋን፣ ኦራላባኒኔ ማላታን ሂንቴንቶ ቋሺሴዳ አሳ፤ ሄዋ ሂንቴንቱካ ኤሪታ።

23 ዩሱሲ ሂንቴንቶ ኢሜታና ማላ፣ ያሳይ ካሴ ባሬ ሺኒያኒኔ ባሬ ኤራን ባሬ ቆፋ ቃቺ ዋሌዳ፤ ያቲና፣ አ ሂንቴንቱ ናጋራንቻቱዋ ኩሺያን ማሰቃሊያ ቦላ ሚሲማሪያን ቋሺሴዳ፣ ካቂሲ ዋቋሴዳታ።

24 ሺን ሃይቁ ዩሱሳ ኦይቃናው ዳንዳዩቤና ዲራው፣ ያሳይ ሃይቁዋ ሴላ አፔ ቋዩሲዳ፣ አ ዳንሌዳ።

25 አዩሲ ጎፔ፣ ዳዊቲ ዩሱሳባ ሃዋዳን ያጌዳ፤
ታኒ ሜቶቴናዳን፣

ጎዳይ ታ ኡሺቻን ዳዒያ ዲራው፣
ታኒ ኡባ ዋዴ ጎዳ ታ ማታን ቤዒይ።

26 ሄዋ ዲራው፣ ታ ዋዛናይ ናሽቴዳ፤
ታ ኢንፃርሳንካ ናሽቻይ ኩሜዳ።
ቃሲ ታ ቦላይካ ሎዖ ዳዒና ጊዳ፣
ናሽቻን ናጌ።

27 አዩሲ ጎፔ፣ ታ ሺሞፕዋ
ሲዖሊያን አጋካ።
ቃሲ ኔ ጌሻ ናዒ አጋካ ዋቁላካ።

28 ኔኒ ታና ዳዑዋ ኦጊያ ኤርሳዳ።
ኔኒ ታናና ዳዒያዋን
ታኒ ዳሪ ናሽታይ)

ያጌዳ።

29 «አሻቶ፣ ኑ አዋቱዋ ካፕዋ ዳዊቲባ ታኒ ሂንቴንቶ ጌሻዴ አደናው ቤሲ፤ ዳዊቲ ሃይቁዴ ሞጌቲዳ፤ አ ዱፋ ሃቼ ጋካናወካ ኑ ማታን ዳዔ።

30 ዳዊቲ ናቢያ ጊዳዳ ዲራውኔ ያሳይ አ ናና ዜሬላፔ ኢቱዋ አ ካወቲላ ኦይዲያን ኡቲሳናው አው ጫቁዳዋ ኤሬዳ ዲራው፣

31 ኪሪሰቶሳ ዳንዲዋ ሲንላው ያሊዳ፣ ላ ሺሞፕ ሲዖሊያን አቲቤና፤ አ ቦላይካ ዋቂቤና) ጊዳ ኦዴዳ።

32 «የሳይ ዩሱሳ ሃይቁዋፔ ዳንሌዳዋሲ ኑኒ ኡባይ ማርካ።

33 ሄዋ ዲራው፣ የሳይ ባሬፔ ኡሼቻ ባጋን ተ ኣ ቶቁ ቶቁ ኡዲዳ፣ ኣው ጌሻ ኣያና ኣማና ጌዳዋዳን፣ ጌሻ ኣያና ኣኪዳ፣ ሃዋ ሂንቴንቱ ሃዒ ቤዒያዋኔ ሲሲያዋ ኑ ቦላ ጉሴዳ።

34-35 ኣዩሲ ጎፔ፣ ዳዊቱ ባሬ ሁጳው ሳሉዋ ኬሲቤና፤ ሺን ያጌዳ፤

ሳዳይ ታ ጎዳ፤ «ታኒ ኔ ሞርኬቱዋ ኑኒ ጌዲያን ዩቆ ኤቁያዋ ኦላና ጋካናው ሃዋን ታፔ ኡሼቻ ባጋና ኡታ» ጌዳ ያጌዳ።

36 «ሄዋ ዲራው፣ የሳይ ማስቃሊያ ቦላ ሚሲማሪያን ሃ ሂንቴንቱ ጲሺዳ ካቁዳ ዩሱሳ ጎዳኔ ኪሪስቶሳ ኦሌዳዋ ኢሰራዔሊያ ኣሳ ዜሬላይ ኡባይ ቱሙፔ ኤር» ያጌዳ።

37 ኣሳይ ጳደርሲ ጌዳዋ ሲሴዳ ዎዳ፣ ኣሳው ዎዛናይ ዳርፔ ቦሼቲና፣ ጳደርሳኔ ዩሱሲ ኪቴዳ ሃራቱዋ፣ «ኑ ኣሻቶ፣ ያቲና ኑኒ ኣያ ኡዳኔ?» ያጌዲኖ።

38 ጳደርሲ ኡንቱንታ፣ «ሂንቴንቱ ናጋራይ ኣቶ ጌቲታና ማላ፣ ናጋራፔ ሲሚዳ፣ ሂንቴንቱ ሁጲያን ሁጲያን ዩሱሲ ኪሪስቶሳ ሱንሳን ፃማቁቲቲ። የሳይ ኢሚያ ጌሻ ኣያና ሂንቴንቱ ኣካና።

39 ኣዩሲ ጎፔ፣ የሳይ ኢማና ጌዳ ቃላይ ሂንቴንቱሳ፣ ሂንቴንቱ ናናቱዋሳኔ ጎዳይ ኑ የሳይ ባሬኮ ጄሲያ ሃኩዋን ዴዒያዋንቱ ኡባሳ» ያጌዳ።

40 ጳደርሲ ኡንቱንቶ ቃላ ሃራካ ጉጂ ማርካቲዳ፣ «ሃ ዎዲያ ጌላ ኣሳፔ ሂንቴንቱ ሁጲያ ኣሸቲ» ያጌዳ ዘሬዳ።

41 ጳደርሲ ኦዳዳዋ ኣኬዳዋንቱ ፃማቁቲዲኖ፤ ሄ ጋላሲ ሄዙ ሻዒ ጊዲያ ኣሳይ ኣማኔዲኖ።

42 ኡንቱንቱ ዩሱሲ ኪቴዳዋንቱ ቲሚርቲያን፣ ኢቲፔቲላን ኡኪላ ማንላ ሚያዋኒኔ የሳ ዎሳን ጌንጨኖ።

ኣማኒያ ኣሳይ ኣሻቲላኒኔ ኢቲፔቲላን ዴዒያ ዴዑዋ

43 ዩሱሲ ኪቴዳዋንቱ ኩሺያን ዳር ኦራላባይኔ ማላታቱ ኦሴቲና፣ ኣሳ ኡባ ያሻይ ኦይቁዳ።

44 ኣማኔዳ ኡባቱ ኢቲፔ ዴዒኖ፤ ቃሲ ባሬንቶ ዴዒያባ ኡባካ ኢቲፔ ሻኪ ኣኬዲኖ።

45 ኡንቱንቱ ባሬንቱ ጋዲያኔ ባሬንቶ ዴዒያባ ዘለዒ ዘለዒዳ፣ ኦናኔ ኮሼዳ ኬና ሚሻ ኡባው ሻኬዲኖ።

† 2:33 ኡሼቻ ባጋ፣ ጉሳይ ቦንቹዋኔ ዎልቃ ቤሲያ ሳዓ። 2:34-35 ማዝ 110:1

46 ቃሲ ኡባ ጋላሲ፡ ኢቲ ዋዛና ጊዲዳ፡ ጌሻ ጎሊያን ፓጩናን ጋኬቲዳ፡ ባሬንቱ ጎሌ ጎሌ ያሴቲዳ ናሼቻኒኔ ፓሺካ ዋዛናን ቁማ ሚኖ።

47 ያሳ ጋላቲዳ፡ ኣሳ ኡባን ሳቤቲዲኖ። ቃሲ ጎዳይ ኣማኒ ኣቲያዋንታ ጋላሲ ጋላሲካ ኡንቱንቱ ቦላ ጉጁ።

3

ኢቲ ዋባ ቢታኒ ፓዌዳ

1 ኢቲ ጋላሲ፡ ጳዊሮሲኔ ዮሃኒሲ ያሳ ዋሳናው ኡዱፑ ሳቲያን ጌሻ ጎሊያ ቤዲኖ።

2 ዬሌቶይፕ ዶሚዳ፡ ጉንዳ ጊዲዳ ዳዒያ ኢቲ ቢታኒ ጌሻ ጎሊያ ጌሊያ ኣሳፕ ሚሻ ዋሳናው፡ ኡባ ጋላሲ ዳሪ ሎዓ ጊያ ጌሻ ጎሊያ ፔንጊያን ኣሳይ ኣፊዳ ዋሲያዌ ዳዒ።

3 ሄ ዋባ ቢታኒ፡ ጳዊሮሲኔ ዮሃኒሲ ጌሻ ጎሊያ ጌላና ሃኒሺን ቤዒዳ፡ ሚሻ ኡንቱንታ ዋሴዳ።

4 ጳዊሮሲ ዮሃኒሳና ኣ ጫዲ ያሊዳ፡ «ኮኮ ሃ ያላ» ያጌዳ።

5 ዋባ ቢታኒ ኡንቱንቱፕ ኢቲባ ኣካናው ኮዪዳ፡ ኡንቱንቱኮ ያሊዳ።

6 ሺን ጳዊሮሲ ኣ፡ «ታው ሚሻይ ባዋ፤ ሺን ታው ዳዒያባ ታኒ ኔው ኢማና፤ ናዚሬቲያ ዬሱሲ ኪሪሰቶሳ ሱንሳን ዳንዳዳ ሃሚታ» ያጌዳ።

7 ያቲዳ፡ ዋባ ቢታኒያ ባሬ ኡሹቻ ኩሺያን ኣይቂዳ፡ ፑዳ ዳንሌዳ፤ ኡሌካ ኣ ጌዲኔ ሚሺ ሚቁላይ ሚኒ ኣጌዳ።

8 ቢታኒ ፑዳ ፑፒዳ፡ ዳንዲ ኤቁዳ፤ ያኔ ሃኔ ሃሚታ ዶሚዳ። ሄዋፕ ጉዪያን ሃሚቲዳ፡ ፑፒዲኔ ያሳ ጋላቲዳ፡ ኡንቱንቱና ኢቲፕ ጌሻ ጎሊያ ጌሌዳ።

9 ኢ ሃሚቲሺናኔ ያሳ ጋላቲሺን፡ ኣሳይ ኡባይ ኣ ቤዒዳ።

10 ያቲዳ፡ ሚሻ ዋሳናው ዳሪ ሎዓ ጊያ ጌሻ ጎሊያ ፔንጊያን ኡቲዳዌ ኣ ጊዳዳዋ ኣኮኮዲኖ፤ ኢ ሃኔዳዋ ቤዒዳ ማላሌቲዲኖ።

ጳዊሮሲ ጌሻ ጎሊያን ሃሳዬዳ ሃሳያ

11 ቢታኒ ጳዊሮሳኔ ዮሃኒሳ ኦይቂ ኡቲዳ ዋዳ፡ ኣሳይ ኡባይ ማላሌቲዳ፡ ሶሎሞኔ ባራንዳ * ጊያሳን ኢቲፕ ኡንቱንቱኮ ዋዳዲኖ።

* 3:11 ሶሎሞኔ ባራንዳ፡ ጌሻ ጎሊያ ኣዋይ ዶሊያ ሲንሳ ባጋና ጮራ ኣሳይ ሸቂያ ኣዲሳኔ ኣኮ ሳዓ።

12 ጳጳሮሲ አሳ ቤዔዳ ዋዴ ኡንቱንቶ ያጌዳ፤ «ኢሰራዔሊያ አሳቶ፡ አዪሲ ሃዎ ማለሌቲቲ፡ ዋይ አዪሲ ኑና ጫዲ ያለቲ፡ ኑኒ ኑ ዋልቃን ዋይ ያሳ ማለቲያዋን ሃ ቢታኒያ ሃሜሌዳዎ ሂንቲንቶ ማለቲ፡

13 አብራሃዎ ያሳይ፡ ዩሳቃ ያሳይ፡ ያዩቆባ ያሳይ፡ ኑ አዋቱዎ ያሳይ፡ ሂንቲንቲ አሊ ኢሜዳዎ ጲላያሲ ቢላናው ቆፒ ኡቴዳ ዋዴ፡ ሂንቲንቲ አ ሲንላን፡ ነኒ አ ኤሮኮ፡ ጌዳ ባሬ ናዓ ዩሱሳ ቦንቼዳ።

14 ሺን ሂንቲንቲ ጌሻኔ ያሉዋ፡ ነኒ አ ኤሮኮ፡ ጌዳ፡ ሸምቸዎ ዎዴዳዎ አ ዲራ ሂንቲንቶ ቢላናው ጲላያሳ ዎሴዲታ።

15 ዴቦቀ ኢሚያዎ ሂንቲንቲ ዎዴዲታ፤ ሺን ያሳይ ሃይቁዋፔ አ ዴንሌዳዎሲ ኑኒ ማርካ።

16 ሃ ዎባ ቢታኒያ ዩሱሳ ሱንላ ዎልቃይ ሚኒሴዳ፤ ሂንቲንቲ ቤዔያዌኔ ኤሪያዌካ ኢ አ ሱንላን አማኒያዎን ኦሴቴዳ፤ ሃ ሂንቲንቲ ኡባ ሲንላን አ ሃዎዳን ሎይሌዳዌ፡ ዩሱሳ ኢ አማኒያዎ።

17 «ሃዒካ ታናዳን አማኒያዎንቶ፡ ሂንቲንቲካ ሂንቲንታ ካሊያዎንቲዳን፡ ኤሬናን ኦሌዳዎ ታኒ ኤራይ።

18 ሺን ያሳይ ቤኒ፡ ናባቱዎ ኡባቱዎ ዶናን፡ ከሪሰቶሲ ዋዬታና ቤሴ) ያጌዴ ኑዴዳ፤ ባሬ ኦዴዳዎካ ሄዎዳን ፖሌዳ።

19-20 ሲሚ ያሳይ ሂንቲንቲ ናጋራ ማራናዳን፡ ጎዳ ማታፔ አያና ሚኖቴላ ዎዲ ሂንቲንቶ ያናዳኒኔ ያሳይ ዩሱሲ ከሪሰቶሳ ካሴ ሂንቲንቶ ኦዴቶዎዳን ዩዳናዳን፡ ሂንቲንቲ ናጋራ ፓዲዴ ያሳኮ ሲሚቴ።

21 ያሳይ ጌሻ ጌዴዳ ባሬ ናባቱዎ ዶናን ቤኒፔ ዶሚዴ ሃሳዬዳዎዳን፡ ኡባባይ ኦራዲያ ዎዲ ጋካናው፡ ዩሱሲ ሳሉዋን ጋሚዳናው ቤሴ።

22 ሙሴ፡ ሳዳይ ያሳይ፡ ሂንቲንቲ ዛሪያ ጌዶፔ ሂንቲንቶ ታናዳን ናቢያ ዴንላና፤ ሂንቲንቲ ኢ ጌያዎ ኡባ ሲሲቴ።

23 ሄ ናቢ ኦዲያዎ ሲሴና አሳይ ኦኒኔ አሳ ጌዶፔ ሻኬቲ ቆዮ) ያጌዳ።

24 «ቃሲ ሳሚላፔ ዶሚዴ፡ አፔ ካላ ዴንዴዳ ናባቱ ኡባቲ፡ ሃ ዎዲያባ ኦዴዲኖ።

25 ሂንቲንቲ ናባቱዎ ናና፤ ቃሲ ያሳይ አብራሃዎሲ፡ ሳዓን ዴዒያ አሳ ኡባ ታኒ ኔ ዜሬላ ባጋና አንጃና) ያጌዴ ኑ አዋቱዎና ጫቄዳ ጫቄዎ ላቲያ ናና።

26 ያሳይ ሂንቴንታ ኡባቱዋ ሂንቴንቱ ኢታ ኦሱዋ፤ ዛሬዳ ኢንጃና ማላ፣ ባሬ ቆማ ተ ዳንሊዳ፣ ሂንቴንቶ ኮይሮ ዩዳዳ» ያጌዳ።

4

ጳጳርሲኔ ዮሃንሲ አዩሁዳቱዋ ሻንጋቱዋ ሲንላ ሺቄዲኖ

1 ጳጳርሲኔ ዮሃንሲ አሳሲ ኦዲሺን፣ ቄሳቱዋ ካፓቱ፣ ጌሻ ጎሊያ ዋታዳራቱዋ አዛዚያዌኔ ሳዲቃዋናቱ፣

2 ኡንቴንቱ አሳ ታማሪሲያ ዲራውኔ ሃራ አሳቱ ሃይቁዋ፤ ዳንዳናዎ ማርካ ጊዳና ማላ፣ ዩሱስ ሃይቁዋ፤ ዳንዳናዎ ኦዳዳ ዲራው፣ ዳሪ ዩሎቲዳ፣ ኡንቴንቱኮ ዩዲኖ።

3 ኡንቴንታ ኦይቄዳ፣ ሳዳይ ኦማርሲዲሳ ዲራው ዋንታናሲ ቃሾ ጎሌ ጌሊሴዲኖ።

4 ሺን ቃላ ሲሴዳዎንቱ፤ ጮራቱ አማኔዲኖ፤ አቱማ አሳ ፓይዳ ኢቼሹ ሻዓ ኬና ጊዳዳ።

5-6 ዋንቴላ ጋላሲ፣ ኡንቴንታ ሞዲያዎንቱ፣ አዩሁዳ አሳ ጪማቱ፣ ሙሴ ሂጊያ ታማርሲያዎንቱ፣ ቄሳቱዋ ኡባቱዋ ካፓቱ ሃኒ፣ ቃያፊ፣ ዮሃንሲ ኢሰኪንዲሪኔ ቄሳቱዋ ኡባቱዋ ካፓቱዋ ዳባቱ ኡባይ ዩሩሳላሜን ሺቄዲኖ።

7 ዩሱስ ኪቴዳዎንታ ባሬንቱ ጊዳዋን ኤሲዳ፣ «አያ ዋልቃን ዋይ ኦ ሱንላን ሃዋ ሂንቴንቱ ኦሎዲቱ?» ያጌዳ ኦቼዲኖ።

8 ሄ ዋዳ ጳጳርሲ ባሬናን ጌሻ አያናይ ኩሚና፣ ኡንቴንታ ሃዋዳን ያጌዳ፤ «አሳ ካሌሊያዎንቶ፣ አዩሁዳ አሳ ጪማቶ፣

9 ሃቼ ሃ ሃርጋንቻ ቢታኒያሲ ኦሴቴዳ ሎዎ ኦሱዋባኔ ኢ ዋኒ ፓዌዳንቶ፣ ሂንቴንቱ ኦና ኦቸ፤

10 ማሰቃሊያ ቦላ ሚሲማሪያን ሂንቴንቱ ጳሺዳ ካቂና፣ ያሳይ ሃይቁዋ፤ ዳንሌዳ ናዚሬቲያ ዩሱስ ኪሪሰቶሳ ሱንላን ሃ ቢታኒ ፓዌዳ፣ ሂንቴንቱ ሲንላን ኤቄዳዌ ሂንቴንቱ ኡባሲኔ ኢሰራዔሊያ አሳ ኡባው ኤሬቶ።

11 ጎሊያ ኬዲያዎንቱ ሂንቴንቱ ካጲዳ ኢጌዳ ቱሳይ ጎሊያ ኡባ ቶኪያ ኮሺያ ቱሳ ጊዳዳ።

12 አሳይ አቶቱላ ዩሱሳ ባጋና ዳማና፤ አቲን፣ ሃራ ኦ ባጋናኔ ዳማና፤ ኦኒ ኦ ሱንላን ኦላናው ቤሴ፤ አዩሲ ጎ፤ ያሳይ ሳሉዋ፤ ጋርሳን አሳሲ ኢሜዳ ሃራ ሱንላይ ባዋ» ያጌዳ።

† 3:26 ቆማ፣ ያሳ አወዋን ደራቴዳ ናዳ። 4:11 ማዝ 118:22

13 ሸቆዋ አሳይ ጳጳርሲኔ የሃኒሲ ፃሌዳ ፃላ ቤዔዳ ዎዴ፣
ኡንቱንቱ ታማሪቤና ጮ አሳ ጊዴዳዎ አኬኪዴ ማላሌቴዲኖ፤
ኡንቱንቱ ዬሱሳና ዴዲያዎካ ኤሬዲኖ።

14 ቃሲ ፓዲዳ ቢታኒ ጳጳርሳናኔ የሃኒሳና ኤቆዳዎ አሳይ
ቤዔዴ፣ ጊያዎ ጳዴዲኖ።

15 ሺን ጳጳርሲኔ የሃኒሲ ሸቆዎ፤ ካሬ ኮሳና ማላ አሳይ
አዛዚዴ፣ ባሬ ጊደን ዞሬቲዴ፣

16 «ሃ አሳቱዎ አያ ኡዳኔ? አዪሲ ጎፔ፣ ኡንቱንቱ ኩሺያን
ኦሴቴዳ ዎልቃማ ማላታቱ ዬሩሳላማን ዴዲያ ኡባው ቤቴዳ።
ኩኒ ሄዎ ኤሮኮ ጋናው ዳንዳዮኮ።

17 ሺን ዬዉ አሳው ላሌቴና ማላ፣ ሃዎ፤ ሲንገላው ሃ አሳቱ
ዬሱሳ ሱንገላ ኦሲኔ ኦዴናዳን፣ ማኒሲዴ ኡንቱንታ፣ «ሂንቴና ኤሬቴ»
ጎይቱ» ያጌዲኖ።

18 ኡንቱንቱ ፃሲዴ፣ ዬሱሳ ሱንገላ ሙሌካ ዴንጩናዲኒ አባ
ታማሪቤናዳን አዛዜዲኖ።

19 ሺን ጳጳርሲኔ የሃኒሲ ዛሬዴ፣ «ዎሳው ኤኖ ጊያዎ አጊዴ፣
ሂንቱንቶ ኤኖ ጊያዎ ዎሳ ሲንገላን ሎዔንቶኔ እኔ ሂንቱ ፐርዲቲ።

20 አዪሲ ጎፔ፣ ኩኒ ቤዔዳባኔ ሲሴዳባ ኦዴናን አጋናው
ዳንዳዮኮ» ያጊዴ ሸቆዳ አሳው ኦዴዲኖ።

21 ሸቆዳ አሳይ ኡንቱንታ ሙራናው ጋሶቲያባይ ጳዴና፣ ላዔሱዎ
ዳሪሲ ፓሉማቲዴ፣ ሃኔዳባው አሳይ ኡባይ ዎሳ ጋላቲያ ዲራው፣
ኡንቱንታ ቢሊዴ ዬዴዲኖ።

22 ሄ ሃርጊያ፤ ፓሊያ ማላታቱ አው ኦሴቴዳ ቢታኒ ዬሌቶዴ፤
ላይላይ አው ኦይታሙዎ፤ አዴዴ።

ዬሱሲ ኪቴዳዋንቱኔ ሃራ አማኒያ አሳቱ ጴማ ዎዴ ዎሴዳ ዎሳ

23 ጳጳርሲኔ የሃኒሲ ቢሌቲዴ፣ ባሬንቱ ዳባቱዎኮ ቢዴ፣
ቄሳቱዎ ካፓቱኔ አዪሁዳ ጨማቱ ባሬንታ ጌዳባ ኡባ ኡንቱንቶ
ኦዴዲኖ።

24 ኡንቱንቱ ሄዎ ሲሴዳ ዎዴ፣ አቲ ዎዛና ጊዲዴ፣ ዎሳ ሃዎዳን
ያጊዴ ዎሴዲኖ፤ «ኡባ ሞዲያ ጎዳው፣ ሳሉዎ፣ ሳዓ፣ አባኔ
ኡንቱንቱ ጊደን ዴዲያ ኡባባ ሜዴዳዎ፣

25 ኔኒ ኔው ኦሊያ ኦ አጫዎ ዳዊቱ ዶናን ጌሻ አያናን ሃሳያዴ፣
ላዪሁዳ ጊዴና አሳይ አዪሲ ዪሎቴዴ?

ቃሲ አሳይ አዪሲ ዳንቤናባው ማቄቲዴ?

26 ሳዓ ካታቱ ጊጌቴዲኖ፤
ጋዲያ ሞዲያዎንቱ ጎዳ ቦላኒኔ

ኢ እኩዳ ኪሪሰቶሳ ቦላ ኢቲፔ ዳንዴዲና።
ያጋዴ ሃሳያዳ።

27 «እዩሲ ጎፔ፣ ሄሮዲሲኔ ጳንጻናዊያ ጲላያሲ እዩሁዳ ጊደና አሳናኔ ኢሰራዔሊያ አሳና፣ ኔኒ እኩዳ ኪሪሰቶሳ ኔ ጌሻ ናዓ ዮሱሳ ቦላ ዳንዳናው፣ ሃ ካታማን ሺቄዳዌ ቱማ።

28 ቃሲ ኔኒ ኔ ዋልቃኒኔ ኔ ሸኒያን ሃናና ጋዴ ቆፓ ኡቴዳባ ኡባ አላናው ሺቄዲኖ።

29 ሃዒካ ጎዳው፣ ኡንቱንቱ ናሲያ ጻላ፤ ኑኒ ኔና ካሊያዋንቱ፣ ኔ ቃላ ኩሜንሳ ቆንጨቴላን ኦዳናዳን፣ ኑና ዳንዳዩሳ።

30 ፓላናው ኔ ዋልቃ ቤሳ፤ ቃሲ ኔ ጌሻ ናዓ ዮሱሳ ሱንላን ኦራላባኔ ማላታ ኦሲሳ» ጊዴ ዋሴዲኖ።

31 ኡንቱንቱ ያሳ ዋሴዳዋፔ ጉዩያን፣ ሄ ኡንቱንቱ ሺቄዳሳይ ቃዌዳ። ኡንቱንቱ ኡባን ጌሻ አያናይ ኩሚና፣ ያሳ ቃላ ቆንጨቴላን ኦዴዲኖ።

ኮይሮ አማኔዳ አሳቱዋ ኢቲፔቴላ ዳዑዋ

32 አማኒያዋንቱ ኡባቱ ቆፋኒኔ ዋዛናን ኢቱዋ ጊዴዲኖ። ኡንቱንቱ ሜሂ ኡባይ ኢቲፔ ዳዒያዋፔ አቲን፣ ባሬው ዳዔዳባ ኦኒኔ ባሬንቱባ ጊቤና።

33 ዮሱሲ ኪቴዳዋንቱ ጎዳ ዮሱሲ ሃይቁዋፔ ዳንዴዳዋ ዋልቃማ ዋልቃን ማርካቲኖ፤ ቃሲ ያሳይ ኡንቱንቶ ኡባው አጾ ከካቴላ ዳሪሲዴ አሜዳ።

34 አማኒያዋንቱ ጊደን ሜቶታንቻይ አቱኔ ባዋ፤ እዩሲ ጎፔ፣ ቢታይ ዋይ ጎሊ ዳዒያዋንቱ ኡባቱ ዛለዒዴ፣ እኩዳ ሚሻ አሂዴ፣

35 ዮሱሲ ኪቴዳዋንቱሲ አሚኖ፤ ሄ ሚሻይ አሳው ኮሺያዋዳን ሻኬቲ፣ ሁጲያን ሁጲያን አሜቱ።

36 ቆጲሮሳ ጌቲቲያ ሳን ዮሌቴዳ ዮሴፋ ጊያ ለዊያ ዛሪ ኢቱ ዳዔ፤ አ ሱንላ ዮሱሲ ኪቴዳዋንቱ ባርናባሳ ጌዲኖ። ሄዋ ቢሌላይ «ሜንሱሊያ ናዓ» ጊያዋ።

37 ባርናባሲ ባሬው ዳዒያ ጋዲያ ዛለዒዴ ሚሻ አሂዴ፣ ዮሱሲ ኪቴዳዋንቱሲ አሜዳ።

5

ሃናኒያኔ አ ማቻቲ ሳጲሮ

1 ኢቲ ሃናኒያ ጌቲቲያ ቢታኒ ባሬ ማቻቲ ሳጲሪና ጋዲያ ዛለዒዳ።

2 ሄ ዛሊዔዳ ሚሻፕ ባሬ ማቻታ ኤሪሺን አሺዴ፣ ኣቶዋ ዬሱሲ ኪቴዳዋንቱሲ ኢሜዳ።

3 ሺን ጳዒርሲ ሃናኒያ፣ «ኔኒ ጌሻ ኣያና ጨማዴ ኔ ጋዲያ ዛሊዔዳ ሚሻፕ ሻካ ኣሻና ማላ፣ ፃላሂ ኔ ዋዛናን ኣዪሲ ጌሌዴ?»

4 ኔኒ ዛሊዓናፕ ካሴ ጋዲ ኔዋ ጊዴኔ? ቃሲ ኔኒ ዛሊዓ ሲሚናካ ሚሻፕ ኔሳ ጊዴኔ? ያቲና፣ ሃዋ ማላባ ኦላናው ኣዪሲ ኔ ዋዛናን ቆፓዲ? ኔኒ ያሳው ዋርዶቶዋፕ ኣቲን፣ ኣሳው ዋርዶታቤይካ» ያጌዳ።

5 ሃናኒ ሄ ቃላ ሲሴዳ ማንዒያንካ ኩንዲዴ ሃይቂ ኣጌዳ፤ ሄዋ ሲሴዳ ኡባይ ዳር ያዬዳ።

6 ዋዳላ ኣሳቱ ሶይ ጌሊዴ፣ ኣ ኣኃ ፃዒዴ፣ ካሬው ኬሲ ኣ ዋጌዲኖ።

7 ሄዙ ሳቲ ጊዶዋፕ ጉዪያን፣ ሃናኒያ ማቻታ ሄዋ ኤሬናን ዴዒዴ ጌላዲ።

8 ጳዒርሲ ኢዞ፣ «ሂንቲንቱ ጋዲያ ሃኒ ኬና ሚሻን ዛሊዔዲቲ? ኣኔ ታው ኦዳ» ያጌዳ።

ኢዞ፣ «ኦ ሃኒ ኬና ሚሻን ዛሊዔዶ» ያጋዲ።

9 ጳዒርሲ ሚሺራቶ፣ «ኔኒኔ ኔ ኣሲናይ ጎዳ ኣያና ፓጫናው ኣዪሲ ዘሬቲዲቲ? ቤዓ፤ ኔ ኣሲና ሞጌዳ ኣሳቱ ካሬን ዴዒኖ፤ ኔ ኣኃካ ኡንቲንቱ ካሬ ኬሳና» ያጌዳ።

10 ሚሺራታ ሄ ማንዒያንካ ጳዒርሳ ጌዲያ ማታን ኩንዲዴ ሃይቃ ኣጋዲ፤ ዋዳላ ኣሳቱ ጌሊያ ዋዴ ሃይቂዳዉና ዴሚዴ፣ ካሬ ኬሴዳዋፕ ጉዬ፣ ኢዚ ኣሲና ዲፉዋ ማታን ሞጌዲኖ።

11 ኣማኒያ ኣሳ ኡባይኔ ሄዋ ሲሴዳ ሃራ ኣሳይ ኡባይ ዳሪ ያዬዳ።

ዬሱሲ ኪቴዳዋንቱ ኩሺያን ኦሴቴዳ ኦራላባቲዋኔ ማላሊሲያዋንታ

12 ዬሱሲ ኪቴዳዋንቱ ዳር ማላታኔ ኦራላባ ኣሳ ጊዶን ኦሊኖ፤ ኣማኒያ ኡባቱ ሶሎሞኔ ባራንዳን ኢቲፕ ሺቂኖ።

13 ሃራ ኣሳፕ ኡንቲንቱና ጋኬታናው ሃራይ ኣቶ ኢቲኔ ፃሊቤና፤ ሺን ኣሳይ ኡንቲንታ ቦንቹ።

14 ኣማኒያ ኣቲማ ኣሳይኔ ማጫ ኣሳይ ካሰዋፕ ጮራይ ጎዳሲ ጉጃቲ።

15 ሄዋ ዲራው፣ ኣሳይ ሃርጋንቻቲዋ ሻንቻማኒኔ ሳሌናን ቄሪ ቶኪዴ፣ ጳዒርሲ ሄዋና ኣጂያ ዋዴ ሃራይ ኣቶ፣ ኣው ኩዌንቶኔ ኡንቲንቲፕ ኢቲዋ ኢቲዋ ቦላና ኣቆና ማላ፣ ካታማ ኦጊያ ዶና ኬሲዴ ዋሌ።

16 ቃሲ ጮራ አሳይ ዩሩሳላሜ ማታን ደዒያ ካታማቱዋፔ ሃርጋንቻቱዋኔ ኢታ አያናን ኦይቄቲዳ አሳቱዋ አኪ ዩዲኖ፤ ኡባቱካ ፓዳዲኖ።

ዮሴፊ ኪቴዳዋንቱ ቦላ ዩዳሳይ ዳንዴዳ

17 ሄዋፔ ሲሚና ቄሳቱዋ ካፑኔ አናና ደዒያ ሳዲቃዋናቱ ኡባቱ ዮሴፊ ኪቴዳዋንታ ዳር ቃናቲዳ፡ ኡንቲንቱ ቦላ ዳንዴዲኖ።

18 ቃሲ ዮሴፊ ኪቴዳዋንታ ኦይቄዳ፡ ኡባ አሳ ቃቺያ ጎሊያን ዩጌዲኖ።

19 ሺን ጎዳ ኪታንቻይ ቃማ ቃሾ ጎሌ ፔንጊያ ዶዬዳ፡ ዮሴፊ ኪቴዳዋንታ ካሬ ኬሲዳ።

20 «ሂንቲንቱ ቢዳ፡ ጌሻ ጎሊያን ኤቄዳ፡ ሃ ኦራላ ዳቡዋ ቃላ ኡባ አሳው ኦዲቱ» ያጌዲኖ።

21 ዮሴፊ ኪቴዳዋንቱ ሄዋ ሲሴዳ ዎዳ፡ ዎንቱማላን ጌሻ ጎሊያ ጌሊዳ፡ ታማርሳናው ዶሜዲኖ።

ቃሲ ቄሳቱዋ ካፑኔ አናና ደዒያዎንቱ ዪዳ፡ ሺቄዳ አሳና ኢስራዔሊያ ጠማቱዋ ኡባቱዋ ኢቲፔ ያሲዳ፡ ዮሴፊ ኪቴዳዋንታ ባሬንቱ ሲንላ አሃና ማላ፡ ዎታዳራቱዋ ቃሾ ጎሌ ኪቴዲኖ።

22-23 ሺን ዎታዳራቱ ቃሾ ጎሌ ቢዳ፡ ዮሴፊ ኪቴዳዋንታ ዳሚቤይኪኖ፤ ጉዬ ሲሚዳ ሺቄዳ አሳው፡ «ኑኒ ቢያ ዎዳ ቃሾ ጎሌ ካሪያ ዳር ሚኒሲ ቃቺና፡ ናጊያዎንቱካ ፔንጊያን ኤቄዳዎንታ ዳሜዳ፤ ሺን ኑኒ ቃሾ ጎሊያ ዶዬያ ዎዳ፡ ጎሌ ጋርሳን ሃራይ አቶ ኢቲ አሳይኔ ባዋ» ያጌዲኖ።

24 ጌሻ ጎሊያ ዎታዳራቱዋ ኪቴያዌኔ ቄሳቱዋ ካፓቱ ሄዋ ሲሴዳ ዎዳ፡ «ሃዌ ዋኑዋሻ? ቃሲ ጊዲኒ አዬ ሃናንዴሻ?» ያጊዳ ሂርጌዲኖ።

25 ሄዋፔ ጉዬያን፡ ኢቲ ቢታኒ ኡንቲንቱኮ ዪዳ፡ «ቤዒቲ፤ ቃሾ ጎሊያን ሂንቲ ቃቺዳ አሳቱ ጌሻ ጎሊያን ኤቄዳ፡ አሳ ታማሪሲኖ» ያጊዳ ኡንቲንቶ ኦዲዳ።

26 ጌሻ ጎሊያ ዎታዳራቱዋ አዛዚያዌ ዎታዳራቱዋና ቢዳ፡ ዮሴፊ ኪቴዳዋንታ አሄዳ፤ ሺን ኡንቲንቱ ባሬንታ አሳይ ሹቻን ጫዳናዎንታ ጊዳ ያዬዳ ዲራው፡ ኡንቲንታ ሎዳን አሄዲኖ።

27 ኡንቲንቱ ዮሴፊ ኪቴዳዋንታ አሂዳ፡ ሄዋ ሺቄዳ ሻንጉዋ ሲንላን ኤሲና፡ ቄሳቱዋ ካፑ ኡንቲንታ።

28 «ሂንቲንታ ኑኒ ሄ ቢታኒያ ሱንላን ታማሪሴና ማላ ሚኒሲዳ አዛዚቤይኮ? ቤዒቲ፤ ሂንቲ ተሚርቲያ ዩሩሳላሜ ካታማ ኡባ ጋሌዲታ፤ ቃሲ ሄ ቢታኒያ ሺሞፑዋን ኑና ኦይላናው ቆፒታ!» ያጊዳ ኦቺዳ።

29 ጳጳሮሲኔ ዩሱሲ ኪቴዳ ሃራንቱ ዛሪዳ ያጌዲና፤ «ኮኒ አሳው አዛዜታና፤ ገሳው አዛዜታናው ቤሴ።

30 ማሰቃሊያ ቦላ ሚሲማሪያን ጳጳሪ ካቂዳ፣ ሂንቲ ዋጳዳ ዩሱሳ ኑ አዋቱዋ ገሳይ ሃይቁዋ፤ ዳንጹዳ፤

31 ኢሰራዔላቱዋሲ ናጋራ፤ ሲማኔ ናጋራ አቶ ጉሳ ዩሱሲ አማና ማላ፣ ገሳይ ሞዲያዋኔ አሺያዋ አ ኦሲዳ፣ ባሬ፤ ኡሼቻ ባጋን ጶቁ ጶቁ ኦሲዳ።

32 ሄዋሲ ኮኒ ማርካ፤ ቃሲ ገሳይ ባሬው አዛዜቲያዋንቲሲ አሜዳ ጌሻ አያናይካ ማርካ» ያጌዲና።

33 ሺቁዳ አሳይ ሄዋ ሲሴዳ ዋዳ፣ ዳር ዩሎቲዳ፣ ዩሱሲ ኪቴዳዋንታ ዋጳናው ቆፕዲና።

34 ሺን አሳ ኡባን ዳር ቦንቼቲዳ ጋማሊያላ ጌቲቲያ፣ ሂጊያ ታማሪሲያ ኢቲ ፓሪሳዊ፣ ሺቁዋን ዳንዲ ኤቁዳ፣ ዩሱሲ ኪቴዳዋንቱ ጉሳ ዋዲያ ካሬ ኬሳና ማላ

35 አዛዜዳ ሄዋን ሺቁዳ አሳ ሃዋዳን ያጌዳ፤ «ኢሰራዔሊያ አሳቶ፣ ሂንቲ ሃ አሳቱዋ አላና ቆፕያዋን ሂንቲንታ ናጌቲ።

36 አዩሲ ጎፔ፣ ሃዋ፤ ካሴ ዋዲያን ቲዋዳሳ ጌቲቲያዋ ባሬና ዋልቃማ ጌዳ ዳንዳዳ፤ ዳንዲና ኦይዲ ጭቱ ጌዲያ አሳቱ አናና ጋኬቲዲና፤ ሺን አ ዋጳና፣ አ ካሌዳ ኡባቲካ ላሌቲዳ፣ ማዳና አሳ ጌዲዳ አቲዲና።

37 ሄዋ፤ ጉዩያን፣ አሳይ ፓይዳቲያ ዋዳ፣ ጋሊላ ዩሁዳይ ዳንዲዳ፣ ዳር አሳ ፓኑዋ ኡዲዳ ካሌሌዳ፤ ሺን አካ ዋጳና፣ አ ካሌዳ አሳይ ኡባይ ላሌቲዳ።

38 «ሃዲካ ታኒ ሂንቲንቶ ኦዳይ፤ ሃ አሳቱዋ፤ ሻኬቲቲ፤ ኡንቲንታ ቦቸፕቲ። አዩሲ ጎፔ፣ ሃ ቆፋይኔ ሃ ኦሱ አሳይ ኦሌዳዋ ጌደ፤ ጳያና።

39 ሺን ሃ ቆፋይኔ ሃ ኦሱ ገሳ፤ ዩዳዋ ጌደ፤ ሂንቲ ኡንቲንታ ጳዩሳናው ዳንዳይኪታ፤ ኦኒ ኤሪ ሃዋ ሃኒዳ ገሳና ሂንቲ ኢቲቲናዳን» ያጌዳ።

40 ሄዋ፤ ጉዩ ሺቁዳ አሳይ ጋማሊያላ ዘሪያ አኪዳ፣ ዩሱሲ ኪቴዳዋንታ ጳሲዳ፣ ሊሱዋን ሾጪሴዲና፤ ሄዋ፤ ጉዩያን ኡንቲንታ፣ «ዩሱሳ ሱንሳ ሳዔሱዋ ኡባካ ዳንጾፕቲ» ጌ ቢሊዳ ዩዳዲና።

41 ዩሱሳ ሱንሳ ዲራው፣ ኡንቲንቱ ኡጋቲዳ ዩላታናው ቤሲያባ ቆፕዳ ዲራው፣ ሻንጉዋ ሲንሳ፤ ናሼቲዳ ኬሴዲና።

42 ኡንቲንቱ ኡባ ጋላሲ ጌሻ ጎሊያኒኔ አሳ ሰዩን ዩሱሲ፣ ኪሪሰቶሳ ጌዳዋ ታማሪሲያዋኔ ኦዲያዋ ያ ጉጃዲና።

6

ዎሳ ጎሊያ ማዲያ ላፑ አሳቱ ደሬቴዲኖ

1 ሄ ዎዳ፡ ካሊያዋንቱ ፓይዲ ዳሪ ዳሪ ቢሸን፡ ገሪኬ ቃላ ሃሳዬያ አዲሁዳቱን ዩሁዲን ዳዒያ አዲሁዳቱ ዋላቁቴዲኖ፤ አዲሲ ጎፔ፡ ገሪኬ ቃላ ሃሳዬያ አዲሁዳቱ፡ «ኡባ ጋላሲ ገሸቴያ ቁማን ኑ አሲናይ ሃይቆ ማጫዋንቱ ናቁቴኖ» ያጌዲኖ።

2 ዬሱሲ ኪቴዳ ታማኔ ላዓቱ ዎሳ ጎሊ አሳ ኡባ ዪሲዳ፡ ሃዋዲን ያጌዲኖ፤ «ኑኒ ያሳ ቃላ ኦዲያዋ አጊዳ፡ ቁማ ገሻናው ኑሲ ቤሴና።

3 ኢሻቶ፡ ሎዓ ጌቴቴያዋንታ ጌሻ አያናይኔ አቶ ኤራቴላይ ኩሜዳ ላፑ አሳቱዋ ሂንቴ ጊደፔ ደሪቴ፤ ኑኒ ቃሲ ኡንቱንታ ሃ ኦሱዋሲ ሱንሳና።

4 ሸን ኑኒ ያሳ ዎሳኒኔ ቃላ ኦዲዋን ሚናና» ያጌዲኖ።

5 ዬሱሲ ኪቴዳዋንቱ ሃሳዬዳ ሃሳያይ አሳ ኡባ ናሽቼዳ፤ ሄዎፔ ጉዬ፡ አማኑኔ ጌሻ አያናይ ኩሜዳ ኢሰዒፋኖሳ፡ ፒሊጶሳ፡ ጸርኮርሳ፡ ኒቃርና፡ ዪዎና፡ ጳሪሜናኔ አዲሁዳቱዋ አማኑዋን ጌሌዳ አንጾኪያ ኒቆላዎሳ ደሬዲኖ።

6 ያቴዳ ዬሱሲ ኪቴዳዋንቱ ሲንሳን ኡንቱንታ ኤሲና፡ ዬሱሲ ኪቴዳዋንቱ ያሳ ዎሴዳዎፔ ጉዩያን፡ ባሬንቱ ኩሺያ ኡንቱንቱ ቦላ ዎሴዲኖ።

7 ያሳ ቃላይ አኪ አኪ ቤዳ፤ ካሊያዋንቱ ፓይዲዋን ዬሩሳላሜን ዳሪሲ ዳሪ ዳሪ ቤዳ፤ ቃሲ ጮራ ቁሳቱካ አማኔዲኖ።

ዎሳ ጎሊያ ካሌሌያ ኢሰዒፋኖሲ ኦይቁቴዳ

8 አቶ ኬካቴላይኔ ዎልቃይ ኩሜዳ ኢሰዒፋኖሲ፡ አሳ ጊደን ኦራላባኔ ዎልቃማ ማላታ ኦሴ።

9 አይሌቴላፔ ኬሴዳ አሳ ጊያ አዲሁዳ አማኒያዋንቱ፤ ቁሬናፔ፡ ኢሰኪንዲሪያ አሳቱዋ፤ ኪልቁያፔኔ ኢሲያፔ ዬዳ ኢቲ ኢቲ አሳቱ ዴንዲዳ፡ ኢሰዒፋኖሳና ፓሉሜቴዲኖ።

10 ሸን ኢሰዒፋኖሲ አቶ ኤራቴላኒኔ አያናን ሃሳዬያዋ ዲጋናው ዳንዳይቤይኪኖ።

11 ሄ ዎዳ ኡንቱንቱ፡ «ሙሴ ቦላኔ ያሳ ቦላ ኢ ቦሪያ ቃላ ሃሳዬሸን ሲሴደ» ጊያ ዎርዶ አሳቱዋ ሻሜዲኖ።

12 አሳ ኡባ፡ ጨማቱዋኔ ሙሴ ሂጊያ ታማሪሲያዋንታ ሃንቁሴዲኖ፤ ኢሰዒፋኖሳኮ ዩዴ አ ኦይቁዴ፡ ሸቁዳ አሳኮ አሂና፡

13 አ ቦላ ዪሴዳ ዎርዶ ማርካቱ፡ «ሃ ቢታኒ ሃ ጌሻ ጎሊያኔ ሙሴ ሂጊያ ቦሪያዋ አጫዴኔ አጌና።

14 አዲሲ ጎፔ ኢ፥ «ሃዌ ናዚሬቲያ ዬሱሲ ሃ ጌሻ ጎሊያ ኮላና፤ ሙሴ ኮሲ አሜዳ ሂጊያካ ላማና) ያጊሺን፥ ኑኒ ሲሴዶ» ያጊዲኖ።

15 ሺቁዋን ኡቴዳ አሳይ ኡባይ ኢስዒፋኖሳ አኬኪዴ ያሊያ ዋዴ፥ አ ሶምዒ ኪታንቻ ሶምዒያ ማላቴ።

7

ኢስዒፋኖሳ ሃሳያ

1 ቁሳቱዋ ኡባቱዋ ካፑ ኢስዒፋኖሳ፥ «ሃዌ ቱሜ?» ያጊዴ ኦቹዳ።

2 ኢስዒፋኖሲ «ታናዳን አማኒያዋንቶ፥ ታ አዋቶ፥ ሲሲቲ! ኑ አወዋ አብራሃዋ ቢሮ ካራኔ ባናፔ ካሴ ማሲጶምያን ዴሲሺን፥ ቦንቾ ያሳይ አው ቤቲዴ፥

3 ኔ ቢታፔኔ ኔ ዳባቱዋፔ ሻኬታዴ፥ ታኒ ኔና ቤሲያ ጋዲያ ባ) ያጊዳ።

4 ሄ ዋዴ አብራሃዋ ካላዳዋቱ ጋዲያፔ ኬሲዴ፥ ካራኔን ዴዓናው ቤዳ። አ አቡ ሃይቁዳዋፔ ጉዲያን፥ ያሳይ አ ሃ ጋዴ ሂንቱ ሃዒ ዴዒያሳ አሄዳ።

5 ኢ ሃ ጋዲያፔ ሃራይ አቶ፥ ጌዲያን ዬጲያ ሳዓካ አብራሃዋሲ አሚቤና፤ ሺን አው ናዓይ ጳዮፔካ፥ ያሳይ አ፥ ታኒ ኔወኔ ኔፔ ጉዲያን፥ ኔ ዜሬላው ሃ ጋዲያ ላታ አላዴ አማና) ያጊዳ።

6 ያሳይ አብራሃዋሲ፥ ኔ ዛራቱ ሃራ ጋዲያን ዴዓና፤ ያኒ ኦይዳ ያቱ ላይላው ኡንቱንቱ አይሌታና ናቁታና።

7 ሺን ታኒ ኔ ዜሬላ ሞዲያ አሳ ቦላ ፐርዳና፤ ሄዋፔ ጉዲያን፥ ኡንቱንቱ ሄ ጋዲያፔ ኬሲዴ፥ ሃዋን ታው ጎዪናና) ያጊዳ።

8 ያሳይ አብራሃሜ ዜሬላይ ቃፃሪታና ማላ አናና ጫቁና፥ ዪሳቃ ኢ ዬሊዴ፥ ሆሰፑንላ ጋላሲ ቃፃሪዳ፤ ዪሳቁ ያዪቆባ ቃፃሪና፥ ቃሲ ያዪቆቢ ታማኔ ላዑ አዋቱዋ ካፓቱዋ ቃፃሪዳ።

9 «አዋቱዋ ካፓቱ ዮሴፋ ቃናቲዴ፥ ጊብዜ ጋዲያሲ አይሌታናዳን፥ አ ዛሊዔዲኖ፤ ሺን ያሳይ አናና አቲፔ ዴዔ።

10 ያሳይ ዋዪያ ኡባፔካ አ ኬሴዳ፤ ቃሲ ጊብዜ ካቲያ ሲንላንካ ናሹዋኔ አጶ ኤራቴላ አው አሜዳ፤ ጊብዜ ካቲ ዮሴሬሲ ጊብዜ ጋዲያኔ ባሬ ጎሊያ ኡባ ሞዳናዳን፥ ሱንላቴላ አሜዳ።

7:2 ደም 12:1 7:4 ደም 11:31፤ 12:4 7:5 ደም 12:7፤ 13:15፤ 15:18፤ 17:8 7:6 ደም 15:13-14 7:7 ኬሰ 3:12 7:8 ደም 17:10-14፤ 21:2-4፤ 25:26፤ 29:31-35:18 7:9 ደም 37:11፤ 28፤ 39:2፤ 21 7:10 ደም 41:39-41

11 «ጊብፄ ጋዲያነኔ ካናኔ ጋዲያን ኡባን ኮሻይ ጌሊዳ፣ ጮራ አሳ ማቶሌዳ፤ ሄ ጋሱዋን ኑ አዋቱ ቁማ ዳሚቤይኪኖ።

12 ያዩቆቢ ጊብፄ ጋዲያን ካላይ ዳዒያዋ ሲሲዳ፣ ኑ አዋቱዋ ኮይሮ ያ ዬዳዳ።

13 ላዔሉዋ ቡሳን ዮሴፎ ባሬ አሻቱዋሲ ኤሬቴዳ፤ ቃሲ ጊብፄ ካቲካ ዮሴፎ ዛሪያ ኤሬዳ።

14 ዮሴፎ ባሬ አዉዋ ያዩቆቢኔ ባሬ ዳቡ ኡባይ ሙሌካ ላቸን ታማኔ ኢቼሹ አሳይ ባሬኮ ያና ማላ፣ ኪቲዳ ፀጊሴዳ።

15 ያዩቆቢ ጊብፄ ጋዲያ ዎቂዳ ሃይቄዳ፤ ኑ አዋቱካ ያኒ ሃይቄዳኖ።

16 አንቱንቱ አጋይ ሄዋፔ ሴከማ ጌቲቲያ ጋዲያ ቶኩቲዳ፣ ያኒ አብራሃዋ ሃዋራ ናናፔ ዳሮ ቢራን ሻሜዳ ዱፋዋን ሞጌቲዳ።

17-18 «ሺን ያሳይ አብራሃሞሲ አማና ጌዳዌ ፖሌቲያ ዎዲ ጋካና ማቲና፣ ዮሴፋ ኤሬና ሃራ ካቲ ጊብፄ ጋዲያን ዳንዳና ጋካናሲ፣ አሳይ ዳሪ ዳሪ ቤዳ።

19 ሄ ካቲ ኑ ዛሪያ ጪሚዳ፣ ጉላ ናናይ ሃይቃና ማላ፣ ካሬ ኡንቱንታ ከሲ አላናዳን፣ ኑ አዋቱዋ ኡንዔሌዳ።

20 «ሙሴ ዬሌቲዳዌ ሄ ዎዳ፤ ያሳ ሲንላን ኢ ዳሮ ሎዎ ናዓ ጊዳዳ፤ ባሬ አዉዋ ጎሊያን ሄዙ አጌና ጋካናሲ ዲጩዳ።

21 ሙሴ ዎራ ኦሌቴዳ ዎዳ፣ ጊብፄ ካቲያ ናታ ዳማዳ ባሬ ናዓዳን አ ዲቻዳ።

22 ሙሴ ጊብፃቱዋ አቶ ኤራቴላ ኡባ ታማሪዳ፣ ቃላኒኔ ኦሱዋን ዎልቃማ አሳ ጊዳዳ።

23 «ሺን ሙሴው ዬሌቶዳፔ ላይላይ ኦይታሙዋ ኩሜዳ ዎዳ፣ ባሬ አሻቱዋ፣ ኢሰራዔሊያ አሳቱዋ ቤዓናው ባሬ ዎዛናን ቆፔዳ።

24 ኢሰራዔላቱዋፔ አቱዋ ጊብፄፔ አቱ ናቂሺን ቤዒዳ፣ ሄ ኢሰራዔሊያ ማዳዳ፤ ሄ ናቄዳ ጊብፄ ቢታኒያ ዎቂዳ፣ አ ሃሉዋ ኬሴዳ።

25 ሙሴ ባሬ አሻቱዋ ባሬ ባጋና ያሳይ አሻና ሃኒያዋ አንቱንቱ አኬኬዲኖ ጊዳ ቆፔዳ፤ ሺን አንቱንቱ አኬኪቤይኪኖ።

7:11 ደዎ 42:1-2 7:13 ደዎ 45:1፣ 16 7:14 ደዎ 45:9-10፣ 17-18፣
46:27 7:15 ደዎ 46:1-7፣ 49:33 7:16 ደዎ 23:3-16፣ 33:19፣ 50:7-13፣
ኢያ 24:32 7:17-18 ኬስ 1:7-8 7:19 ኬስ 1:10-11፣ 22 7:20 ኬስ
2:2 7:21 ኬስ 2:3-10 7:23 ኬስ 2:11-15

26 «ዋንቴላ ጋላሲ ላዑ ኢስራዔሊያ አሳቱ ኢቱ ኢቱዋና ዋዴቲያዋንታ ዳሚዳ፡ ኡንቱንታ ሲጌላናው ኮዪዳ፡ «አሳቶ፡ ኢሻቱ ሂንቱንቱ አዪሲ ኢቱ ኢቱዋ ናቂቱ?» ያጌዳ።

27 «ሺን ሄ ባሪ ሾሩዋ ናቂያዌ ሙሳ፡ ነጎና ኑ ቦላ ሞዲያዋኔ ዳና ኡዲዳ፡ ሱንሎዳዌ ኦኔ?»

28 ኔኒ ዚኖ ገብጻ ቢታኒያ ዋዴዳዋዳን፡ ታናካ ዋዳናው ኮያይ?» ያጌዳ፡ ሙሳ ካሪው ሱጊ ዩጌዳ።

29 ሙሴ ሄዋ ሲሴዳ ዋዴ ገብጻ፤ ከሲዳ፡ ሚዲያማ ጋዲያን ቤቱ ገዲ ዳዒዳ፡ ላዑ አቱማ ናና ያኒ ዩሌዳ።

30 «ጎዳ ኪታንቻይ ኦይታሙ ላይላ፤ ጉዪያን፡ ሲና ዳሪያ ማታን ዳዒያ ባዙዋ ቡራን ኤዲያ ታማ ላጩዋ ገደን ሙሴው ቤቱዳ።

31-32 ሙሴ ባሪ ቤዔዳዋ ማላሌቲዳ፡ አኬኪ ያላናው ቡራ ማታን ኢ ሸቂዳዒሺን፡ ጎዳ ቃላይ፡ «ታኒ ኔ አዋቱዋ ያሳ፡ ኢብራሃማ ያሳ፡ ዪሳቃ ያሳ፡ ያዪቆባ ያሳ» ያጌዳ ሙሴኮ ዩዳ። ሙሴ ያሻ ኮኮሪዳ፡ ያላናው ያሊቤና።

33 «ጎዳይ ሙሳ፡ ነጎና ኤቁዳ ቢታይ ጌሻ ገዲያ ዲራው፡ ኔ ጌዲያን ዳዒያ ጫማካ ኬሳ።

34 ታኒ ገብጻን ዳዒያ ታ አሳ ዋዪያ ጌሻ ቤዓዳ፡ ቃሲ አንቱንቱ ኦሊያካ ሲሳዳ፡ ኡንቱንታ አሻናው ዋዳዲ። ሃዒ ሃ ያ። ታኒ ኔና ገብጻ ኪታና» ያጌዳ።

35 «ሄ ሙሳ ኢስራዔላቱ፤ ነጎና ኑና ሞዲያዋኔ ዳና ኡዲዳ ሱንሎዳዌ ኦኔ?» ያጌዳ ኢዳዲኖ፤ ቡራ ገደን አው ቤቱዳ ኪታንቻን ሞዲያዋኔ አሺያዋ ገደና ማላ፡ ያሳይ አ ኪቴዳ።

36 ሄ ሙሴ ኢስራዔላቱዋ ገብጻ ጋዲያን ዘያ አባኒኔ ማላ ቢታን፡ ኦይታሙ ላይላው ኦራላባኔ ማላታ ኦሊዳ፡ ገብጻ፤ ካሊሌዳ።

37 «ኢስራዔሊያ አሳሲ፡ «ያሳይ ታና ዳንሎዳዋዳን፡ ሂንቱ ዛሪያ ገደ፤ ታ ማላ ናሲያ ሂንቱንቶ ዳንላናዋ» ያጌዳዌ ሄ ሙሳ።

38 ኢ ኢስራዔሊያ አሳ ማባራና ኢቲ፤ ማላ ቢታን ዳዔዳዋ፤ ኢ ኑ አዋቱዋና ሲና ዳሪያ ቦላን ባሪው ሃሳዬዳ ኪታንቻና ኢቲ፤ ዳዔዳ። ያቲዳ ያሳ፤ ዳዕዋ ቃላ ኑሲ ኢማናው አኬዳ።

39 «ሙሴው ኑ አዋቱ አዛዜታናው ደሲቤይኪኖ፤ ሺን ጌዳ አ ሱጊ ኦሊዳ፡ ጉዪ ገብጻ ሲማናው አዋቱዲኖ።

7:29 ከስ 18:3-4 7:30 ከስ 3:1-10 7:35 ከስ 2:14 7:36 ከስ 7:5፤ 14:21፤ ገይ 14:33 7:37 ዛር 18:15፤ 18 7:38 ከስ 19:1-20:17፤ ዛር 5:1-33

40 ቃሲ ኦርና፡ ሩኩ ካሌሊያ ያሳቱዋ ኑሲ ሜጻ፤ አዪሲ ጎፔ፡ ሃ ኑና ጊብፀፔ ኣሄዳ ሙሴ ዋኔዳንቶ ኑኒ ኤርኮ) ያጌዲኖ።

41 ሚዛ ማራ ማላቲሲዳ፡ ሄ ዋዴ ኤቃ ኦሌዲኖ፤ ሄ ኤቃሲ ያርሹዋ ያርሹዳ፡ ባሪንቱ ኩሺ ኦሌዳ ኦሱዋን ናሹቲዲኖ።

42 ሺን ያሳይ ኡንቱንቶ ዞኪያ ዛሬዳ፤ ኡንቱንቱ ሳሉዋ ያለንቲያሲ ጎዪናናዳን፡ ኡንቱንታ ኣጌዳ፤ ናባቱዋ ማፃፋን፡ ሲሲራዴሊያ ኣሳቶ፡ ኦይታሙ ላይላ

ኣሳይ ባይና ሳን ሹኩዳ ሜሂያኔ ያርሹዋ ታው ያርሹዲቱ?

43 ሂንቲንቱ ሂንቲንቶ ጎዪናናው ኦሌዳ ኤቃቱዋ፡ ሞሎካ ዲንካኒያኔ ሬፋና ጊያ ሂንቲ ያሳ ያለንቲያ ቶኬዲታ።

ታኒ ሂንቲንታ ባቢሎኔፔ ሂኒ ባጋ ዬዳና

ጌቲቲዳ ፃፊቲዳ።

44 «ሙሴ ባሬ ቤዔዳዋ ማላቲሲዳ፡ ጎዲይ ኣው ኦዴዳዋዳን ሜጻዳ ማርካ ዲንካኒ ኑ ኣዋቱዋሲ ሜላ ቢታን ዴዔ።

45 ቃሲ ኑ ኣዋቱ ዲንካኒያ ባሪንቱ ኣዋቱዋፔ ካላን ኣኪዳ፡ ያሳይ ካሴ ዬዴርሱዳ ኣዪሁዳ ጊዴና ኣሳ ቢታ ኦይቄዳ ዋዴ፡ ኢያሱና ጌሊሴዲኖ፤ ሄ ዲንካኒ ዳዊቲ ዴዒያ ዋዲ ጋካናወካ ሄዋን ዴዔዳ።

46 ዳዊቲ ያሳን ሳቤቲዳ፤ ቃሲ ያዪቆባ፡ ጎዲይ ዴዳና ጎሊያ ከፃናው ያሳ ዋሴዳ።

47 ሺን ኣው ጎሊያ ከፃዳዌ ሶሎሞና።

48-50 «ሺን ናቢ፡ ሳዳይ፡ «ሳሉ ታ ካወቲላ ኦይዲያ፤ ሳዳይካ ታ ጌዲ ዬጲያሳ።

ያቲና፡ ታው ኣያ ማላ ጎሊያ ከፃኒቲ? ዋይ ታኒ ሹምፓናሳይ ሃቃኔ?

ሃ ኡባባ ታ ኩሺያን ሜጻቤይኪታ?» ያጌ ጌዳዋዳን፡ ኡባፔ ሶላ ያሳይ ኣሳይ ከፃዳ ጎሊያን ዴዔና።

51 «ሂንቲንቱ ኣይቤ ሞርጊ ሚኖ ኣሴ? ሂንቲንቱ ዋዛናይ ያሳ ቃላ ኣካናው ኣይቤ ዳሜዳዌ? ሂንቲንቱ ሃይሳይካ ዋኒ ቱሌዴ? ኡባ ዋዴ ጌሻ ኣያናሲ ኣዛዜቲናን ኢፃታ።

7:40 ኬስ 32:1 7:41 ኬስ 32:2-6 7:43 ኣዋ 5:25-27 7:44 ኬስ 25:9፣ 40 7:45 ኢያ 3:14-17 7:46 2ሳዋ 7:1-16፤ 1ኦድ 17:1-14 7:47 1ካት 6:1-38፤ 2ኦድ 3:1-17 7:48-50 ኢሳ 66:1-2 7:51 ኢሳ 63:10

52-53 ናባቱዋን ሂንቲንቱ አዋቱ ዬዳርሲቤናዊ ኦኔ? ያሳ ናዓይ
ዊሉ ያናዋ ካሴቲዳ ኦዳዳዋንታካ ዎዴዲኖ። ሃዒ ሂንቲንቱካ
ኪታንቻቱዋ ኩሺያፕ ያሳ ሂጊያ ኣኪዳ ኣዛዘቲቤናዋንቱ፣ ዊሉዋ
ኣላ ኢሚዳ ዎዴዲታ» ያጌዳ።

ኢሰዒፋኖሳ ሹቻን ዳቲዳ ዎዴዲኖ

54 ኡንቲንቱ ሄዋ ሲሴዳ ዎዳ፣ ባሬንቱ ዎዛናን ኢሰዒፋኖሳሲ
ዳር ዩሎቲዳ፣ ባሬንቱ ሚንቴርሻ ሳዒዳ ናሴዲኖ።

55 ሺን ኢሰዒፋኖሲ ባሬናን ጌሻ ኣያናይ ኩሚና፣ ሳሉዋ ፑዳ
ጨዲ ያሊዳ፣ ያሳ ቦንቹዋኔ ዬሱሲ ያሳፕ ኡሹቻ ባጋን ኤቁዳዋ
ቤዔዲ።

56 ያፕቲዳ፣ «ያሊቲ፣ ታኒ ሳሉ ዶዬቲና፣ ኣሳ ናዓይ ያሳፕ ኡሹቻ
ባጋን ኤቁዳዋ ቤዔይ» ያጌዳ።

57 ኮሻ ቋቁ ኣላ ዋሲዳ፣ ባሬንቱ ሃይሳ ቱጨዳ፣ ኢቲፕ ጊዲ
ኣኮ ዎዴዲኖ።

58 ካታማፕ ጋዓ ኣ ኬሲዳ፣ ሹቻን ጨዳዲኖ። ማርካቲካ
ባሬንቱ ማዩዋ ኬሲዳ፣ ኢቲ ሳዖላ ጌቲቲያ ዎዳላ ማታን ዎሌዲኖ።

59 ኢሰዒፋኖሲ፣ «ታ ጎዳ ዬሱሳ፣ ታ ሸምፑዋ ኣካ» ያጌዳ
ያጊሺን፣ ኡንቲንቱ ሹቻን ኣ ዳቲና።

60 ሄ ዎዳ ኢ ጉልባቲዳ፣ ባሬ ኮሻ ቋቁ ኣሊዳ፣ «ታ ጎዳው፣
ሃ ናጋራ ኡንቲንቶ ኣቶ ጋ» ያጌዳ። ሄዋ ጊኔ ሃይቂ ኣጌዳ።

8

ሳዖሊ ኣማኒያ ኣሳ ዬዳርሲዳ

1 ሳዖሊ ኢሰዒፋኖሴ ሃይቁ ሎዓ ጊ ኣኬዳ። ሄ ጋላሲ
ዩሩሳላሚን ዳዒያ ኣማኒያዋንቱ ቦላ ዎልቃማ ዬዳርሱ ዳንዳዳ፤
ዬሱሲ ኪትዳዋንቱፕ ኣቲን፣ ኣማኒያዋንቱ ኡባቱ ዩሁዳ ጋዲያኒኔ
ሳማሪያ ጋዲያን ላሌቲዲኖ።

2 ያሳ ኣሳቱ ኢሰዒፋኖሳ ሞጌዲኖ፤ ቃሲ ኣው ዳር ዬኬዲኖ።

3 ሺን ሳዖሊ ኣማኒያ ኣሳ ቋዩሳናው ባዌቲ፤ ኡባ ጎሊያ ጌሊ
ጌሊዳ፣ ኣቲማ ኣሳኔ ማጫ ኣሳ ጎቺ ጎቺዳ፣ ቃሾ ጎሌ ዬዳ።

ዎንጋላ ሚሺራቹ ሳማሪያን ኦዳቲዳ

4 ላሌቲዳ ኣማኒያዋንቱ ቃላ ኦዲዳ፣ ኡባሳ ቤዲኖ።

5 ፒሊጶሲ ሳማሪያ ካታማ ዎዴዳ፣ ኪሪሰቶሳባ ኣሳሲ ኦዳዳ።

6 ጮራ ኣሳይ ፒሊጶሲ ጌዳዋ ዳሪሲ ኣኬኪዳ ሲሴዳ፤ ኢ
ኦሊያ ማላታካ ቤዔዳ።

7 አዪሲ ጎፔ፣ ኢታ አያናቱ ኮሻ ጶቄ አሊ ሃሳዪዳ፣ ጮራ አሳፔ ኬሴዲኖ፤ ቃሲ ጮራ ሲሌዳዋንቱኔ ዋባቱ ፓዲዲኖ።

8 ሄ ካታማን አሳይ ዳሮ ናሼቲዳ።

9 ሺን ሲዋና ጌቴቲያ ኢቲ ቢታኒ ካሴ፣ ባሬና ዋልቃማ ጊ ካዪዲ፣ ሳማሪያ አሳ፣ «ላ ሃዌ አይቤ ኦራሳቤ» ጊሲዳ ሄ ካታማን ዴዔዳ።

10 ጉላቴላፔ ደሚዳ፣ ዋጋቴላ ጋካናው፣ አሳይ ኡባይ፣ «የሳ ዋልቃይ ዳሮ ዋልቃማይ ሃዋ» ጊዴ አባ ሲሴ።

11 ዳሮ ዋዲያፔ ደሚዳ፣ ካዩዋን ሳማሪያ አሳ «ላ ሃዌ አይባ ኦራሳቤ» ጊሴዳ ዲራው፣ አሳይ አባ ሲሴ።

12 ሺን ፒሊጸሲ የሳ ካዉቲላባኔ ዬሱሲ ኪሪሰቶሳ ሱንላባ አቲማዋንቱሴን ማጫዋንቱሲ ሚሺራቹዋ ኦዲዳ፣ ኡንቲንቱ አባ አማኒዳ ፃማቄቲዲኖ።

13 ቃሲ ሲሞኒካ ባሬ ሁጴው አማኒዳ ፃማቄቲዳዋፔ ጉዪያን፣ ፒሊጸሳና ኢቲፔ ዳዲዳ፣ ኦሴቲያ ማላታኔ የሳይ ኦሌዳ ዋልቃማ ማላታ ቤዲዳ ማላሌቲዳ።

14 ዬሱሲ ኪቴዳ ዬሩሳላሜን ዳዲያዋንቱ፣ ሳማሪያ አሳይ የሳ ቃላ አኬዳዋ ሲሴዳ ዋዳ፣ ጳደርሳኔ የሃኒሳ ኡንቲንቲቱ ዬዴዲኖ።

15 ጳደርሴኔ የሃኒሲ ዋዲዳ፣ አማኒያዋንቱ ጌሻ አያና አካና ማላ፣ ኡንቲንቶ የሳ ዋሴዲኖ፤

16 አዪሲ ጎፔ፣ ሳማሪያ አሳቱ ጎዳ ዬሱሳ ሱንላን ጂንቃታ ፃላላ ፃማቄቲዳዋፔ አቲን፣ ኡንቲንቲፔ ኢቲዋ ቦላኒኔ ጌሻ አያናይ ዋዲሴና።

17 ሄ ዋዳ ጳደርሴኔ የሃኒሲ ባሬንቲ ኩሺያ ኡንቲንቲ ቦላ ዋላዋፔ ጉዪያን ኡንቲንቲ ጌሻ አያና አኬዲኖ።

18 ዬሱሲ ኪቴዳዋንቱ ባሬንቲ ኩሺያ ኡንቲንቲ ቦላ ዋላና፣ ኡንቲንቶ ጌሻ አያናይ ኢሜቲዳዋ ሲሞኒ ቤዔዳ ዋዳ፣ ጳደርሳሴኔ የሃኒሳሲ ሚሻ አሂዳ፣

19 «ታኒካ ታ ኩሺያ ዋሊያ ኡባይ ጌሻ አያና አካና ማላ፣ ሃ ማታ ታዉካ ኢሜሪኪቲ» ያጌዳ።

20 ሺን ጳደርሴ አው ሃዋዳን ያጌዳ፤ «ኔኒ የሳ ኢሞታ ሚሻን ሻማናው ቆፔዳ ዲራው፣ ኔ ሚሻይ ኔናና ጮ ጳዮ።

21 ኔ ዋዛናይ የሳ ሲንላን ሱሬ ጊዳና ዲራው፣ ኔው ሃዋን ጊሹ ባዋ።

22 ያቶዋፔ ጉዪያን ሃ ኔ ዋዛና ኢታ ቆፋ ዲራው፣ ናጋራፔ ሲማ፤ ኦኒ ኤሪ ኔ ዋዛናን ዳዲያ ኢታ ቆፋ የሳይ አቶ ጋኔንቶኔ የሳ ዋሳ።

23 አዩሲ ጎፔ፣ ኔኒ ዳር ቃናቲያ ኦይቃዳ ናጋራ ቃሹዋን ዳዒያዎ ታኒ ቤዓይ» ያጌዳ።

24 ሄዋፔ ጉዬ ሲሞኒ ጳዊርሳሲኔ የሃኒሳሲ ዛሪዳ፣ «ሂንቴንቱ ጌዳዋፔ ኢቲባይኔ ታና ጋኬና ማላ፣ ሂንቴ ታው ያሳ ዋሲቱ» ያጌዳ።

25 ጳዊርሳሲኔ የሃኒሲ ማርካቴዳዋፔኔ ጎዳ ቃላ ኦዳዳዋፔ ጉዬያን፣ ጉዬ ዬሩሳላሜ ሲሜዲኖ፤ ያቲዳ ሳማሪያን ዳዒያ ዳር ቄሪ ካታማቱዋን ሚሺራቹዋ ቃላ ኦዳዲኖ።

ፒሊጶሲ ቶጲያ አሳ ጊዳዳ ሹፋ ፃማቄዳ

26 ጎዳ ኪታንቻይ ፒሊጶሳ፣ «ዳንዳዳ ዬሩሳላሜፔ ጋዛ አፊያ አሲ ባይና ማላ ሳዓ ኦጊያኮ ባ፤ ሄ ኦጊ አዋይ ኬሲያሳ ጻሊያ ዋዳ ኡሽቻ ዲጌሃ ባጋና ዳዔ» ያጌዳ።

27 ፒሊጶሲ ዳንዲዳ ቤዳ። ሂንዳኮ ጌቴቲያ ቶጲያ ካታቲሲ ቢታ ዋዲያ ኢ ሚሻ ኡባካ ናጊያ ቶጲያ አሳ ጊዳዳ ኢቲ ሹፋይ ዳዒያዋ ጎዩናናው ዬሩሳላሜ ቤዳ።

28 ፓራይ ጎቺያ ጋሪያን ኡቲዳ፣ ዬሩሳላሜፔ ጉዬ ሲሚዳ፣ ናቢያ ኢሲያሳ ማፃፋ ናባቤ።

29 ጌሻ አያናይ ፒሊጶሳ፣ «ሄ ጋሪያኮ ሺቃዳ ኢቲፔ ጊዳ» ያጌዳ።

30 ፒሊጶሲ ዋዲ ዩዳ፣ ናቢያ ኢሲያሳ ማፃፋ ሹፋይ ናባቢሺን ሲሲዳ ኦ፣ «ኔኒ ናባቢያዋ አኬካይ?» ያጌዳ።

31 ሹፋይ፣ «ታው ኦዲዳ አኬኪሲያ አሳይ ባይናን ዋኒዳ አኬኬቲ?» ያጌዳ፤ ቃሲ ባሪናና ጋሪያን ኬሲዳ ኡታና ማላ፣ ፒሊጶሳ ዋሴዳ።

32 ሹፋይ ናባቢያ ማፃፋይ
«ዶርሳዳን ኢ ሹኬታናው ላጌቱ።
ዶርሳ ማራይ ባሪ ኢሲኪያ
ቃንዲያዋ ሲንሳን ጮፀ ጊያዋዳን፣
አካ ባሪ ዶና ፖኪቤና።

33 ኢ ካዉሼዳዋዳን አው ዲሎ ፒርዳይ ቆዬዳ።
ዬሱሳ ዳው ሃ ሳዓፔ ፑዳ አኬቲዲጌዳ ዲራው፣
አ ዛሪያባ ኦኔ ኦዳናዋ?»
ያጌዳ።

34 ሹፋይ ዛሪዳ ፒሊጶሳው፣ «ናቢ ሃዋ ኦዋ ኦዲ? ባሪባ ኦዲዬ ዋይ ሃራ አሳባ ኦዲ? ታው ኦዳሪኪ» ያጌዳ።

35 ፒሊጶሲ ዛሬዳ፣ ያሳ ማፃፋ ኢ ናባቢያሳፕ ደሚዳ፣ ዬሱሳባ ሚሺራቸዋ ቃላ ኣው ኦዳዳ።

36 ኡንቱንቱ ኦጊያ ኦይቂ ቢዳ፣ ሃላይ ዳዒያሳ ጋኬዲኖ፤ ሹፋይ፣ «ሃላ ሃዋ ቤዓ፤ ፃማቄቲያዋ ታና ዲጊያዌ ኣዩ?» ያጌዳ።

37 ፒሊጶሲ ኣ፣ «ኔኒ ኔ ኩሚንጎላ ዋዛናፕ ኣማናፕ፣ ዳንዳያ» ያጌዳ።

ኢ ዛሬዳ፣ «ዬሱሲ ኪሪሰቶሲ ያሳ ናዓ ጊዲያዋ ታኒ ኣማናይ» ያጌዳ።

38 ጋሪ ኤቃና ማላ ሹፋይ ኣዛዚና፣ ኢኔ ፒሊጶሲ ላዓቱ ዲጌ ዋጂዳ፣ ሃላን ጌሊና ፒሊጶሲ ኣ ፃማቄዳ።

39 ኡንቱንቱ ሃላፕ ጋፃ ኬሴዳ ዋዳ፣ ጎዳ ኣያናይ ፒሊጶሳ ሊጲ ኡዲዳ፣ ኣፊ ኣጌዳ፤ ላዔሉዋ ሹፋይ ፒሊጶሳ ቤዒቤና፤ ሺን ባሬ ኦጊያ ናሹቲዳ ቤዳ።

40 ፒሊጶሲ ባሬ ሁጳው ኣዘዎሳን ዳዒያዋ ኤሬዳ፤ ቃሲ ቂሳሪያ ያና ጋካናዉካ፣ ካታማ ኡባን ዩዪዳ ሚሺራቸዋ ቃላ ኦዳ።

9

ሳዖሊ ኪሪሰቶሳን ኣማኔዳ

(ኪት 22:6-16፤ 26:12-18)

1 ሺን ሳዖሊ ጎዳ ካሊያዋንታ ዋጳናው ማንዲዳ፣ ቄሳቱዋ ኡባቱዋ ካቸዋኮ ቤዳ።

2 ያቲዳ ጎዳ ኦጊያ ካሊያ ኣሳቱዋ ማጫዋንታኔ ኣቱማዋንታ ዳዎፕ፣ ቃቺዳ ዩሩሳላሚ ኣሃናው፣ ዳማስቆን ዳዒያ ኣዩሁዳ ዋሳ ጎሌቶ ዳቢዳቢያ ፃፋናው ኣ ዋሴዳ።

3 ኢ ቢዳ፣ ዳማስቆ ካታማ ጋካና ማቶዳ፣ ቆፕናን ሳሉዋፕ ዋልቃማ ፖዑ ኣ ዩሹዋ ኡባኒ ፖዔዳ።

4 ሳዖሊ ሳዓን ኩንዲ ኡቲና፣ «ሳዖላ ሳዖላ፣ ኣዩሲ ታና ዋዩሳይ?» ጊያ ቃላ ሲሴዳ።

5 ሳዖሊ፣ «ታ ጎዳው፣ ኔኒ ኦኔ?» ያጊዳ ኦቺዳ።
ዬሱሲካ፣ «ታኒ ኔኒ ዩዳርሳዳ ዳዒያ ዩሱሳ።» ያጌዳ።

6 ሺን ሳዖሊ ኮኮሪዲኔ ማላሌቲዳ፣ «ታ ጎዳው፣ ታኒ ኣያ ኦላናዳን ኮያይ?» ያጌዳ።

ጎዳይ ኣ፣ «ዳንዳዳ ካታማ ጌላ፤ ኔኒ ኦላናው ቤሲያባይ ኔው ያኒ ኦዳታናዋ» ያጌዳ።

7 ሳዖላና ኦጊያን ቢያ ኣሳቱ ኣይኔ ሃሳዬናን ኤቂ ኣጊዳ፣ ኮሻ ሲሲኖ፤ ሺን ኦናኔ ቤዒቤይኪኖ።

8 ሳገሊ ሳዓፔ ዴንዲና፣ አ አይፊ ዶዬቴዳ ዎዴ፣ አይኔ ያላናው ዴንዳዪቤና፤ ሄዎ ዲራው፣ ኡንቱንቱ አ ኩሺያ ኦይቂ ጎቺዴ፣ ዳማሰቆ ጌሊሴዲና።

9 ሄዙ ጋላሳ ጋካናወካ ኢ ያሊቤና፤ አይኔ ሚቤና፤ አያኔካ ኡሺቤና።

10 ዳማሰቆን ኢቲ ሃናኒያ ጊያ ካሊያዌ ዳዔ፤ ጎዳይ ሳፃን አ፣ «ሃናኔው» ያጌዳ።

ሃናኒ፣ «ታ ጎዳው፣ ሃዋን ዴዓይ» ያጌዳ።

11 ጎዳይ አ፣ «ዴንዳዴ ሱሬ ጌቲቲያ ኦጊያ ባዴ፣ ዪሁዳ ሶዪን ኢቲ ሳገላ ጊያ ያርሴሴፔ ዬዳ ቢታኒያ ኮያ፤ አዪሲ ጎፔ፣ ኢ ዎሴ።

12 ቃሲ ሃናኒያ ጊያ ቢታኒ ጌሊዴ፣ ሳገሊ ላዔንሉዋ ያላናዲን፣ ባሬ ኩሺያ አ ቦላ ዎሊያዋ ሳፃን ቤዔዳ» ያጌዳ።

13 ሃናኒ ዛሪዴ፣ «ታ ጎዳው፣ ዬሩሳላሚን ኔ ጌሻ አሳ ቦላ ሄ ቢታኒ አይ ከና ኢታባ ኦሌዴንቶ፣ ታኒ ዳሮ አሳፔ ሲሳዲ።

14 ቃሲ ዳማሰቆን ኔ ሱንላ ያሲያዎንታ ኡባ ቃቻናው፣ ቁሳቲዋ ካፓቱ አው ማታ ኢሜዲና» ያጌዳ።

15 ሺን ጎዳይ አ፣ «ሳገሊ አዪሁዳ ጊዴና አሳ ሲንላን፣ ካታቲዋ ሲንላኒኔ ኢሰራዔሊያ አሳ ሲንላን፣ ታ ሱንላ ኤሪሳናወኔ ታው አላናዲን ዶሬቴዳ ሚሻ ጊዲያ ዲራው፣ ኔኒ ባ።

16 አዪሲ ጎፔ፣ ታ ሱንላ ዲራው፣ ኢ አዪከና ዎዬታናው ቤሲንቶ፣ ታኒ አ ቤሳና» ያጌዳ።

17 ሃናኒ ቢዴ፣ ሶይ ጌሊዴ፣ ባሬ ኩሺያ ሳገላ ቦላ ዎሊዴ፣ «ታ ኢሻው ሳገላ፣ ኔኒ ዪያ ኦጊያን ኔው ቤቴዳ ዮሱሲ፣ ኔኒ ያላና ማላኔ ጌሻ አያናይ ኔናን ኩማና ማላ፣ ታና ኪቴዳ» ያጌዳ።

18 ኤሌካ፣ አዬንቶ ፖቁዋ ማላይ ሳገላ አይፊያፔ ዎዲና፣ ሳገሊ ላዔንሉዋ ያሊዳ፤ ቃሲ ዴንዲዴ ፃማቁቲዳ።

19 ቁማ ሚዴ ሚኔቲ፣ ዳማሰቆን ዴዒያ ካሊያዋንቱና አማራዳ ጋላሳ ጋሚዔዳ።

ሳገሊ ዳማሰቆን ታማሪሴዳ

20 ኤሌካ፣ «ዮሴፊ ኪሪሰቶሲ ያሳ ናዓ» ያጌዴ፣ አዪሁዳ ዎሳ ጎሌቲዎን ቃላ ኦዴዳ።

21 ሄዎ ሲሴዳ ኡባይ ማላሌቲዴ፣ «ሃዌ ዬሩሳላሚን ዮሱሳ ሱንላ ያሲያዎንታ ቆዪሲያዋ ጊዴኔ? ቃሲ ኡንቱንታ ቃቺዴ፣ ቁሳቲዋ ካፓቲዋ ሲንላ አፋናው ዪቤኔዬ?» ያጌዲና።

22 ሺን ሳገሊ ቃላ ኦዲያ ኦዲ ሚኒ ሚኒ ቤዳ፤ ዮሱሲ ቃሲ ኪሪሰቶሳ ጊዲያዎካ ኢ አኬኪሲዴ ኦዴዳ ዲራው፣ ዳማሰቆን ዴዒያ አዪሁዳቲ አው ዛሪያዋ ቆዬዲና።

23 ጮራ ጋላሳ፣ ጉዩያን፣ አዪሁዳቱ ሸቂዴ፣ ሳዖላ ዋዳናው ዘሪቲዲኖ።

24 ሺን አዪሁዳቱ ባሪና ዋዳናው ቆፖዋ ሳዖሊ ሲሴዳ፤ ኢንቱንቱ አ ዋዳናው ቃማኔ ጋላሲ ካታማ ፔንጊያ ናጊኖ።

25 ሺን ካሊያዋንታ አ ቃማ አፊዴ፣ ዲርሳ ሁጲያና ታዩያን ዲጌ ዋሴዲኖ።

ሳዖሊ ዩሩሳላሜን ታማሪሴዳ

26 ሳዖሊ ዩሩሳላሜ ጋኬዳ ዋዴ፣ ካሊያዋንቱና ኢቲፔ ጋኬታናው ሸቂ ቤዔዳ፤ ሺን ካሊያዋ ኢ ጊዴዳዋ ኡባይ አማኔናን ኢዲዴ፣ አው ያዩዲኖ።

27 ሺን ባርናባሲ ሳዖላ ዩሱሲ ኪቴዳዋንቱን አፊዳ፤ አጊያን ጎዳ ኢ ዋጊዴ ቤዔዴንቶ፣ አው ጎዳይ ዋቲ ሃሳዬዴንቶኔ ቃሲ ሳዖሊ ዳማሰቆን ዩሱሳ ሱንፋን ያዩናን ዋቲ ቃላ አዴዴንቶ፣ ኢንቱንቶ ጌሺዴ አዴዳ።

28 ሳዖሊ ዩሩሳላሜን ዩዩዴኔ ጎዳ ዩሱሳ ሱንፋን ያዩናን ቃላ አዲዳ፣ ዩሱሲ ኪቴዳዋንቱና ኢቲፔ ዴዔዳ።

29 ቃሲ ሳዖሊ ጊሪኬ ቃላ ሃሳዬያ አዪሁዳቱዋና ሃሳዬኔ ፓሉማቲ፤ ሺን ኢንቱንቱ አ ዋዳናው ኮዩዲኖ።

30 ኢሻቱ ሄዋ ሲሲዴ፣ ሳዖላ ዲጌ ቁሳሪያ አፊዴ፣ ያርሴሴ ዩዴዲኖ።

31 ዩሁዳን፣ ጋሊላኔ ሳማሪያን ኡባን ዴዒያ አማኒያ አሳቱ ሳርቲፋን ዴዔዲኖ፤ ቃሲ ሚኔዲኖ፤ ጎዳሲ ያዩያዋኒኔ ጌሻ አያና ማዴዋን ጌማቲዴ፣ ፓይዴዋንካ ዳሪ ዳሪ ቤዲኖ።

ጳዊርሲ ሊዲያኒኔ ዮጳን ታማሪሴዳ

32 ጳዊርሲ ኡባሳን ዩዩዴ፣ ሊዳን ዴዒያ ጌሻ አሳቱዋኮ ቃሲ ዋዴዳ።

33 ያቲዴ ሄዋን ሆሰቸን ላይፋ ሲሊዴ፣ አርሳን ጊሲዴ ዴዒያ ኢቲ ኤኒያ ጊያ ቢታኒያ ዴማዳ።

34 ጳዊርሲ ኤኒያ፣ «ኤናው፣ ዩሱሲ ኪሪሰቶሲ ኔና ፓሌ፤ ዴንዳዴ ኔ ሂያ ዩጋ» * ያጌዳ። ሄዋፔ ጉዬ ኤሌካ ዴንዲ ኤቁዳ።

35 ሊዳኒኔ ሳርናን ዴዒያ አሳይ ኡባይ ኤኒያ ቤዒዴ፣ ጎዳኮ ሲማዲኖ።

36 ዮጳ ካታማን ኢቲ ዓቢቶ ጌቲቲያ አማኔጤና ዴዓው፤ ዓቢቶ ጉሳይ ጊሪኬ ቃላን ደርቆ ጊያዋ። ኢዛ ባሬ ዴዔዳ ዋዲያ ኡባን ሎዖባ አፋዴኔ ሂዩሳ ማዳዴ ዴዓው።

* 9:34 ሂያ ዩጋ፣ ሃዋ ጉሳይ ማቲቲያባ ጊሊሳ ጉሳ።

37 ሄ ዎዴ ኢዛ ሃርጋዴ ሃይቁና፣ ኣሳይ ኢዚ ኣኃ ሜጨዴ፣ ፖቁያ ፑዴ ኬሲዴ ጊሲሴዴ።

38 ሊዳይ ዮጴሲ ማታ፤ ካሊያዋንቱ ጳዒርሲ ሊዲያን ዴዒያዎ ዮጴን ሲሲዴ፣ «ሃያና ኑኮ ኤሌካ ያሪኪ» ያጊያ ኪታ ላዑ ኣሳቱዎ ቦላ ኣኮ ኪቴዲና።

39 ሄዎፔ ጉዬ ጳዒርሲ ዴንዲዴ፣ ኡንቱንቱና ቢ ጋኪና፣ ፖቁያ ፑዴ ኣ ኬሲዴ፣ ኪፊሊያ ጌሊሴዲና። ኣሲኒ ባይና ኣምዔ ማጫዋንቱ ኡባይ ዬኪዴኔ ዶርቃ ኡንቱንቱና ዴዒያ ዎዴ ኦሌዳ ቃሚሻቱዋኔ ማያቱዎ ኡባ ጳዒርሳ ቤሲዴ፣ ኣ ዩሹዋን ዩዩ ኣጲዴ ኤቆዲና።

40 ጳዒርሲ ኡንቱንታ ኡባ ካሬ ኬሲዴ፣ ጉልባቲ ያሳ ዎሴዳ፤ ቃሲ ኣኃኮ ሲሚዴ፣ «ፃቢቱ፣ ዴንዳ» ያጌዳ፤ ፃቢታካ ባሬ ኣይፊያ ዶያ ጳዒርሳ ቤዓዴ፣ ዶቃ ኡታዲ።

41 ጳዒርሲ ኢዘ ባሬ ኩሺያን ማዲዴ፣ ዴንሳ ኤሴዳ፤ ሄዎፔ ጉዩያን፣ ኣማኒያዋንታኔ ኣሲኒ ባይና ኣምዔ ማጫዋንታ ፃሲዴ፣ ፓፂዳዉኖ ኡንቱንቶ ኢሜዳ።

42 ሃ ዩዉ ዮጴ ካታማ ኡባን ላሌቲና ጮራ ኣሳይ ጎዳ ኣማኔዲና።

43 ጳዒርሲ ዮጴን ኢቲ ሲሞና ጊያ ጋልባ ቃጨያዋና ዳር ዎዲያ ጋሚዒዳ።

10

ጳዒርሳኔ ቆርኔሊዮሳ

1 ቁሳሪያን «ፃላቱዎ ኦላ ኣሳቱዎ» ጌቲቲያ ኦላንቻቶ ኢቲ ፃታቱዎ ካፑ ቆርኔሊዮሳ ጊያዌ ዴዒ።

2 ቆርኔሊዮሲ ያሳ ሎይሊዴ ኣማኒያ ኣሳኔ፣ ባሬ ሶይ ኣሳ ኡባና ኢቲፔ ያሳሲ ጎዩኒያ ኣሳ፤ ኣዩሁዳ ሂዬሳካ ኢ ዳር ማዴ፤ ቃሲ ያሳ ኡባ ዎዴ ዎሴ።

3 ኢቲ ጋላሲ ኡዲፑ ሳቲያ ሄራን፣ «ቆርኔሊዮሳ» ጊዴ ፃሲያ ያሳ ኪታንቻይ ባሬኮ ጌሊሺን፣ ቆርኔሊዮሲ ሳፃን ጌሺዴ ቤዔዳ።

4 ቆርኔሊዮሲ ያዩዴ፣ ኪታንቻ ጫዲ ፃሊዴ፣ «ታ ጎዳው፣ ኢ ኣዩ?» ያጌዳ።

ኪታንቻይ ዘሪዴ፣ ሃዎዳን ያጌዳ፤ «ኔ ዎሳይኔ ኔኒ ሂዬሳ ማዲያዌ ያሳ ሲንሳን ሃሳዬታናው ሳሉዎ ቤዳ።

5 ሃዒ ዮጴ ኣሳ ኪታዴ፣ ጳዒርሳ ጌቲቲያ ሲሞና ኣሂሳ።

6 ጳዒርሲ ኣባ ዶናን ዴዒያ ጋልባ ቃጨያ ሲሞና ጎሌን ኢማላቲላኒ ኡቴዳ፤ ኔኒ ኦላናው ቤሲያዎ ኢ ኔው ኦዳናዎ» ያጌዳ።

7 ቆርኔሊዮሲ ባሬው ኦዴዳ ኪታንቻይ ቢና፡ ባሬ ቆማቱዋፕ ለዓቱዋኔ ያሳሲ ጎዪኒያ ባሬፕ ሻኬቴና ዋታዳራቱዋፕ ኢቱዋ ያሲዴ፡

8 ኢንቱንቶ ኡባባ ኦዲዴ፡ ኢንቱንታ ዮጴ ኪቴዳ፡

9 ዋንቴላ ጋላሲ ኢንቱንቱ ቢዴ፡ ዮጴ ካታማኮ ማቲሺን፡ ጴዳርሲ ኡሱፑን ሳቲያ ሄራን ጎሊያ ቦላን ዴምባዪዴ ኦፊዳሳ ያሳ ዋሳናው ኬሴዳ፡

10 ቃሲ ኮሻቲዴ፡ ቁማ ማናው ኮዬዳ፤ ሺን ቁማይ ካዲሺን፡ ሳፃ ቤዔዳ፡

11 ሳሉ ዶዬተና፡ ዋልቃማ ማዩዋ ማላቲያባይ ኦይዱ ባጋና ኦይቁቲዴ፡ ሳፃን ዋጂሺን፡ ጴዳርሲ ቤዔዳ፡

12 ሄዋን ኦይዱ ጌዲያና ዴዒያ ሜሂ፡ ዶዳይ፡ ሾሻይ፡ ዛሬኔ ካፋ ኡባይ ዴዔ፡

13 «ጴዳርሳ፡ ዴንዳ ኤቃይ ሹካ ማ» ጌያ ቃላይ ኣኮ ዬዳ፡

14 ሺን ጴዳርሲ፡ «ታ ጎዳው፡ ሃኔና! ታኒ ቱናባኔ ሸኔዪያባ ኡባካ ማ ኤሪኬ» ያጌዳ፡

15 ቃሲ ላዒንሉዋ፡ «ያሳይ ጌሹዳዋ ኔኒ ቱኒሶፓ» ጌያ ቃላይ ኣኮ ዬዳ፡

16 ሄዙ ጌዴ ሄዋዳን ጌዳ፤ ሄዋፕ ጉዪያን፡ ኤሌካ ሄ ዋልቃማ ማዩዋ ማላቲያዌ ፑዴ ሳሉዋ ኣኬቲ ኣጌዳ፡

17 ጴዳርሲ ባሬ ቤዔዳ ሳፃ ቢሌላይ ኣያ ጊዳንዴሻ? ያጌዴ፡ ባሬ ዋዛና ጊዳን፡ «ላ ሃዌ ኣዬ?» ጊሺን፡ ቆርኔሊዮሲ ኪቴዳ ኣሳቱ ሲሞና ጎሊ ዴዒያሳ ኮዪዴ፡ ኣ ፔንጊያን ኤቁዲኖ፡

18 ባሬንቱ ኮሻ ጶቁ ኦሲዴ፡ «ጴዳርሳ ጌቴቲያ ሲሞና ጌያ ኢማላይ ሄዋን ዴዒ?» ያጌዴ ኦቼዲኖ፡

19 ጴዳርሲ ሳፃን ቤዔዳባ ኣኬካናው ቆፋን ሸኪዴዒሺን፡ ጌሻ ኣያናይ ኣ፡ «ቤዓ፡ ሄዙ * ኣሳቱ ኔና ኮዪኖ፤

20 ዴንዳዴ ዋጃ፤ ታኒ ኢንቱንታ ኪቴዳ ዲራው፡ ሲዴናን ኢንቱንቱና ባ» ያጌዳ፡

21 ጴዳርሲ ኣሳቱዋኮ ዋጂዴ፡ «ሂንቱንቱ ኮዪያዌ ታና፡ ኣያ ኣካና ዬዲቱ?» ያጌዳ፡

22 ኢንቱንቱ፡ «ያሳሲ ያዪያ ዒሉ ኣዪሁዳ ኣሳ ኡባን ዳር ቦንቹቲዳ ያታቱዋ ካፑዋ ቆርኔሊዮሲ፡ ኔና ባሬ ሶይ ኣፊሲዴ፡ ቃላ ኔፕ ሲሳና ማላ፡ ያሳ ጌሻ ኪታንቻይ ኣው ኦዴዳ» ያጌዲኖ፡

23 ጴዳርሲ ኣሳቱዋ ኢማላ ኡዲ ሾባናው ሶይ ሞኬዳ፡

* 10:19 ሄዙ፡ ኣቲ ኣቲ ማፃፋቱ ጮራ ጊኖ፤ ኣቲ ማፃፋይ ላዑ ያጌ፡

ዋንቴላ ጋላሲ፡ ዳንዲዳ ኡንቴንቱና ቤዳ፤ የጾ ካታማን ዳዒያ ኢሻቱዋፔ ኢቱ ኢቱ ኣና ኢቲፔ ቤዲኖ።

24 ዋንቴላ ጋላሲ፡ ቂሳሪያ ጋኬዲኖ፤ ቆርኔሊዮሲ ባሬ ዳባቱዋኔ ባሬ ላጌላቱዋ ኢቲፔ ያሲ ሺሺዳ፡ ጳዒሮሳ ናጌ።

25 ጳዒሮሲ ጌላና ሃኒሺን፡ ቆርኔሊዮሲ ኣና ጋኬቲዳ፡ ኣ ሲንላን ኩንዲዳ፡ ኣው ጎዪኔዳ።

26 ሺን ጳዒሮሲ፡ «ዳንዳ! ታኒካ ታ ሁጳው ኣሳ» ያጊዳ ኣ ዳንሴዳ።

27 ጳዒሮሲ ቆርኔሊዮሳና ሃሳዪዳ፡ ሶይ ጌሌዳ፤ ኢ ጌሊያ ዋዴ ጮራ ኣሳይ ሸቆዳዋ ዳሚዳ።

28 ኣሳ፡ «ኣዪሁዳ ኣሳይ ሃራ ዛሪያና ኢቲፔቴላን ዳዓናው፡ ዋይ ጋኬታናው ዋጋ ጊዳናዋ ሂንቴ ሁጳው ኤሪታ፤ ሺን ታኒ ኦናኔ ቱና ዋይ ሸኔዪያባ ጌና ማላ፡ ያሳይ ታና ቤሴዳ።

29 ሄዋ ዲራው፡ ሂንቴ ታው ኪቲና፡ ፓሉማይ ባይናን ያዲ። ሃዒ፡ «ታና ኣዪሲ ኣሂሴዲቴ?» ያጋዴ ሂንቴንታ ኦቻይ» ያጌዳ።

30 ቆርኔሊዮሲ ሃዋዳን ያጌዳ፤ «ታኒ ሃቹ ኦይዲ ጋላሳፔ ካሴ ሃ ሳቲያን ኡዲፑ ሳቲያ ዋሳ ታ ሶዪን ያሳ ዋሲሺን፡ ጳልቂያ ማዩዋ ማዬዳ ኣሳይ ታ ሲንላን ኤቂዳ።

31 ታና፡ «ቆርኔሊዮሳ፡ ያሳይ ኔ ዋሳ ሲሴዳ፤ ኔኒ ሂዬሳ ማዲያዋካ ሃሳዬዳ።

32 ሲሚ ኣሳ የጾ ኪታዳ፡ ሲሞኒ ጳዒሮሳ ጊያዋ ያሲሳ፤ ሲሞኒ ጳዒሮሲ ሲሞና ጊያ ጋልባ ቃጪያዋ ጎሌን ኣባ ዶናን ኢማላቴላ ኡቴዳ» ያጌዳ።

33 ሄዋ ዲራው፡ ታኒ ኔኮ ኤሌካ ኪታዲ፤ ኔኒኔ ያዴ ሎይላዳ፤ ሲሚ ኔኒ ኑሲ ኦዳናው ያሳይ ኔና ኣዛዜዳዋ ኡባ ሲሳናው ሃዒ ኑኒ ኡባይ ሃዋን ያሳ ሲንላን ዳዔቶ» ያጌዳ።

ጳዒሮሳ ሃሳያ

34-35 ጳዒሮሲ ሃሳያ ሃዋዳን ያጊ ዶሚዳ፤ «ያሳይ ኣሳ ሶሞዒያ ያሌና፤ ሺን ጋዴ ኡባን ባሬው ያዪያዋኔ ያሎ ኡሱዋ ኦሊያዋ ጋላቲያዋ ታኒ ቱሙ ኣኬካዲ።

36 ያሳይ ኣሳ ኡባ ጎዳ፡ ዬሱሲ ኪሪሰቶሳ ባጋና፡ ሳሮቴላ ኦዲዳ፡ ሃ ዋንጋላ ሚሺራቹዋ ኢሰራዔሊያ ኣሳሲ ኪቴዳዋ ሂንቴንቱ ኤሪታ።

37 የሃኒሲ ቃላ ኦዴዳ ዪንቃታፔ ጉዪያን፡ ጋሊላፔ ዶሚዳ፡ ዪሁዳ ጋዲያ ኡባን ሃኔዳዋ ሂንቴ ኤሪታ።

38 ያሳይ ናዚሬቲያ ዬሱሳ ጌሻ አያናኒኔ ዎልቃን ኩንሌዳ፤ ያሳይ አናና ዴዒያ ዲራው፣ ሎዖባ ኢ ኦሌዲኔ ፃላሂያ ካፑዋሲ ሞዴቴዳ ኡባ ፓሊዳ ዩዬዳ።

39 «አዪሁዳ ጋዲያኒኔ ዬሩሳላሜን ኢ ኦሌዳ ኡባባሲ ኑኒ ማርካ። ኡንቱንቱ ማስቃሊያ ቦላ ሚሲማሪያን ጲሺ ካቂዴ፣ አ ዎዲዲኖ።

40 ሺን ያሳይ ሄዜንሊያ ጋላሳን ሃይቁዋፔ አ ዴንሊዳ ቤሴዳ።

41 ያሳይ ኮይሮ ዶሬዳ ማርካቱዋ ኑና፣ አ ቤሴዳፔ አቲን፣ አሳ ኡባ ጊዴና፤ ሃይቁዋፔ ኢ ዴንዴዳዋፔ ጉዪያን፣ ኑኒ አናና ሜዶኔ ኡሼዶ።

42 ያሳይ ዋንጋላ ሚሺራቹዋ አሳሲ ኑኒ ኦዳናወኔ፣ ፓፃ ዴዒያዋንቱ ቦላኒኔ ሃይቁዳዋንቱ ቦላን ፐርዳናው ኢ ሱንሌዳዌ ዬሱሳ ጊዴዳዋ ኑኒ ማርካታናው ኑና አዛዜዳ።

43 ያሳይ አኒ አማኒያ ኡባ ናጋራ አ ሱንላን አቶ ጋናዋ ናባቱ ኡባቱ ማርካቲኖ» ያጌዳ።

አዪሁዳ ጊዴና አሳቱ አማኒዴ ጌሻ አያና አኬዲኖ

44 ጳዒሮሲ ቢሮ ሄ ዬወዋ ኦዲሺን፣ ቃላ ሲሲያ ኡባ ቦላ ጌሻ አያናይ ዎዲ አጌዳ።

45 ጳዒሮሳና ዮጳፔ ዬዳ፣ አማኒያ ቃፃሬቴዳ አዪሁዳ ኡባቱ አዪሁዳ ጊዴናዋንቱ ቦላንካ ጌሻ አያና አሞታይ ጉኩዳ ዲራው ማላሌቴዲኖ።

46 አዪሲ ጎፔ፣ ኡንቱንቱ ዲማ ዲማ ቃላን ሃሳዪሺኒኔ ያሳ ዳርቴላ ሳቢሺን ሲሴዲኖ።

ሄ ዎዴ ጳዒሮሲ ዛሪዴ፣

47 «ሃዋንቱ ቃሲ ኑናዳን ጌሻ አያና አኬዳዋንቱ ፃማቄቴናዳን፣ ሃላ ኡንቱንታ ዲጋናው ዳንዳዪያዌ ኦኔ?» ያጌዳ።

48 ኡንቱንቱ ዬሱሲ ኪሪሰቶሳ ሱንላን ፃማቄታና ማላ፣ ኡንቱንታ አዛዜዳ፤ ሃዋፔ ጉዪያን፣ ኡንቱንቱ ባሬንቱና አማሬዳ ጋላሳ ኡታና ማላ፣ አ ዎሴዲኖ።

11

ጳዒሮሲ አዪሁዳ ጊዴና አሳፔ አማኔዳዋንቱ ሶይ አያው ጌሌዴንቶ ኦዴዳ

1 ዬሱሲ ኪቴዳዋንቱኔ ዪሁዳ ኡባን ዴዒያ አሻቱ፣ አዪሁዳ ጊዴናዋንቱካ ያሳ ቃላ አኬዳዋ ሲሴዲኖ።

2 ጳዒሮሲ ዬሩሳላሜ ቤዳ ዎዴ፣ ቃፃሬቴዳ አሳቱ አናና ፓሉሜቲዴ፣

3 አ፡ «ኔኒ ቃፃሬቲቤናዋንቱኮ ጌላዴ፡ ኡንቱንቱና ቁማ ማዳ» ያጌዲኖ።

4 ሺን ጳጳርሲ ሃኔዳዋ ኮይሩዋ፤ ደሚዴ፡ ማራን ማራን ሃዋዳን ያጌዴ ኦዴዲ፤

5 «ታኒ ዮጴ ካታማን ያሳ ዋሲሺን፡ ታኒ ኣያናኒ ጌዳዴ ሳፃ ቤዓዲ፤ ዋልቃማ ማዶዋ ማላቲያዌ ኦይዱ ባጋና ኦይቁቲዴ፡ ሳሉዋ፤ ዋዲዴ፡ ታኮ ዬዳ።

6 ሃዋ ጌዳዋ ታኒ ጫዳ ጻሊያ ዋዴ፡ ኦይዱ ጌዲ ዴዒያ ማሃያ፡ ዱዓ፡ ሸሻ፡ ዛሪያኔ ካፋዋ ቤዓዲ።

7 ቃሲ፡ «ጳጳርሳ፡ ዴንዳ፤ ሹካ ማ» ጌያ ቃላ ታኒ ሲሳዲ።

8 «ሺን ታኒ፡ «ታ ጎዳው፡ ሃኔና! ቱናባይ ዋይ ሸኔዴያባይ ኡባካ ታ ደናኮ ሸቁ ኤሬና» ጋዲ።

9 «ቃላይ ሳሉዋ፤ ላዔሉዋካ፡ «የሳይ ጌሹዳዋ ኔኒ ቱና ጎፓ» ያጌዴ ታው ዛሪዳ።

10 «ሃዌ ሃዙ ጌዴ ሃኒና፡ ዉርሴላን ኡባባይ ሳሉዋ ፑዴ ጎሹቲዳ።

11 ሃ ማንዒያንካ ሃዙ ኣሳቱ ቁሳሪያ፤ ታኮ ኪቴቲዴ፡ ታኒ ዴዒያ ጎሊያ ጋኪ ኣጌዲኖ።

12 ታኒካ ሲጴናኒ ኡንቱንቱና ባና ማላ፡ ጌሻ ኣያናይ ታው ኦዴዳ። ቃሲ ሃ ኡሱፑን ኢሻቱ ዮጴ፤ ታናና ቁሳሪያ ቤና፡ ኦኒ ቆርኔሊዮሳ ሶይ ጌሌዴ።

13-14 ኪታንቻይ ባሬ ሶዩን ኤቁዴ ባሬና፡ «ጳጳርሳ ጌቲቲያ ሲሞና ጻሳናው ኣሳ ዮጴ ኪታ፤ ኔኒኔ ኔ ጎሌ ኣሳይ ኡባይ ኣቲያ ቃላ ኢ ኔው ኦዳናዋ» ጌዳዋ ቆርኔሊዮሲ ዋቲ ሲሴዴንቶ፡ ኦሲ ኦዴዳ።

15 «ታኒ ሃሳያናው ደሚያዋን ጌሻ ኣያናይ ኮይሮ ኦ ቦላ ዋዲዳዋዳን፡ ኡንቱንቱ ቦላካ ዋዲ ኣጌዳ።

16 ጎዳይ፡ «የሃኒሲ ሃላን ፃማቁዳ፤ ሺን ሃንቲንቱ ጌሻ ኣያናን ፃማቁታኒታ» ያጌዳ ቃላ ታኒ ሃሳያዲ።

17 ያሳይ ኦሲ ጎዳ ዬሱሲ ኪሪሰቶሳ ኣማኔዳዋንቱሲ ኢሜዳ ኢሞታ ማላ ኣዩሁዳ ጌዴናዋንቶካ ቃሲ ኢሞ፤ ሲሚ ያሳ ዲጋናው ታኒ ኦኔ?» ያጌዳ።

ኣማኒያዋንቱ ኪሪሰታኔ ጌቲቲዲኖ

18 ኡንቱንቱ ሃዋ ሲሴዳ ዋዴ ባሬንቱ ፓሉማ ኣጌዴ፡ «ያቲና፡ ያሳይ ኣዩሁዳ ጌዴናዋንቱካ ቃሲ ናጋራ፤ ሲሚዴ ዴዳናዳን፡ ኡንቱንታ ቃዴዳ» ያጌዴ ያሳ ጋላቲዲኖ።

19 ኢስጻፋኖሳ ቦላ ጋኬዳ ዋዪያ ጌዲዋን ላሌቲዳ አማኒያዋንቱ ቃላ ኣዲሁዳቱዋ ፃላላፔ ኣቲን፡ ሃራሲ ኢቱዋሲኔ ኦዳና፡ ፒንቄ፡ ቆጲሮሳኔ ኣንፆኪያ ጋካናው ዩዬዲኖ።

20 ሺን ቆጲሮሳፔኔ ቄሪናፔ ዬዳ ኢቲ ኢቲ አማኒያ ኣሳቱ ኣንፆኪያ ቢዳ፡ ጎዳ ዬሱሳ ዋንጋላ ሚሺራቹዋ ኦዲዳ፡ ገሪኬ ኣሳሲካ * ኦዲዲኖ።

21 ጎዳ ዋልቃይ ኡንቱንቱና ዳዔ፤ ቃሲ ጮራ ኣሳይ አማኒዳ፡ ጎዳኮ ሲሜዲኖ።

22 ሃ ዬወ ዬሩሳላሜን ዳዒያ አማኒያ ኣሳሲ ሲሴቲና፡ አማኒያ ኣሳይ ባርናባሳ ኣንፆኪያ ኪቲዳ።

23 ባርናባሲ ኣንፆኪያ ቤዳ ዋዳ፡ ያሳ ኣቶ ኬካቴላ ኦሱዋ ቤዒዳ ናሹቴዳ፤ ኡንቱንቱ ኡባይ ጎዳን ባሪንቱ ኩሜንላ ዋዛናፔ ሚኒ ዳዓናዳን፡ ኡንቱንታ ዞሬዳ።

24 ኣዪሲ ጎፔ፡ ባርናባሲ ጌሻ ኣያናይኔ አማኑ ኩሜዳ ሎዎ ኣሳ፤ ሄ ጋሱዋን ጮራ ኣሳይ ጎዳኮ ዩዲኖ።

25 ሄዋፔ ጉዪያን፡ ባርናባሲ ሳዖላ ኮያናው ፃርሴሴ ቤዳ።

26 ያቲዳ ሳዖላ ዳሜዳ ዋዳ፡ ኣንፆኪያ ኣሄዳ። ባርናባሲኔ ሳዖሊ አማኒያ ኣሳና ኢቲ ላይላ ኩሜንላ ኡቲዳ፡ ጮራ ኣሳ ታማሪሴዲኖ፤ ካሊያዋንቱ ኣንፆኪያን አማኒያ ኣሳ ጌቲቲዳ፡ ኮይሮ ፃሴቴዲኖ።

27 ናባቱ ዬሩሳላሜፔ ኣንፆኪያ ሄ ዋዳ ዋዲዲኖ።

28 ኡንቱንቱ ጊዶፔ ኣጋቦሳ ጊያዌ ዳንዲዳ፡ ሳዓ ኡባን ዋልቃማ ኮሻይ ዳንዳናዋ ኣያና ዋልቃን ቲምቢቲያ ኦዳዳ፤ ሄዋ ሃኔዳዌ ቃላዉደኖሳ ካዉቴላ ዋዲያና።

29 ካሊያዋንቱ ሁጲያን ሁጲያን ባሪንቱ ዋልቃ ኮና ሚሻ ኬሲዳ፡ ዪሁዳን ዳዒያ ባሪንቱ ኢሻቱዋሲ ማዲዋ ዬዳናው ቆፋ ቃቹዲኖ።

30 ኡንቱንቱ ሄዋዳን ኦሲዳ፡ ሚሻ ባርናባሳ ቦላኒኔ ሳዖላ ቦላ ዋሳ ጎሌ ጨማቶ ዩዲዲኖ።

12

ዋሳ ጎሌን ዋልቃማ ኢታ ዩዳሳይ ዶሜዳ

1 ካቲያ ሄሮዲሴ * ሄ ዋዳ ዋሳ ጎሌ ኣሳፔ አማራዳዋንታ ዋዪሱዋ ዶሜዳ።

* 11:20 ግሪኬ ኣሳ፡ ሃዋ ጉሳይ ግሪኬ ቃላ ሃሳዪያ ኣዪሁዳ ዋይ ሃራ ኣሳ።
* 12:1 ሄሮዲዳ፡ ሃዋ ጉሳይ ሄሮዲሴ ኣግሪጳ ኮይሩዋ ጊዲዳ፡ ፓሌስቲኔ ጊያ ጋዲያ ኡባ ዋዲያዋ። ሄዋኔካ ዋጋ ሄሮዲሴ ሄዜላ ዬሌታ።

- 2 ዮሃንሳ አሻ ያዩቆባ ማሻን ዋጁሴዳ።
- 3 ሄዌ አዪሁዳቱዋ ናሼቹዳዋ ቤዒዳ፣ ጉጂ ጳጳርሳካ ኦይቄዳ፤ ሄዌ ማጋጌ ኡኪላ ባላ ቦንቹያ ጋላሳቱዋና።
- 4 ጳጳርሳ ኦይቄዳ ቃቹዳ። ፓሲጋ ባላ ቦንቹያ ጋላሳቱዋ፤ ጉዲያን፣ ጋዴ አሳ ሲንላ አላናው ቆፒዳ፣ ኦይዲ ኦይዲ ዋታዳራቱ ኦ ናጋናዳን፣ ታማኔ ኡሱፑን ዋታዳራቱዋሲ አሊዳ ኢሜዳ።
- 5 ሄዋ ዲራው፣ ጳጳርሲ ቃሾ ጎሊያን ናጌቱ፤ ሺን ዋሳ ጎሊ አሳይ አው ማኒሲዳ ያሳ ዋሴ።

ኪታንቻይ ጳጳርሳ ቃሾ ጎሊፔ ኬሴዳ

- 6 ሄሮዲሴ ጳጳርሳ አሳ ሲንላ አላናው ቆፓናፔ ካሴ ቃማ፣ ጳጳርሲ ላው ሳንላላታን ቃሼቲዳ፣ ላው ዋታዳራቱዋ፤ ጊዲዋን ጌሚዲሼዳ፤ ናጊያዋንቱካ ቃሾ ጎሊ ፔንጊያን ኤቄዳ ናጊና።
- 7 ኦኬኬናን ዴዲሺን፣ ጎዳ ኪታንቻይ ሄዋን ኤቄ አጌዳ፤ ቃሾ ጎሊንካ ፖው ፖዲ አጌዳ። ኪታንቻይ ጳጳርሳ ሚዲያ ዴቹ ቤጎሊዳ ኦ፣ «ኤሌ ዴንዳ» ያጌዳ፤ ሄ ማንዲያንካ ሳንላላታይ ኦ ኩሺያፔ ዋጁ አጌዳ።
- 8 ኪታንቻይ ኦ፣ «ኔ ሱሪያ ዳንጫ፤ ኔ ጫማካ ዋላ» ያጊና፣ ጳጳርሲ ሄዋዳን ኦሌዳ፤ ኪታንቻይ፣ «ኔ ማዩዋ ማያዴ ታና ካላ» ያጌዳ።
- 9 ጳጳርሲ ቃሾ ጎሊያፔ ኬሴዳ፣ ኪታንቻ ካሌዳ፤ አው ሳዎ ቤዒያዋ ማላቲዳፔ ኦቲን፣ ኪታንቻይ ኦሊያባይ ቱማ ጊዴዳዋ ኤሪቤና።
- 10 ኪታንቻይኔ ጳጳርሲ ኮይሮ ዋታዳራፔኔ ላዒንላ ዋታዳራፔ ኦጁዳ፣ ካታማ አፊያ ቢራታ ፔንጊያኮ ጋኬዲና፤ ፔንጊካ አንቱንቶ ባሬካ ዶዬቲ አጌዳ፤ አንቱንቱ ኬሴዳ ኦቲ ኦጊያና ቢሺን፣ ኪታንቻይ ኤሌካ ጳጳርሳፔ ሻኬቲ አጌዳ።
- 11 ጳጳርሲ ባሬና ጋኬዳባ ኦኬኪዳ፣ «ታና ጎዳይ ባሬ ኪታንቻ ኪቲዳ፣ ሄሮዲሳ ኩሺያፔኔ ኦዪሁዳ አሳይ ናጊ ኡቴዳ ኡባባፔ ኦሼዳዋ ሃዲ ቱሙ ኤራዲ» ያጌዳ።
- 12 ኢ ሄዋ ኦኬኬዳ ዋዴ፣ ጮራ አሳይ ኦቲፔ ሺቄዳ ያሳ ዋሲያሳ፣ ማርቆሳ ጊያ ዮሃንሳ ዳዩ ማይራሚ ሶይ
- 13 ቢዴ ፔንጊያን ያሲና፣ ኦቲ ሮዶ ጊያ ኦሺካራታ ደያናው ያዲ።

14 ርዳ ጳጳሮሳ ቃላ ጊዳዳዋ ኤሬዳ ዎዳ፡ ባሬና ናሽቸና፡ ፔንጊያ ደዬናን ጉዬ ዎፃዳ፡ ጳጳሮሲ ካሬን ኤቁዳዋ አሳሲ ኦዲዲ።

15 አሳይ ኢዞ፡ «ሃኔ፡ ኔኒ ጎያ» ያጌዳ። ርዳ ጳጳሮሳ ጊዳዳዋ ጌሻዳ ኦዲዲ። ኡንቱንቱ፡ «ሄዌ አ ኪታንቻ» † ያጌዲና።

16 ሺን ጳጳሮሲ ካሬን ዌሲዳ አጌናን ኢፂና፡ አሳይ ካሬያ ደዩ፡ አ ቤዒዳ ማለሌቲዲና።

17 ሺን ኡንቱንቱ ጮፀ ጋና ማላ፡ ጳጳሮሲ ባሬ ኩሺያን ያርሲዳ፡ ጎዲይ ቃሽ ጎሊያፔ አ ዎቲ ኬሴዳንቶ፡ ኡንቱንቶ ቆንጨሲ ኦዲዳ፡ «ሃዋ ያዩቆባሲኔ ‡ ኢሻቱዋሲ § ኦዲቲ» ጊዳ፡ ኬሲ ሃራሳ ቤዳ።

ሄርዲሳ ሃይቁዋ

18 ሳባይ ዎንቲዳ ዎዳ፡ ጳጳሮሲ ሃቃ ቢዲጌዳንቶ ጊና ዎታዳራቱዋ ጊደን ዳር ዋላሳይ ኬሴዳ።

19 ሄርዲሴ ጳጳሮሳ ኮዩሺን፡ ኢ ጳዩዳ ዎዳ፡ ናጊያዋንታ ቆሪዳ፡ ኡንቱንታ ዎጳና ማላ አዛዜዳ፤ ሄዋፔ ጉዩያን፡ ዩሁዳፔ ቁሳሪያ ዎጳዳ፡ ሄዋን አማሬዳ ዎዲያ ኡቲዳ።

20 ሄርዲሴ ዓርሳ አሳሲኔ ሲደና አሳሲ ሎይሲ ሃንቁቲዳ፤ ኡንቱንቱ ጋዳ አሳይ ካላ ሄርዲሳ ጋዳ አሳፔ ዳሚያ ዲራው፡ ኡንቱንቱ ኢቲፔ ጊዲዳ፡ አ ጎሊያ ካፑዋ ቢላሰፆሳ ባሬንቱ ባጋ ኦሲዳ፡ ሲጌታና ማላ ዎሳናው ሄርዲሳኮ ቤዲና።

21 ሄርዲሴ ሱንጤቲዳ ጋላሲ፡ ባሬ ካጤቲላ ማዩዋ ማዩዳ፡ ካጤቲላ ኦይዲያን ኡቲዳ፡ አሳሲ ሃሳዬዳ።

22 አሳይ፡ «ሃዌ ያሳ ቃላ፤ አሳ ቃላ ጊዳና» ያጊዳ ኮሻ ቶቁሲዳ ሃሳዬዳ።

23 ሄርዲሴ ያሳ ቦንቸቤና ዲራው፡ ሄ ማንዒያንካ ጎዳ ኪታንቻይ አ ዳቸና፡ ጉፀኒያን ሜቲቲዳ፡ ሃይቁ አጌዳ።

24 ሺን ያሳ ቃላይ ዲጩኔ ዳር ዳር ቤ።

25 ባርናባሲኔ ሳያሊ ባሬንቱ ኦሱዋ ፖሊዳ፡ ማርቆሳ ጊያ ዮሃኒሳ ባሬንቱና አኪዳ፡ ዬራሳላሜፔ ሲሜዲና።

13

ባርናባሲኔ ሳያሊ ጌሻ አያናይ ደሪና፡ ታማሪሳናው ኪቴቲዲና

† 12:15 አ ኪታንቻ፡ አ ናጊያ ኪታንቻ ጊዳናን አጌና ጉሳ። ‡ 12:17 ያዩቆባ፡ ጎዳ ኢሻ። § 12:17 ኢሻቱዋሲ፡ አማኒያ ሃራቱዋሲ።

1 አንጾኪያን ዳዒያ አማኒያ አሳ ገደን ናባቱኔ ታማርሲያዋንቱ ዳዒኖ፤ ኢንቱንቱካ ባርናባሳ፡ ካሬላ ገያ ሲሞና፡ ቄሬናፕ ዬዳ ሉቁዮሳ፡ ጋዲያ ሞዲያ ሄርዲሳና * ዲጩዳ ሚናሃኔ ሳገላ።

2 ኢንቱንቱ ጎዳሲ ጎዩኒሸናኔ ጾሚሸን፡ ጌሻ አያናይ፡ «ታኒ ዌሴዳ እሱዋሲ ባርናባሳኔ ሳገላ ታው ደማዩቱ» ያጌዳ።

3 ኢንቱንቱ ጾሚዳዋፕቴ ሞሴዳዋፕቴ ጉዩያን፡ ባሬንቱ ኩሺያ ባርናባሳ ቦላኒኔ ሳገላ ቦላን ዋሴዳ፡ ኢንቱንታ ዬዳዲኖ።

ባርናባሳኔ ሳገላ ቆጶርሳ ቤዲኖ

4 ሄዋ ዲራው፡ ጌሻ አያናይ ኢንቱንታ ኪቲና፡ ሴሉቂያ ዋዴዲኖ፤ ሄዋፕቴ ዋንጊሪያን ጌሊዳ፡ ቆጶርሳ ሃላኒ ዶዴቴዳሳ ቤዲኖ።

5 ኢንቱንቱ ሲልማና ጋኪዳ፡ አዩሁዳ ዋሳ ጎሌቱዋን ጾሳ ቃላ ኦዴዲኖ፤ ኢንቱንታ ማዳናው ዮሃኒሲ † ኢንቱንቱና ዳዒኖ።

6 ኢንቱንቱ ቆጶርሳ ሃላን ዶዴቴዳ ሳዓ ኡባ ጳፉ ጋካናው ዩዩዳ፡ ናቢያ ኢቲ ዋርዳንቻ፡ አዩሁዳ አሳ ባር-ዬሱሳ ገያ ሻሬቹዋ ዳሚዲኖ።

7 ሄ ሻሬቹ ጋዲያ ሞዲያ ሳርጊዮሳ ጳዉሎሳ ገያ አክካንቻ ቢታኒያና ዳዒኖ። ሳርጊዮሳ ጳዉሎሳ ባርናባሳኔ ሳገላ ባሬኮ ዌሴዳ፡ ጾሳ ቃላ ሲሳናው ኮዬዳ።

8 ሺን ሻሬቹዋ ኤሊማሲ (ጊሪኬ ቃላን ሄዌ አ ሱንላ) ጋዲያ ሞዲያዋ አማኑዋ ዲጋናው ኮዩዳ፡ ኢንቱንቱ ሃሳያ ጳልቄዳ።

9 ሺን ጳዉሎሳ ገያ ሳገላ ባሬናን ጌሻ አያናይ ኩሚና፡ ሻሬቹዋ ጫዲ ዌሊዳ።

10 አ፡ «ላ ሃ ፃላሂያ ካቸዋ ናዓው፡ ጌኔቴላይ ኡባይኔ ኢታቴላይ ኡባይ ኩሚዳዎ፡ ዌሎቴላ ኡባ ሞርኬው፡ ጎዳ ኦጊያ ሱሪያ ጌላዩያዋ ኣጊኪ?»

11 ቤዓ፤ ሃዒ ጎዳ ኩሺ ኔ ቦላ ዳዒኖ፤ ኔኒ ቆቃ ጊዳና፤ አማሬዳ ዋዲ ጋካናው፡ አዋ ፖዑዋ ቤዓካ» ያጌዳ።

ሄ ማንዒያንካ ሻናቻይኔ ቋማይ አ አይፊያ ጎዚና፡ ባሬ ኩሺያ ኦይቄዳ፡ ካሌሊያ ኡራ ኮዩዳ ዩዩዳ።

12 ሄ ዋዴ ጋዲያ ሞዲያዋ ሄዋ ቤዒዳ ዋዴ፡ ጎዳይ ታማሪሲያዋን ማላሌቲዳ አማኔዳ።

ባርናባሳኔ ጳዉሎሲ ጳሲዲያን ዳዒያ አንጾኪያ ቤዲኖ

* 13:1 ሄርዲሳ፡ ሄርድ አንቲጳሳ ጌቲቲያ ዋጋ ሄርዲሴ ናዓ። ሄዌካካ ጋሊላ ገያ ጋዲያ ሞዲያዋ። ለቅ 3:1 ዌሊቲ። † 13:5 ዮሃኒሳ፡ ሃራ ሱንላይ ማርቆሳ። 12:12፣25 ዌሊቲ።

13 ጳውሎስኔ አናና ዳዒያዎንቱ ጳፋፔ ዳንዲዳ፡ ጲኒፊሊያን ዳዒያ ጳርጌ ዎንጊሪያን ቤዲኖ፤ ዮሃኒሲ ኡንቱንቱፔ ሻኬቲ፡ ዬሩሳላሜ ሲሜዳ።

14 ሺን ኡንቱንቱ ጳርጌፔ አዲዳ፡ ጲሲዲያን ዳዒያ አንጾኪያ ጋኬዲኖ፤ ሳሞባታ ጋላሳን አዪሁዳ ዎሳ ጎሌ ጌሊዳ ኡቴዲኖ።

15 ሙሴ ሂጊኔ ናባቱዋ ማፃፋይ ቶ ናባቤቴዳዋፔ ጉዩያን፡ አዪሁዳ ዎሳ ጎሌ ካፓቱ፡ «ኮ ኢሻቶ አሳ ሚኒሲያ ቃላይ ሂንቱንቶ ዳዎፔ፡ አሳው ሃሳዬሪከቲ» ያጌዳ ኡንቱንቶ ከቴዲኖ።

16 ጳውሎሲ ዳንዲ ኤቂዳ፡ ባሬ ኩሺያን ያርሲዳ፡ ሃዋዳን ያጌዳ፤ «ኢሰራዔሊያ አሳቶ፡ ያሳሲ ያዩያዎንቶ ሲሲቲ።

17 ሃ ኢሰራዔሊያ አሳ ያሳይ ኮ አዋቱዋ ዶሪዳ፡ ጊብጻ ጋዲያን አማፋቴላን ኡንቱንቱ ዳዒሺን፡ ኡንቱንታ ጮሪሴዳ፤ ባሬ ዎልቃማ ዎልቃካ ጊብጻ ጋዲያፔ ኡንቱንታ ኬሴዳ።

18 ባዙዋን ኦይታሙ ላይላ ኬና ኮ አዋቱዋ ኢ ዳንዳዬዳ።

19 ካናኔ ጊያ ጋዲያን አዪሁዳ ጊዳና ላፑ ካዉቴላ ጳዩሲዳ፡ ኡንቱንቱ ጋዲያ ባሬ አሳ ላቲሴዳ።

20 ሄዋፔ ጉዩያን፡ ናቢያ ሳሜላ ዎዲያ ጋካናሲ፡ ኦይዲ ጻታኔ አሻታሙ ላይላ ኬና ዳናቱዋ ኡንቱንቶ ኢሜዳ።

21 ሄዋፔ ጉዩያን፡ ኡንቱንቱ ባሬንቶ ካቲያ አሚና ማላ ዎሲና፡ ያሳይ ቢኒያማ ዛሪያፔ ቂሳ ናዓ ሳዖላ ኦይታሙ ላይላው ካዉታና ማላ፡ ኡንቱንቶ ኢሜዳ።

22 ያሳይ ሳዖላ ሻሬዳዋፔ ጉዩያን፡ ኡንቱንቱ ቦላ ዳዊቲ ካዉታና ማላ፡ አ ዳንጼዳ፤ ዳዊቲባ ማርካቲዳ፡ ተታኒ ኮዩያ ኡባባ ታ ዎዛናዳን ኦሊያ ኢሴይ ናዓ ዳዊታ ዳማዲ» ያጌዳ።

23 «ያሳይ፡ ተታኒ ዳዊታ ዛሪያፔ ኢሰራዔሊያ አሳ አሺያዎ አሃና) ቃላ ጌሌዳዎዳንካ፡ ዬሱሳ አሄዳ።

24 ዬሱሲ ያናፔ ካሴ ኢሰራዔሊያ አሳይ ኡባይ ባሬንቱ ናጋራፔ ሲሚዳ ፃማቂታና ማላ፡ ዮሃኒሲ ቃላ ኦዳዳ።

25 ቃሲ ዮሃኒሲ ባሬ ኦሱዋ ዉርሳና ሃኒዳ አሳ፡ ተታና ኦና ጊዳ ቆፒቲ? ታኒ ሂንቱ ናጊያዋ ጊዲኬ፤ ሺን ቤዒቲ፡ አ ጌዲያ ጫማ ቃሹዋካ ጌዲያፔ ቢላናው ታው ቤሴናዌ ታፔ ጉዬና ዬ» ያጌዳ።

‡ 13:15 ሙሴ ሂጊያኔ ናባቱዋ ማፃፋ፡ አዪሁዳቱዋ ማፃፋ፡ ኤጫ ጫቁዋ ማፃፋ።
13:17 ኬስ 1:7፤ 12:51 13:18 ፓይ 14:34፤ ዛር 1:31 13:19 ዛር 7:1፤ ኢያ 14:1 13:20 ዳት 2:16፤ 1ሳሞ 3:20 13:21 1ሳሞ 8:5፤ 10:21
13:22 1ሳሞ 13:14፤ 16:12፤ ማዝ 89:20 13:24 ማር 1:4፤ ሉቅ 3:3

26 «ታናዳን እማኒያዋንቶ፡ ኣብራሃሜ ዜሬጻቶ፡ ቃሲ ሃዋን ኣዪሁዳ ገዴናዋንቶ ፆሳሲ ያዪያዋንቶ፡ ሃ ኣቶቴላ ቃላይ ኑሲ ኪቴቴዳ።

27 እዪሲ ጎፔ፡ ዬሩሳላሜን ዴዒያ እሳይኔ እንቱንቱ ካፓቱ ዬሱሳኔ ሳምባታ ጋላሳ ኡባን ናባቤቲያ ናባቱዋ ቃላ ኣኬኪቤና ዲራው፡ ኣ ቦላ ፒርዲዴ፡ ናባቱዋ ቃላ ፖሌዲኖ።

28 ዬሱሳ ዋዲሳናው ኢቲ ጋሱካ ኡንቱንቶ ቤቴናን ኢዲና፡ ጲላዖሲ ኣ ዋዳና ማላ ዋሴዲኖ።

29 «እንቱንቱ ዬሱሳባይ ፆሳ ማፃፋን ፃፊቴዳዋ ኡባ ፖሌዳ ዋዴ፡ ማሰቃሊያፕቴ ኣ ዋሳዴ ሞጌዲኖ።

30 ሺን ፆሳይ ሃይቁዋፔ ዬሱሳ ዴንጹዳ።

31 ሄዋፔ ጉዪያን ኢ ባሬናና ጋሊላፔ ዬሩሳላሜ ዬዳ ኣሳቶ ጮራ ጋላሳ ቤቴዳ እንቱንቱ ሃዒ ኣባ ኣሳሲ ማርካቲኖ።

32 «ፆሳይ ኑ ኣዋቱዋሲ ኢማና ጌዳ ዋንጋላ ሚሺራቹዋ ኑኒ ሂንቱንቶ ኦዴቶ።

33 ዳዊቴ ማዚሙሪያ ማፃፋን ላዒሶ ሸምፑዋን፡ ሳኔ ታ ናዓ።

ሃቹ ታኒ ኔ ኣወዋ ገዳዲ።

ጌቴቲዴ ፃፊቴዳዋዳን፡ ፆሳይ ዬሱሳ ዴንጹዳ፡ ኑ ኣዋቱዋሲ ኢማና ጌዳዋ ኑሲ እንቱንቱ ናናሲ ፖሌዳ።

34 ላዒንጹዋ ኢ ሃይቁና ማላ፡ ሃይቁዋፔ ኣ ዴንጹዳዋሲ ፆሳይ፡ ሓኒ ዳዊቴው ኢማና ጌዳ ኣማኔቴዳ ጌሻ ኣንጂዋ ሂንቱንቶ ኢማና) ያገዴ ሃሳዬዳ።

35 ሄዋ ዲራው፡ ማዚሙሪያ ማፃፋን ሃራሳን ቃሲ፡ ሳ ጌሻ ናዓ ኣኃካ ሙሲሳካ) ያጌዳ።

36 እዪሲ ጎፔ፡ ዳዊቴ ባሬ ዋዲያን ፆሳ ቆፋ ኦጹዳዋፔ ጉዪያን ሃይቁዴ፡ ባሬ ኣዋቱዋና ሃይቁ ሙሴዳ።

37 ሺን ፆሳይ ሃይቁዋፔ ዴንጹዳዊ ሙሲቤና።

38-39 «ሄዋ ዲራው፡ ታናዳን እማኒያዋንቶ፡ ናጋራ ኣቶ ጌቴቴዳዊ ሂንቱንቶ ዬሱሳ ባጋና ኦዴቴዳዊ፤ ሙሴ ሂጊያን ዲላናው ሂንቱንቶ ዳንዳዬቴና ኡባባፔ ኣኒ ኣማኒያ ኡባይ ዲላናዊ ሂንቱንቶ ኤሬቶ።

40 ሄዋ ዲራው፡ ናባቱ ጌዳዊ ሂንቱ ቦላ ጋከና ማላ ናጌቴቴ፤

41 (ፆሳይ ጌዳባ ቁሊጨያዋንቶ፡

ቤዒቴ፤ ሃራይ ኣቶ ኢቲ ኡራይ ሂንቱንቶ ኦዲንቶካ፡

ሂንቱ ኣማኔና እሱዋ ታኒ ሂንቱንቱ ዋዲያን

ኦሳያ ዲራው፡ ፖራ ጌቴ፤ ሃይቁቴ)

ጌዲኖ» ያጌዳ።

42 ጳውሎሴኔ ባርናባሲ አዩሁዳ ዋሳ ጎሊያፕ ኬሲሺን፣ አሳይ ኡንቱንታ ላዕንሱዋ ሳምባታንካ ሄዋ ጉጂዴ ኦዳና ማላ ዋሴዲኖ።

43 ሺቁ ላሌቴዳዋፕ ጉዩያን፣ ጮራ አዩሁዳቱኔ አዩሁዳቱዋ አማኑዋን ጌሊዴ ያሳው ያዩያ ጮራቱ፣ ጳውሎሳኔ ባርናባሳ ካሌዲኖ፤ ዬሱሲ ኪቴዳዋንቱ ያሳ አጾ ከካቴላን ሚኒ ዴዓና ማላ፣ ኡንቱንቶ ኦዲዴ ሚኒሴዲኖ።

44 ላዕንሱዋ ሳምባታን አማሬዳ አሳቱዋፕ አቲን፣ ካታማ አሳይ ኡባይ ያሳ ቃላ ሲሳናው ሺቁዳ።

45 ሺን አዩሁዳቱ ጮራ አሳ ቤዔዳ ዋዴ፣ ጳውሎሳ ቃናቴዲኖ፤ አ ሃሳያ ጳልቁዴ፣ አ ቦሬዲኖ።

46 ጳውሎሴኔ ባርናባሲ ፃሊዴ፣ «ያሳ ቃላይ ካሴቲዴ ሂንቲንቶ ኦዴታናው ኮሺ፤ ሺን ቃላ ሂንቲ ኢፆዳ ዲራውኔ ሜጲና ዴዐቀ አካናው ሂንቲንቶ ቤሴና ጊዴ፣ ሂንቲ ሂንቲንቱ ሁጲያን ፒርዴዳ ዲራው፣ ቤዒቱ፣ ኮኒ አዩሁዳ ጊዴናዋንቱኮ ሲሜቶ።

47 አዩሲ ጎፕ፣ ጎዳይ ኦና፣

« አሳይ ኡባይ ሂንቲ ባጋና አታና ማላ፣

ሂንቲንታ ታኒ አዩሁዳ ጊዴናዋንቶ ፖዐቀ አላዲ»

ያጌ አዛዜዳ»

ያጌዲኖ።

48 አዩሁዳ ጊዴናዋንቱ ሄዋ ሲሴዳ ዋዴ፣ ናሼቲዴ ያሳ ቃላ ቦንቹዲኖ፤ ቃሲ ሜጲና ዴዐቀሲ ዶሬቲዳ ኡባይ አማኔዲኖ።

49 ጎዳ ቃላይ ሄ ጋዲያ ኡባ ጋኬዳ።

50 ሺን አዩሁዳቱ ያሳው ጎዩኒያ ቦንቹቲዳ ማጫዋንታኔ ካታማን ዴዒያ ዋልቃማ አሳቱዋ ጳውሎሳ ቦላኒኔ ባርናባሳ ቦላ ዴንሌሲና፣ አሳቱ ኡንቱንታ ዬዴርሱዋ ዶሚዴ፣ ባሬንቱ ጋዲያፕ ኬሴዲኖ።

51 ሺን ዬሱሲ ኪቴዳዋንቱ ኡንቱንታ ኢጂያዋንቱሲ ማላታ ጊዳና ማላ፣ ባሬንቱ ጌዲያፕ ባና ሾጩዴ፣ § ኢቆኒዮኔ ካታማ ቤዲኖ።

52 ቃሲ አንፆኪያን ዴዒያ ካሊያዋንቱኒካ ጌሻ አያናይኔ ናሼቻይ ኩሜዳ።

14

ጳውሎሴኔ ባርናባሲ ኢቆኒዮኔ ቤዲኖ

13:47 እሳ 42:6፤ 49:6 § 13:51 ባሬንቱ ጌዲያፕ ባና ሾጩዴ፣ ሃዋ አሳይ አኬናን ኢዶዋ ቤሲያ ኦጊያ።

1 ካሰዋዳንካ ጳውሎሲኔ ባርናባሲ ኢቆኒዮንን አዩሁዳቱዋ ዋሳ ጎሌ ጌሊዳ፡ ቃላ ኦዴዲኖ፤ ሄዋፔ ጉዩያን ጮራ አዩሁዳቱኔ አዩሁዳ ጊዳናዋንቱ አማኔዲኖ።

2 ሺን አማኒቤና አዩሁዳቱ አዩሁዳ ጊዳናዋንቱ ዋዛና ላሚዳ፡ አሻቱዋ ቦላ ሃንቁሴዲኖ።

3 ዬሱሲ ኪቴዳዋንቱ ሄዋን ዳር ዋዲያ ጋሚዔዲኖ፤ አንቱንቱ ጎዳባ ያዬናን ኦዴዲኖ፤ ጎዳይ ማላታኔ ኦራላባ አንቱንቱ ኦላና ማላ፡ አንቱንቶ ዋልቃ ኢሜዳዋን ባሬ አቶ ኬካቴላ ቃላባይ ቱማ ጊዳዳዋ ማርካቲዳ።

4 ሺን ካታማ አሳይ ሻኬቲ፡ ባጋይ አዩሁዳቱዋኮ፡ ባጋይ ዬሱሲ ኪቴዳዋንቱኮ ሲሜዲኖ።

5 አዩሁዳ ጊዳናዋንቱኔ አዩሁዳቱ ባሬንቱ ካፓቱዋና ኢቲፔ ዬሱሲ ኪቴዳዋንታ ቆሃናዉኔ ሹቻን ጫዳናው ቆፔዳ ዋዴ።

6 ዬሱሲ ኪቴዳዋንቱ ሄዋ ኤሪዳ፡ ሊሰደራኔ ዳርቤ ጌቲቲያ ሊቃዖኒያ ካታማቱዋኔ አንቱንቱ ሄራን ዳዒያ ጋዲያ ቤ አኔዲኖ፤

7 ሄዋን ዋንጋላ ሚሺራቹዋ ኦዲኖ።

8 ባሬ ዳዩ ኡሉዋፔ ዩሉቶዴፔ ደሚዳ፡ ላዑ ጌዲ ሲሊና፡ ኡባካ ሃሜቲና ኢቲ ቤታኒ ሊሰደራን ዳዔ።

9 ሄ ቤታኒ ጳውሎሲ ኦዲሺን ሲሴ፤ ጳውሎሲ አ ጫዲ ያሊያ ዋዴ፡ ፓፃናው አው አማኑ ዳዒያዋ ቤዒዳ።

10 ኮሻ ቶቂሲዳ አ፡ «ሲቲ ጋዴ ኔ ጌዲያን ኤቃ» ያጌዳ፤ ጉፒ ዳንዲዳ፡ ሃሚታ ደሚዳ።

11 ጳውሎሲ ኦሴዳዋ አሳይ ቤዒዳ፡ ባሬ ኮሻ ሊቃዖኒያ ቃላን ቶቁ ኦሴዳ፡ «ዖሳቱ አሳ ማላቲዳ ኩኮ ዋዴዲኖ» ያጌዳ።

12 አሳይ ባርናባሳ፡ «ዲያ» * ጌዳ፡ ጳውሎሲ ሃሳያሲ ዋናቲያ ዲራው፡ አ፡ «ሄርሜሳ» ጌዳ ሱንሴዳ።

13 ጌሻ ጎሊ ካታማ ማታን ዳዒያ ዲያ ቁሳይኔ አሳይ ኮሩማቱዋኔ ዳሪ ሎዒያ ጪሻቱዋ ዬሱሲ ኪቴዳዋንቱሲ ያርሹዋ ያርሻናው ኮዩዳ፡ ፔንጊያ አሄዲኖ።

14 ሺን ዬሱሲ ኪቴዳ ባርናባሲኔ ጳውሎሲ ሄዋ ሲሴዳ ዋዴ ባሬንቱ ማዩዋ ፔዲዳ፡ አሳ ጌዳ ዋዲዳ።

15 ባሬንቱ ኮሻ ቶቁ ኦሴዳ፡ ሃዋዲን ያጌዲኖ፤ «አሳው፡ ሃዋ አዩሲ ኦሴቲ? ኩኒካ ሂንቲንቱዋዳን ሚዴቲዳ አሳ፤ ሃ ፓሴና ዩዉዋፔ ሳሉዋኔ ሳዓ፡ አባኔ አንቱንቱ ጌደን ዳዒያ ኡባባ ሚዴዳ

* 14:12 ዲያ፡ ጉሳይ ግሪካቱዋ ዖሳቱዋ ኡባቱዋፔ ቦላ ጌቲቲ ፓይዴቲያ አንቱንቱ ኤቃ።

ዴዑዋ ያሳኮ ሂንቲ ሲማና ማላ፡ ሂንቲንቶ ኑኒ ዋንጋላ ሚሺራቸዋ ኦዴቶ።

16 ኢ ቤኒ ኣሳ ዜሬላይ ኡባይ ባሬንቱ ኦጊያ ባና ማላ ዬዲ ኣጌዳ።

17 ሂንቲንቶ ኢራ ሳሉዋፕ ቡኪሴዳ፤ ካላካ ኢ ዋዲያን ኢሜዳ፤ ቃሲ ቁማ ኢሚዳ፤ ሂንቲንታ ሎይሲ ናሼቹ፤ ያቲዳ ሂንቲንቶ ሎዖባ ኦሊዳ፤ ኡባ ዋዴካ ባሬው ማርካ ቆዩቤና» ያጌዲኖ።

18 ዬሱሲ ኪቴዳዋንቱ ሄዋ ጊዳ፡ ባሬንቶ ኣሳይ ያርሼና ማላ፡ ማቶቲዳ ዲጌዲኖ።

19 ኣንዮኪያፕፔ ኢቆኒዮኔፕ ዬዳ ኣዩሁዳቱ ኣሳ ባሬንቱ ባጋ ዛሬዳ፡ ሹቻን ጳውሎሳ ጫዴዲኖ፤ ኡንቲንቶ ሃይቁዳዋ ማላቲና፡ ካታማፕ ካሬው ኣ ጎቹ ኬሴዲኖ።

20 ሺን ካሊያዋንቱ ኣ ማታን ዩዩ ኣጲዳ ኤቂሺን፡ ኢ ዴንዲዳ፡ ካታማ ጌሌዳ። ዋንቱላ ጋላሲ ባሬናባሳና ኢቲፕ ዴርቤ ቤዳ።

ጳውሎሲኔ ባርናባሲ ኣንዮኪያ ሲሜዲኖ

21-22 ኡንቲንቱ ዴሪቤ ካታማን ዋንጋላ ሚሺራቸዋ ኦዲዳ፡ ጮራ ኣሳይ ዬሱሳ ኣማናና ማላ ኦሌዳዋፕ ጉዩያን፡ ሊሰዂራ፡ ኢቆኒዮኔኔ ጲሲዲያን ዴዲያ ኣንዮኪያ ሲሜዲኖ፤ ያቲዳ ሄዋን ካሊያዋንታ ሚኒሲዳኔ ኡንቲንቱ ኣማኑዋን ሚኒ ዴናና ማላ ዘሬዳ፡ «ኑኒ ያሳ ካዉቱላ ጌላናው ሎይሲ ዋዩታና ቤሴ» ያጌዲኖ።

23 ቃሲ ኣማኒያዋንቶ ዴዲያሳን ዴዲያሳን ጨማቱዋ ዶሪዳ፡ ያሚዳዋፕፔ ዋሴዳዋፕ ጉዩያን፡ ኡንቲንቱ ኣማኔዳ ጎዳሲ ኡንቲንታ ሃዳራ ኢሜዲኖ።

24 ጲሲዲያ ጋዲያፕ ኣጲዳ፡ ጲኒፊሊያ ዬዲኖ፤

25 ጴርጌን ቃላ ኦዴዳዋፕ ጉዩያን፡ ኣፃሊያ ቤዲኖ።

26 ሄዋፕ ኡንቲንቱ ባሬንቱ ፖሌዳ ኦሱዋ ዲራው፡ ኣሳይ ኡንቲንቱ ሃዳራ ያሳ ኣቶ ኬካቱላው ኢሜዳ ኣንዮኪያ ማርካቢያን ሲሜዲኖ።

27 ኣንዮኪያ ጋኬዳ ዋዴ ኣማኒያ ኣሳ ሺሺዳ፡ ያሳይ ባሬንቱና ኢቲፕ ኦሌዳ ኡባባኔ፡ ኣዩሁዳ ጊዴና ኣሳይ ኣማናና ማላ፡ ኡንቲንቶ ፔንጊያ ዶዩዳዋ፡ ኣሳው ኦዴዲኖ።

28 ያቲዳ ሄዋን ካሊያዋንቱና ዳር ዋዲያ ጋሚዔዲኖ።

15

ዬሩሳላሜ ሺቁዋ

1 ኢቲ ኢቲ አሳቱ ዪሁዳፔ አንጾኪያ ዋዲዳ፡ «ሙሴ ዋጋዳን፡ ሂንቲ ቃፃሬቴናዋ ጊዶፔ፡ አታናው ዳንዳይኪታ» ያጊዳ ኢሻቱዋ ታማሪሱዋ ደሚዲና።

2 ጳውሎሲኔ ባርናባሲ ኡንቱንቱና ዳሪሲ ዋላቂቲዳ ፓሉማቲና፡ አንጾኪያን ዳዒያ ኢቲ ኢቲ ሃራ አሳቱ ሄ ፓሉማ ዲራው፡ ጳውሎሳናኔ ባርናባሳና ዬሩሳላሜ ቢዳ፡ ዬሱሲ ኪቴዳዋንቱናኔ ጨማቱዋና ጋኬታናው ቆፋይ ቃሼቴዳ።

3 አማኒያ አሳቱ ኡንቱንታ ኪቴዳ ኦጊያን ማዲሺን፡ አዪሁዳ ጊዳናዋንቱ ያሳኮ ሲሜዳዋ ኦዲዳ፡ ፐንቁያናኔ ሳማሪያና አዲዲና፤ ሄዋ ኢሻቱዋ ኡባ ሎይሊ ናሼቹዳ።

4 ኡንቱንቱ ዬሩሳላሜ ጋኬዳ ዋዳ፡ አማኒያዋንቱ፡ ዬሱሲ ኪቴዳዋንቱኔ ጨማቱ ኡንቱንታ ሞኬዲና፤ ያሳይ ባሬንቱን ኦሌዳዋ ኡባ ኦዲዲና።

5 ሺን ፓሪሳዋቱዋ ባጋፔ አማኔዳ ኢቲ ኢቲ አሳቱ ዳንዲ ኤቂዳ፡ «ሂንቱንቱ ኡንቱንታ ቃፃራናውኔ ሙሴ ሂጊያ ናጋና ማላ አዛዛናው ቤሴ» ያጊዲና።

6 ዬሱሲ ኪቴዳዋንቱኔ ጨማቱ ሄዋ ዘሬታናው ሺቂዲና።

7 ሎይሊ ሃሳዬዳዋፔ ጉዪያን፡ ጳዲርሲ ዳንዲ ኤቂዳ፡ ኡንቱንታ ሃዋዳን ያጊዳ፤ «ታናዳን አማኒያዋንቶ፡ አዪሁዳ ጊዳናዋንቱ ዋንጋላ ሚሺራቹዋ ቃላ ታ ደናፔ ሲሲዳ አማናና ማላ፡ ታና ያሳይ ሂንቱ ጊዶፔ ቤኒ ደራዳዋ ሂንቱንቱ ኤሪታ።

8 አሳ ዋዛና ኤሪያ ያሳይ ጌሻ አያና ኑሲ አሜዳዋዳን፡ ኡንቱንቶካ አሚዳ ቱማዬዳ።

9 ኡንቱንቱ አማኔዳ ዲራው፡ ኢ ኡንቱንቱ ዋዛና ጌሺዳ፡ ኑ ጊዲዋኒኔ ኡንቱንቱ ጊዲዋን ዲማቴላ ዋሊቤና።

10 ሄዋ ዲራው፡ ኑ አዋቱኔ ኑኒ ቶካናው ዳንዳይቤና ዋልቃማ ቶኩዋ ካሊያዋንቱ ሞርጊያን ዋሊዳ፡ ሃዒ ሂንቱ አዪሲ ያሳ ፓጪቱ?

11 ሺን ጎዳ ዬሱሲ ኪሪሰቶሳ አዶ ከካቴላን ኡንቱንቱ አቴዳዋዳን፡ ኑኒካ አቴዳዋ አማኔቶ» ያጊዳ።

12 አሳይ ኡባይ ጮዑ ጊዳ፡ ባርናባሲኔ ጳውሎሲ አዪሁዳ ጊዳና አሳ ጊዶን ባሬንቱ ባጋና ያሳይ ኦሌዳ ማላታኔ ኦራላባ ኡባ ኦዲሺን ሲሴ።

13 ኡንቱንቱ ሃሳያ ወርሴዳዋፔ ጉዪያን፡ ያዪቆቢ ሃዋዳን ያጊዳ ዘሬዳ፤ «ኢሻቶ፡ ታኒ ጊያዋ ሲሲቱ።

14 ያሳይ አዪሁዳ ጊዳናዋንቱ ጊዶፔ ባሬው ሃኒያ አሳ አካናው አዪሁዳ ጊዳናዋንቶ ኮይሮ ዋቲ ቆፔዳንቶ ሲሞኒ ኦዲዳ።

15-18 ናቢያ ቃላይ ሃዋና ጊጌ፤ ጎዳይ ዳር ዋዲያፕ ደሚዳ፤
አሳ ሃዋ ኤሪሲዳ፤ ያሳ ማፃፋን ሃዋዳን ያጌዳ፤

«ሃዋፕ ጉዪያን፣ ሳዓን ዳዒያ
ሃራ አሳይ ኡባይኔ ታዋ ጊዳናው
ታኒ ጃሴዳ አዪሁዳ ጊዳና አሳይ ኡባይ
ጎዳ ኮያና ማላ፣ ታኒ ሲማና።

ታኒ ኮሌቲዳ ኩንዳዳ ጎሊያዳን
ሃኔዳ ዳዋቲ ካዉቲላ ዳንሳና።

ኮሌቲዳዋካ ዛራዳ ከፃና፤
ታኒ ላዔሉዋ አ ኤሳና
ያጌዳ።

19 «ሃዋ ዲራው፣ ታ ቆፋ ጊደፕ፣ አዪሁዳ ጊዳናዋንቱፕ ያሳኮ
ሲሚያዋንታ ኑኒ ሜቶላናው ኮሼና።

20 ሺን ኡንቱንቱ ኤቃኒ ቱኔዳዋ ሜና ማላ፣ ዋሹሚና ማላ፣
ባኩቲዳ ሚሂያ አሹዋ ሚና ማላኔ ሱላ ኡሼና ማላ፣ ኡንቱንቶ
ኑኒ ዳቢዳቢያ ፃፋናው ኮሼ።

21 አዪሲ ጎፕ፣ ሙሴ ሂጊያ ካሴ ዬሌታፕ ደሚዳ ሳምባታን
ሳምባታን አዪሁዳ ዋሳ ጎሌቱዋን ናባቢዳ፣ አ ቃላ ካታማ ኡባን
ኡዲያዋንቱ ዳዒና» ያጌዳ።

22 ሃዋፕ ጉዪያን፣ ዬሱሲ ኪቴዳዋንቱኔ ጨማቱ ዋሳ ጎሌ አሳ
ኡባና ኢቲፕ ባሬንቱ ጊደፕ አማሬዳ አሳቱዋ ደሪዳ፣ ጳዉሎሳናኔ
ባሪናባሳና አንጾኪያ ዬዳናው ቆፋ ቃቼዲና፤ ኡንቱንቱ ዳር
ቦንቼቲዳ ላዑ አሳቱዋ ባርሳባ ጌቲቲያ ዪሁዳኔ ሲላሳ ደሬዲና።

23 ያቲዳ ሃዋዳን ጊያ ዳቢዳቢያ ፃፊዳ፣ ኡንቱንቱ ቦላ
ኪቴዲና፤ «ኑኒ ዬሱሲ ኪቴዳዋንቱኔ ጨማቱ ሂንቱ ኢሻቱ፣
አንጾኪያን፣ ሶሪያኒኔ ኪልቁያን ዳዒያ አዪሁዳ ባጋ ጊዳና
ኢሻቱዋሲ ኑ ሳርታ ኪቲቶ።

24 «ኑኒ አዛዚቤና አሳቱ ኑ ጊደፕ ቢዳ፣ «ሂንቱንቱ
ቃፃሬታናዉኔ ሙሴ ሂጊያ ናጋናው ቤሴ» ጊዳ፣ ሂንቱንታ
ሜቶሉዳዋኔ ዪሎዬዳዋ ሲሲዳ፤

25-26 ኑ ጎዳ ዬሱሲ ኪሪሰቶሳ ሱንላ ዲራው፣ ባሬንቱ
ሹምፑዋ ኦሌዳ ኑኒ ሲቁያ ባርናባሳናኔ ጳዉሎሳና ደሬቲዳ
አሳቱዋ ሂንቱንቱኮ ኪታናው ኢቲ ዋዛናን ኑ ቆፋ ቃቼደ።

27 ሃዋ ዲራው፣ ኑኒ ፃፊዳዋ ኡንቱንቱ ባሬንቱ ሁጹው ባሬንቱ
ደናን ሂንቱንቶ ኦዳና ማላ፣ ዪሁዳኔ ሲላሳ ኪቲደ።

28-29 «አዩሲ ጎፔ፡ ኤቃው ያርሼዳዋ ሞፒቴ፤ ሱላ ኡሾፒቴ፤ ባኩቴዳ ማሂያ አሹዋ ሞፒቴ፤ ዋሹሞፒቴ። ሃ ኮሺያዋንቱፔ ኣቲን፡ ሃራ ዳዲያ ዩወዋ ሂንቱንታ ቶሴና ማላ፡ ኮኒኔ ጌሻ አያናይ ዩወዋ ኤኖ ጊዳ ኣኬዶ፤ ሃ ኡባባፔ ሂንቱ ሁጲያ ናጎፔ፡ ሂንቱንቱ ሎዖባ ኣሉታ። ሲሚ ሳሮ ዳዒቲ» ያጌዲኖ።

30 ሄዋ ዲራው፡ ኪቴቴዳዋንቱ ሞዩዜቲ፡ ኣንዖኪያ ዋጲዳ፡ ኣማኒያ ኣሳ ሺሺዳ፡ ዳቢዳቢያ ኣሳሲ ኢሜዲኖ።

31 ኡንቱንቱ ሄ ሚኒሲያ ዳቢዳቢያ ናባቤዳ ዎዳ፡ ናሹቴዲኖ።

32 ቃሲ ዩሁዳይኔ ሲላሴ ባሬንቱ ሁጲው ናባቱዋ ጊዲያ ዲራው፡ ኢሻቱዋ ሎይሲ ማቂዳ ሚኒሴዲኖ።

33 ኡንቱንቱ ኣንዖኪያን ኣማራዳ ጋላሳ ኡቴዳዋፔ ጉዩያን፡ ኢሻቱ ሳሮቴላን ሞዩዚና፡ ባሬንታ ኪቴዳዋንቱኮ ሲሜዲኖ።

34 ሺን ሲላሴ ያኒ ኣታናው ባሬ ቆፋ ቃቼዳ። *

35 ቃሲ ጳዉሎሲኔ ባርናባሲ ሃራ ጮራ ኣሳቱዋና ኢቲፔ ጎዳ ቃላ ታማሪሲዴኔ ዎንጋላ ሚሺራቹዋ ኦዲዳ፡ ኣንዖኪያን ኡቴዲኖ።

ጳዉሎሲኔ ባርናባሲ ሻኬቴዲኖ

36 ኣማራዳ ጋላሳፔ ጉዩያን፡ ጳዉሎሲ ባርናባሳ፡ «ኮኒ ጎዳ ቃላ ኦዳዳ ካታማ ኡባን ኦ ኢሻቱ ዎቲ ዳዒኖንቶ፡ ጉዩ ሲሚዳ፡ ያሞሲ ቤዖይቲ» ያጌዲኖ።

37 ሄዋፔ ጉዩ ባርናባሲ ማርቆሳ ጌቴቲያ ዮሃንሳ ባሬንቱና ኣፋናው ኮዬዳ።

38 ሺን ጳዉሎሲ ማርቆሳ ባሬንቱና ኣፋናው ኮዩቤና፤ ኣዩሲ ጎፔ፡ ኢ ኡንቱንቱፔ ጲኒፊሊያን ሻኬቴዳ፤ ቃሲ ኡንቱንቱና ኦሱዋሲ ቢቤና።

39 ኡንቱንቱ ጊዲዋን ሎዔና ዋላሳይ ኬሲና፡ ኢቱ ኢቱዋፔ ሻኬቴዳ፤ ባርናባሲ ማርቆሳ ኣኪዳ፡ ማርካቢያን ቆጲሮሳ ቤዳ።

40 ሺን ጳዉሎሲ ሲላሳ ኣኪና፡ ኢሻቱ ኣ ሃዳራ ያሳ ኣጶ ከካቴላው ኢሜዳዋፔ ጉዩያን ቤዳ።

41 ያቲዳ ኣማኒያ ኣሳቱዋ ሚኒሲዳ፡ ሶሪያናኔ ኪልቂያና ኣጲዳ።

16

ዒሞቶሴ ጳዉሎሳናኔ ሲላሴና ጋኬቴዳ

* 15:34 ሲላሴ ኣንዖኪያን ኣታናው ባሬ ቆፋ ቃቼዳ፡ ጊያዌ ጮራ ሃራ ቃላ ቢሌላን ባዋ።

1 ጳውሎሲ ቃሲ ዳርቤኔ ሊሰጧሪ ቤዳ፤ ሄዋን ሚሞቶሳ ጌቴቲያ ካሊያዋ፣ ኢቲ አማኒያ አዪሁዳ ሚሺራቲ ናዓይ ዳዔ፤ አ እቡ ጊሪኬ አሳ።

2 ሊሰጧሪኔ ኢቆኒዮኔን ዳዒያ ኢሻቱ ሚሞቶሳሳ ሎይሌ ማርካቴዲኖ።

3 ጳውሎሲ ሚሞቶሳ ባሬናና አፋናው ኮዪዳ፣ አ እቡ ጊሪኬ * አሳ ጊዴዳዋ ሄዋን ዳዒያ አዪሁዳ ኡባይ ኤሪያ ዲራው፣ አ ኦይቂዳ ቃፃራዳ።

4 ኡንቱንቱ ካታማቱዋና ቢዳ፣ ዬሱሲ ኪቴዳ ዬሩሳሌሜን ዳዒያዋንቱ፤ ጨማቱ ዋሌዳ ሂጊያ አማኒያዋንቱ ናጋና ማላ፣ ኡንቱንቶ ኦዲዳ እጴዲኖ።

5 ሄዋ ዲራው፣ አማኒያዋንቱ አማኑዋን ሚኒ፣ ፓይዲዋንካ ጋላሳ፤ ጋላሳን ዳሪ ዳሪ ቤዲኖ።

ጳውሎሲ ማቂዶኒያ ባናዳን ጃጌቲዳ

6 ኢሲያን ቃላ ኦዳና ማላ፣ ጌሻ አያናይ ኡንቱንታ ዲጌዳ ዲራው፣ ፐርጊያ ጋዲያና፤ ጋላቲያ ጋዲያና እጴዲኖ።

7 ኡንቱንቱ ሚሲያ ዛዋ ጋኬዳ ዋዳ፣ ቤቲኒያ ባናው ኮዬዲኖ፤ ሺን ዬሱሳ አያናይ ኡንቱንታ ዲጌዳ።

8 ሄዋ ዲራው፣ ኡንቱንቱ ሚሲያ ማታና አጲዳ፣ ሚሮዓዳ ዋዲዲኖ።

9 ጳውሎሲ ቃማ ሳፃን ኢቲ ማቂዶኒያ ቢታኒ ባሬና፣ «ማቂዶኒያ ፐናዳ ኑና ማዳሪኪ» ያጊዳ ኤቂ ዋሲሺን ቤዔዳ።

10 ሳፃ ኢ ቤዔዳዋ፤ ጉዪያን፣ ኑኒ ኤሌካ ማቂዶኒያ ባናው ኮዬዳ፤ አዪሲ ጎፔ፣ ዋንጋላ ሚሺራቹዋ ያኒ ዳዒያ አሳሲ ኦዳናው፣ ያሳይ ኑና ጃሴዳዋ ኑሲ ማላቲዳ።

ሊዲያ ፒሊጲሲዮሳን ኪሪሰቶሳ አማናዳ

11 ሄዋ ዲራው፣ ሚሮዓዳ፤ ዳንዲዳ፣ ሲቲ ጊዳ ማርካቢያን ሳሞቲራቂ ቤዶ፤ ዋንቱሳ ጋላሲ ናጲሌ ቤዶ።

12 ሄዋ፤ ፒሊጲሲዮሳ ቤዶ፤ ፒሊጲሲዮሲ ማቂዶኒያ ቢታው ሁጴ ካታማ፤ ቃሲ ሮሜ አሳይ ዳዒያ ካታማ፤ ኑኒ ሄ ካታማን አማራዳ ጋላሳ ኡቲዶ።

13 ሳሞባታ ጋላሲ፣ ካታማ፤ ጋፃን ሻፋ ዶናን አዪሁዳቱ ያሳ ዋሲያ ሳዓይ ዳዒያዋ አኬኪዳ ቤዶ፤ ሄዋን ኡቲዳ ሺቂዳ ማጫ አሳሲ ቃላ ኦዳዶ።

* 16:3 አ እቡ ጊሪኬ ... አ ኦይቂዳ ቃፃራዳ፣ ጊሪኬ አሳይ ባሬንቱ ናና ቃፃሪኪኖ። ሺን ሚሞቶሲ ቃፃራታና ቆዮ፤ አዪሁዳ አሳይ አ አከና ዲራው፣ ጳውሎሲ አ ኦይቂዳ ቃፃራዳ።

14 ኢቲ ሊዲያ ጌቴቴወና፡ ቲያዲሮና ካታማፔ ያዴ ያሳ አማኔወና፡ ዘዖ ማዩዋ ዛለዲያ ሚሽራታ፡ ኩኒ ኦዲያዋ ሲሳዲ፤ ጳውሎሲ ኦዲያዋካ ኢዛ ሲሳና ማላ ያሳይ ኢ ዋዛና ዶዬዳ።

15 ሊዲያ ባሬ ሶይ አሳና ኢቲፔ ፃማቄቴዳዋፔ ጉዩያን ኑና፡ «ሂንቴንቱ ታና ጎዳ ቱማቴላን አማናው ጊዴ ቆፖፔ፡ ታ ሶዪን ዴዒሽቴ» ጋዴ ዋሳዲ፤ ሚኒሳዴ ሸባዲ።

ጳውሎሲኔ ሲላሴ ቃሼቴዲኖ

16 ኩኒ ያሳ ዋሲያሳ ቢሽን፡ ኢታ አያናይ ኢዚ ቦላ አቄና ካዩያ ኢቲ አሽካሬ ናታ ኑናና ጋኬታዲ፤ ሄ ናታ ካያዴ ዳሮ ሚሻ ባሬ ጎዳቱዋሲ ዴማዲ።

17 ጋኬታዴ ጳውሎሳኔ ኑና ካላዴ፡ «ሃዋንቱ ሂንቴንቶ አታና ኦጊያ ኦዲያዋንቱ፡ ኡባፔ ቦላ ያሳ አይለቱዋ» ጋዴ ኮሻ ጶቄ አላዴ ሃሳያው።

18 ኡባ ጋላሲ ሄዋዳን ጋው፤ ሸን ጳውሎሲ ዩሎቲዴ ጉዬ ሲማ፡ ሄ ኢታ አያና፡ «ኔኒ ኢፔ ኬሳና ማላ ዬሱሲ ኪሪሰቶሳ ሱንሳን ኔና አዛዛይ» ያጌዳ፤ ሄ ማንዲያንካ ኢታ አያናይ ኢፔ ኬሲ አጌዳ።

19 ሸን ኢዚ ጎዳቱ ባሬንቱ ሚሻ ዴማና ኦጊ ጳዩዳዋ ቤዒዴ፡ ጳውሎሳኔ ሲላሳ አይቄዴ፡ ጌያ ሳዓን ዴዲያ ዳናቱዋ ሲንላ ጎቼ ኬሴዲኖ።

20 ዳናቱዋ ሲንላ ኡንቱንታ አፊዴ፡ «ሃዋንቱ አዩሁዳ አሳ ጊዲዴ፡ ኑ ካታማ አሳ ሎይሳ ሜቶሊኖ።

21 ኩኒ ሮሜ ጋዲያ አሳ ጊዲዴ፡ አካናወኔ አላናው ዋጋ ጊዴናባ ታማሪሲኖ» ያጌዲኖ።

22 አሳይ ኢቲ ባጋ ጊዲዴ፡ ጳውሎሳ ቦላኒኔ ሲላሳ ቦላ ዴንዴዳ፤ ዳናቱካ ኡንቱንቱ ማዩዋ ቃሪ አኪዴ፡ ፃምዓን ኡንቱንታ ሸጫና ማላ አዛዜዲኖ።

23 ኡንቱንቱ ዳሪሲ ዋጶዳዋፔ ጉዩያን፡ ቃሾ ጎሊያን ዩጌዲኖ። ቃሾ ጎሊያ ናጊያዌካ ኡንቱንታ ሚኒሲ ናጋናዳን አዛዜዲኖ።

24 ቃሾ ጎሊያ ናጊያዌ ሄ አዛዙዋ አኪዴ፡ ጳውሎሳኔ ሲላሳ ቃሾ ጎሊያ ቆልዖ ጌሊሴዳ፤ ኡንቱንቱ ጌዲያካ ሚላና ጋሏ ዳሪዲዴ ቃቼዳ።

25 ሸን ቃማ ቢላሄ ጊዲያ ሄራን ጳውሎሳኔ ሲላሴ ያሳ ዋሲዴ፡ ማዚሙሪያ ዩዲዴ ያሳ ጋላቲኖ፤ ቃሼቶ አሳይ ኡንቱንቱ ጊያዋ ሲሴ።

26 ቃሾ ጎሊያ ፃጹ ቃፃና ጋካናው ዋዛና ኣሌናን ቢታይ ዳሪሲ ቃፃዳ፤ ሄ ማንዲያንካ ፔንጊካ ኡባይ ዶዬቲ ኣገና፤ ቃሾቲዳ ኣሳ ኡባ ሳንላላታይ ቢሌቲ ዋጴዳ።

27 ቃሾ ጎሊያ ናጊያዌ ጌሚዲሹዋፔ ቤጎቲያ ዎዴ፤ ቃሾ ጎሊያ ፔንጊካ ኡባይ ዶዬቲዳዋ ቤዲዴ፤ ቃሾቶ ኣሳይ ኬሲ ኣኪዴ ቢዲጌዳዋ ኣው ማላቲና፤ ባሪና ዎጳናው ቆፒዴ፤ ጨቢያ ኣኬዳ።

28 ሺን ጳዉሎሲ ኮሻ ቶቁ ኦሲዴ፤ «ኔኒ ኔና ኣያኔ ኡዶፓ፤ ኣዪሲ ጎፔ፤ ኩኒ ኡባይ ሃዋን ዴዔቶ» ያጌዳ።

29 ቃሾ ጎሊያ ናጊያዌ ያምፒያ ዎሲ ኣኪዴ፤ ኤሌካ ቆልዎ ዎፃዳ፤ ኮኮሪዴ ጳዉሎሳ ሲንላኒኔ ሲላሴ ሲንላን ጉፋኔዳ፤

30 ኡንቱንታ ካሬ ኬሲዴ፤ «ታ ጎዳቶ፤ ታኒ ኣታናው ኣያ ኦላና ቤሲ?» ያጌዳ።

31 ጳዉሎሲኔ ሲላሴ ኣ፤ «ጎዳ ዬሱሲ ኪሪሰቶሳ ኣማና፤ ኔኒ ኣታና፤ ኔ ሶይ ኣሳይካ» ያጌዲና።

32 ኡንቱንቱ ኣዉኔ ኣ ሶዩን ዴዲያ ኡባው ጎዳ ቃላ ኦዴዲና።

33 ቃማ ሄ ሳቲያንካ ቃሾ ጎሊያ ናጊያዌ ኡንቱንታ ኣፊዴ ኡንቱንቱ ማይላ ሜጨዳ፤ ሄ ማንዲያንካ ባሬ ሶይ ኣሳ ኡባና ፃማቁቲ ኣጌዳ።

34 ጳዉሎሳኔ ሲላሳ ፑዴ ባሬ ሶይ ኣፊዴ፤ ኡንቱንቶ ቁማ ኣሌዳ፤ ኢ ባሬ ሶይ ኣሳ ኡባና ያሳ ኣማኔዳ ዲራው፤ ናሹቲዳ።

35 ዎንቲና ዳናቱ፤ «ሄ ኣሳቱዋ ቢላ» ያጌዴ፤ ፖሊሲያ ካፓቱዋ ኣኮ ኪቲዲና።

36 ሄዋፔ ጉዬ ቃሾ ጎሊያ ናጊያዌ፤ «ሂንቱንቱ ቢሌታና ማላ፤ ዳናቱ ታው ኪቲዲና፤ ሲሚ ሃዲ ኬሲዴ ሳሮቲላን ቢቲ» ያጌዴ ሄ ኪታ ጳዉሎሳው ኦዴዳ።

37 ሺን ጳዉሎሲ ሄ ፖሊሲያ ካፓቱዋ፤ «ኩኒ ሮሜ ጋዴ ኣሳ ተ ጊዲሺን፤ ኡንቱንቱ ኩና ፒርዳይ ባይናን ኣሳ ሲንላን ዋጴዴ፤ ቃሾ ጎሊያን ዬጌዲና። ሃዲ ኩና ጌማን ኬሲ ዬዲና? ሃኔና፤ ኡንቱንቱ ባሬንቱ ሁጳው ዩዴ፤ ኩና ኬሲና» ያጌዳ።

38 ፖሊሲያ ካፓቱ ዳናቱዋሲ ሄዋ ኦዲና፤ ጳዉሎሲኔ ሲላሴ ሮሜ ጋዴ ኣሳ ጊዴዳዋ ሲሴዳ ዎዴ፤ ያዬዲና።

39 ሄዋ ዲራው፤ ዳናቱ ዩዴ ኡንቱንታ፤ «ኩኒ ሂንቱንታ ናቂዶ» ጌዲና። ቃሾ ጎሊያፔ ካሬ ኡንቱንታ ኬሲዴ፤ ካታማፔ ኬሲዴ ባና ማላ ዎሴዲና።

† 16:37 ሮሜ ጋዴ ኣሳ፤ ሮሜ ካዉቲላን ኤሬቲዴ ዴዲያ ጉላ ኣሳይ ሄ ጋዴ ኣሳቱዋ ጌቲቲና። ሄዋንቶካ ቃይ ሃራቱዋፔ ዲማቲያ ማታይኔ ካጫይ ዴዴ።

40 ጳውሎስን ሲላሴ ቃሾ ጎሊያፔ ከሲዳ፡ ሊዲያ ሶይ ቤዲኖ፤ ያኒ አሻቱዋና ጋኬቲዳ፡ ኡንቱንታ ሚኒሲዳ ሄዋፔ ቤዲኖ።

17

ቴሴሎንቄን ዴንዴዳ ዋላሳ

1 ጳውሎስን ሲላሴ፡ አምፒጶሊሳናን አጶሎኒያና አጵዳ፡ ቴሴሎንቄ ዩዲኖ፤ ቴሴሎንቄን አዩሁዳ ዋላ ጎሊ ዴዔ።

2 ጳውሎስ ባሬ ደያዳንካ ያ ጌሌዳ፤ ሄዋን ሄዙ ሳምባታ ጋላሳቱዋን ያሳ ማፃፋቱዋፔ አሳና ሃሳዬዳ፤

3 ከሪሰቶሲ ዋዪያ አካናወን ሃይቁዋፔ ዴንዳናው ቤሲያዋ ኡንቱንቶ ቢሊዳ ኦዲዲኔ ቱማ ጊዴዳዋካ ኡንቱንታ ኤሪሲዳ፡ «ዬሱሲ ሃ ታኒ ሂንቱንቶ ኦዲያዌ ከሪሰቶሳ» ያጌ።

4 ኡንቱንቱፔ አቱ አቱ ዬዉ ቱማ ጊዴዳዋ አኬኪዳ፡ ጳውሎስን ሲላሴና ጋኬቲዲኖ፤ ሃዋዳንካ፡ ያሳሲ ጎዪኒያ ጮራ ጊሪኬ አሳይን ጮራ ቦንቹቱዳ ማጫዋንቱ፡ ጳውሎስን ሲላሴና ጋኬቲዲኖ።

5 ሺን አዩሁዳቱ ቃናቲዳ፡ አቲ አቲ ኦሱ ባዪና አታ አሳቱዋ ቆጫፔ ሺሺዴ ካታማ አሳ ዋላሴዲኖ፤ ጳውሎስን ሲላሳ አሳኮ ከሳና ማላ ኮዪዳ፡ ያሶና ጎሊያ ደዴዲኖ።

6 ጳውሎስን ሲላሴ ኡንቱንቶ ቤቲናን አፂና፡ ያሶናን አቲ አቲ አሻቱዋ ካታማ ካፓቱዋኮ አፊዳ፡ «ሃዋንቱ ጋዲያ ኡባ ሜቶሌዳዋንቱ፡ ሃዋካ ዩዲኖ።

7 ያቲና ያሶኒ ኡንቱንታ ባሬ ሶዪን ዋሌዳ፤ ሃዋንቱ ኡባይ፡ «ዬሱሳ ጊያ ሃራ ካቲ ዴዔ» ጊዴ ቄሳሬ አዛዙዋ ሚኒሲኖ» ያጊዳ፡ ኮሻ ጶቂሲዳ ሃሴዬዲኖ።

8 ሺቄዳ አሳይን ካታማ ካፓቱ ሄዋ ሲሲዳ ሜቶቲዲኖ።

9 ካፓቱ ያሶናን ሃራቱዋ ዋሲያን ቢሌዲኖ።

ጳውሎስን ሲላሴ ቤሪያ ቤዲኖ

10 አማኒያዋንቱ ጳውሎስን ሲላሳ ሳዓይ ቃሚያዋን ኤሌካ ቤሪያ ዩዴዲኖ። ያ ጋኪዳ፡ አዩሁዳ ዋላ ጎሊ ጌሌዲኖ።

11 ቤሪያ አሳቱ ቴሴሎንቄን ዴዒያ አሳቱዋፔካ አጵ ደዬቶ ዋዛናይ ዴዒያ ዲራው፡ «ጳውሎስ ጌዳዌ ቱሚንቶን» ያጊዳ፡ ኡባ ጋላሲ ያሳ ማፃፋቱዋ ታማሪዳ፡ ቃላ ኩሜንሳ ላዋታን አኬዲኖ።

12 ሄዋ ዲራው፡ ኡንቱንቱፔ ጮራቱ፡ ጊሪካቱዋፔ ቦንቹቱዳ ጮራ ማጫዋንቱን ጮራ አቱማ አሳቱ አማኔዲኖ።

13 ሺን ቱሴሎንቱን ዳዒያ አደሁዳቱ ጳውሎሲ ያሳ ቃላ ቤሪያንካ ኦዳዳዋ ሲሴዳ ዋዴ፥ ቤሪያ ዪዴ፥ አሳ አናና ዋላሴዲኖ።

14 ሄዋፔ ጉዪያን፥ ኢሻቱ ኤሌካ ጳውሎሳ አባ ማታን ዬዲ አጌዲኖ፤ ሺን ሲላሴኔ ሂዋቶሴ ቤሪያን አቱዲኖ።

15 ጳውሎሳ ሞዬዜዳ አሳቱ አቱና ጋሴዲኖ፤ ሄ አሳቱ ሲላሴኔ ሂዋቶሴ ባሬንቶ ዳንዳዬቴዳዋዳን፥ ኤሌካ ባሬኮ ያና ማላ፥ ጳውሎሲ ኪቴዳ ኪታ አኪዴ፥ ቤሪያ ሲሜዲኖ።

ጳውሎሲ አቱና ቤዳ

16 ጳውሎሲ አቱናን ሲላሳኔ ሂዋቶሳ ናጊዴ፥ ካታማን ኤቃይ ኩሜዳዋ ቤዒዴ ዪሎቴዳ።

17 ሄዋ ዲራው፥ አደሁዳ ዋሳ ጎሊያን አደሁዳቱዋናኔ ያሳሲ ጎዪኒያ አደሁዳ ጊዴና አሳቱዋና ፓሎሜቱ፤ ቃሲ ኡባ ጋላሲ ጌያን ባሬናና ጋኬቲያ አሳናካ ፓሎሜቱ።

18 ቃሲ ኤፐቆሮሳፔኔ * ኢስዎሲኪያፔ † ዬዳ ኢቲ ኢቲ ኤራንቻቱ ጳውሎሳና ፓሎሜቱዲኖ፤ ኡንቱንቱፔ ኢቲ ኢቱ፥ «ሃ ቶፊናይ አያ ሃሳያናው ኮዪ?» ያጌዲኖ።

ሃራቱ ጳውሎሳ ዬሱሳባኔ ሃይቁዋፔ ኢ ዴንዴዳዋ ባሬንቶ ኦዲያ ዲራው፥ «ኦራሳ ያሳቱባ ኦዲያዋ ማላቱ» ያጌዲኖ።

19-20 ጳውሎሳ አይቁዴ፥ «ሃ ኔኒ ታማሪሲያ ኦራሳ ዬወ አዬንቶ ኑና ኤሪሳሪኪ? አዪሲ ጎፔ፥ ኔኒ ኑሲ ኦራሳባ ኦዳሳ፤ ሲሚ ሃዋ አዬንቶ ኑኒ ኤራናው ኮዬቶ» ያጊዴ ጳውሎሳ አሪዮስፓጎሳ ጌቱቲያሳ አፌዲኖ።

21 አቱና አሳይ ኡባይኔ ሄዋን ዳዒያ ኢማላቱ ኦራሳባ ሃሳዪዲኔ ሲሲዴ ፔሺያዋፔ አቲን፥ ሃራባን ፔሺኪኖ።

22 ጳውሎሲ አሪዮስፓጎሳን ዳዒያ ሺቁዋ ሲንሳን ኤቁዴ፥ ሃዋዳን ያጌዳ፤ «አቱና አሳቶ፥ ያሳቱዋሲ ኡባባኒ ሂንቱንቱ ዳሪ ያዪያዋ ታኒ ቤዓይ።

23 አዪሲ ጎፔ፥ ታኒ ሂንቱንቱ ጎዪኒያዋ ፄላዴ አቋሺን፥ ሐሬሬቲና ያሳሲ) ጌቱቲዴ ፀፌቴዳ ያርሹዋ ሳዓ ቃሲ ደማዲ፤ ሄዋ ዲራው፥ ሃ ሂንቱ ኤሬናን ጎዪኒያዋ ታኒ ሂንቱንቶ ኦዳይ።

* 17:18 ኤፐቆሮሳ፡ ሃዋ ጋዲያ ጊዲዴ፥ ሃ ጋዲያን ዳዒያ አሳቱ ናሹቺያ አሳ ደዑዋሲ ኮይሮ ሳዓ አይቁዳ ያጊ ታማሪሲያ ኤፐቆሮሳ ጌያ ቢታኒያ ቲሚርቲያ ካሊያዋንታ።

† 17:18 ኢስዎሲኪያ፡ ሃዋካ ጋዲያ ጊዲዴ፥ ሃ ጋዲያን ዳዒያ አሳቱ፥ ባሬና ሞዲሳኔ ባሬ ቆፋን ካሌሴቲያዋ አሳይ ታማራና ቤሴ፥ ያጊያ ቲሚርቲያ ታማሪሲያ ዜኖ ያጌቲያ ቢታኒያ ቲሚርቲያ ካሊያዋንታ።

24 «አላሚያን አላሚያን ዳዲያ ኡባባ ሜዲዳ ያሳይ ሳሉዋን ሳሳ ጎዳይ፣ አሳይ ኬዳዳ ገሻ ጎሊያን ዳዴና።

25 አዩንቶ ፓጩዳ አሳዳን፣ አሳ ኩሺያ ኢ ያሌና፤ አዩሲ ጎፔ፣ ኢ ባሬ ሁጳው ዳዑዋ ሸምቸዋን ኡባባ አሳ ኡባው አሚዳ።

26 ያሳይ አሳ ዛሬያ ኡባ ኢቲ ኡራፔ ሜዲዳ፣ ጋዲያ ኡባን ዋሌዳ፤ ኢ ባሬ ሁጳው ኡንቱንቱ ዳዳና ዋዲያን ሳሳ ካሴ ዛዋዬዳ።

27 «ኢ ሄዋ ኦሌዳዌ ኡንቱንቱ ኦይቂ ኦይቂ ያሊዳ፣ ባሬና ኮዬዳ፣ ኦኒ ኤሪ ዳማናዋንቱሻ ገያዋና፤ ገደፔን፣ ያሳይ ኑፔ ኦሲኔ ሃኮ ገዳና።

28 አዩሲ ጎፔ፣ ሂንቱንቱፔ ኢቲ ኢቲ ኤራንቻቱ፣ ሉኒ ኦ ናና) ገዳዋዳን፣ ኦኒ ኢኒ ፓፃ ዳዴቶን ቃዳቲቶ።

29 ሲሚ ኦኒ ያሳ ናና ገዳዳ ዲራው፣ ያሳይ አሳ ጨንጫቲላኒኔ ቆፋን ዋርቃፔ ዋይ ቢራፔ ዋይ ሹቻፔ ኦሴቴዳዋ ማላቴ ያገዳ፣ ቆፓናው ቤሲና።

30 ሄዋ ዲራው፣ ያሳይ አሳይ ኤሪቤና ዋዲያ አሌዳ፤ ሺን ሃዲ ኡባሳን አሳይ ኡባይ ናጋራፔ ሲማና ማላ አዛዜዳ።

31 አዩሲ ጎፔ፣ ያሳይ ዋዲያ ኬሪ ዋሌዳ፤ ሄ ዋዲያን ባሬ ደሬዳ ኡራን ሳሳን ዳዲያ አሳ ኡባ ቦላ ያሎ ፒርዳ ኢ ፒርዳና፤ አሳ ኡባው ሃይቁዋፔ ዮሱሳ ዳንሌዳዋን ሄዋ ቱማዬዳ» ያገዳ።

32 ኡንቱንቱፔ ኢቲ ኢቲ አሳቱ ሃይቁዋፔ ዳንዲዋባ ጳዉሎሳፔ ሲሲዳ፣ ኦ ቦላ ቁሊጨዲና፤ ሺን ሃራ አሳቱ ኦ፣ «ኦኒ ሃዋ ኔፔ ፑዲዳ ሲሳና ኮዬቶ» ገዲና።

33 ሄዋ ዲራው፣ ጳዉሎሲ ኡንቱንቱ ገደፔ ኬሴዳ።

34 ሺን ኢቲ ኢቲ አቱማ አሳቱ ጳዉሎሳና ጋኬቲዳ አማኔዲና፤ ኡንቱንቱ ገዲዋን ኦሪዮሰፓጎሳን ዳዲያ ፒርዳ ጎሌ ዳናይ ዲናናሲዮሲ፣ ዳማሪሶ ጌቲቲያ ኢቲ ሚሺራቲና ሃራ አሳቱ ዳዲና።

18

ጳዉሎሲ ቆሮንቶሳ ቤዳ

- 1 ሄዋፔ ጉዩያን፣ ጳዉሎሲ አቲናፔ ኬሲዳ፣ ቆሮንቶሳ ቤዳ።
- 2 ሄዋን አቁላ ገያ ኢቲ አዩሁዳ ቢታኒያ ዳሜዳ፤ አቁላይ ጳንዮሳን ዮሌቲዳ፤ አዩሁዳ አሳይ ኡባይ ሮማፔ ኬሳና ማላ፣ ቃላዉዳዮሲ አዛዜዳ ዲራው፣ አማራዳ ዋዲያፔ ካሴ፣ ኢ ባሬ

17:24 1ካት 8:27፤ ኢሳ 42:5፤ ኪት 7:48

ማቻቲ ጲሪሰቂላና ፃሊያፕፔ ዩዳ፤ ጳውሎሲ ኡንቴንቱና ጋኬታናው ቤዳ።

3 እ ኦሱኔ ኡንቴንቱ ኦሱ ኢቲ ማላ ዲንካኒያ ሲካ ጊዲያ ዲራው፣ ኡንቴንቱና ኡቲዳ፣ ኢቲፔ ኦፊዳ።

4 ጳውሎሲ ሳሞባታ ኡባን አዪሁዳቱዋና ጊሪካቱዋ አማንላናው አዪሁዳ ዋሳ ጎሊያን ፓሉሜቱ።

5 ሲላሴኔ ፃሞቶሴ ማቂዶኒያፕፔ ዩዳ ዋዴ፣ ጳውሎሲ አዪሁዳቱዋሲ ዩሱሲ ባሪ ሁጳው ኪሪሰቶሳ ጊዳዳዋ ቃላ ኦዲዋ ቶሌዳ።

6 ሺን ኡንቴንቱ ጳውሎሳ ሃሳያ ጳልቂናኔ እ ቦሪና፣ ጳውሎሲ ባሪ ማዩዋፔ ባና ቆቆፊዳ፣ * «ሂንቴንቱ ኢታቱላይ ሂንቴንታ ኦይቆ፤ ታኒ ሄዋን ጌሊኬ፤ ሃዋፔ ሂኒ ባጋን ታኒ አዪሁዳ ጊዳና አሳኮ ባይ» ያጌዳ።

7 ሄዋፔ ኬሲዳ፣ ያሳሲ ጎዪኒያ ዮሰያሳ ጊያ ቢታኒያ ሶይ ቤዳ፤ ዮሰያሳ ጎሊ አዪሁዳ ዋሳ ጎሊያ ማታን ዴዔ።

8 አዪሁዳ ዋሳ ጎሊ ካፑ ቃሪሲጶሲ ባሪ ሶይ አሳ ኡባና ጎዳ አማኔዳ፤ ቆሮንቶሳ አሳቱዋፔካ ጮራቱ ያሳ ቃላ ሲሴዳ ዋዴ፣ አማኒዴ ፃማቄቲዲኖ።

9-10 ጎዳይ ኢቲ ቃማ ሳፃን ጳውሎሳ፣ «ያዮፓ፤ ኦዳ፤ ጮቡ ጎፓ። ታኒ ኔናና ዴዒያ ዲራው፣ ኔና ቆሃናው ኢታባን ዬጋና አሳይ ኦኒኔ ባዋ፤ አዪሲ ጎፔ፣ ታው ሃ ካታማን ጮራ አሳይ ዴዔ» ያጌዳ።

11 ጳውሎሲ ያሳ ቃላ አሳ ታማሪሲዳ፣ ኢቲ ላይላኔ ኡሱፑን አጌና ኡንቴንቱና ኡቲዳ።

12 ጋሊዮሴ አካዪያ ጋዲያ ሞዲያ ዋዴ፣ አዪሁዳቱ ኢቲፔ ጳውሎሳ ቦላ ዴንዲዳ፣ ፒርዳ ጎሊ ኦ አፊዳ።

13 «ሃ ቢታኒ ሙሴ ሂጊያ ኢዲዳ፣ አሳይ ያሳሲ ጎዪናና ማላ ጪሜ» ያጌዲኖ።

14 ጳውሎሲ ሃሳያና ሃኒሺን፣ ጋሊዮሴ አዪሁዳቱዋ፣ «አዪሁዳቶ፣ ሄዌ ባላ ኦሱዋ ዋይ ኢታ ናቆ ጊዶፔ፣ ታኒ ሂንቴንቱባ ዲንዳያዴ ሲሳናው ቤሴ።

15 ሺን ቃላሲ ሱንላሲኔ ሂንቴ ሁጳ ሂጊያሲ ሂንቴንቱ ፓሉሜቶፔ፣ ሂንቴ ሁጳው ኤሪቲ፤ ሃዋ ታኒ ፒርዲኬ» ያጌዳ።

16 ፒርዳ ጎሊያፕፔ ካሪው ኡንቴንታ ኬሴዳ።

* 18:6 ማዩዋፔ ባና ቆቆፊ፡ ሃዋ ጉሳይ ጊዲያፕፔ ባና ቆቆፊያዋና ኢታ።

17 ሄዋፔ ጉዩያን፣ ጊሪኬ አሳይ ኡባይ አዩሁዳ ዋሳ ጎሌ ካፑዋ ሶስቲኒሳ ኦይቂዳ፣ ፐርዳ ጎሊያ ሲንፋን ሾጬዳኖ፤ ሺን ጋሊዮሳ ሄዌ አይኔ ሜቲቤና።

ጳውሎሲ አንጾኪያ ቤዳ

18 ጳውሎሲ ዳር ዋዲያ ቆርንቶሳን ኡቴዳዋፔ ጉዩያን፣ ኢሻቱዋ ሳርቲዳ፣ ጲሪሰቂሊናኔ አቂላና ማርካቢያን ሶሪያ ቤዳ፤ ባሬው ሸቄዳ ጋሱ ዴዒያ ዲራው፣ ከንኪሪያ ካታማን ባሬ ሁጲያ ሜዴቲዳ። †

19 ኡንቱንቱ ኤፌሶኔ ጋኬዳ ዋዴ፣ ጳውሎሲ ጲሪሰቂሎኔ አቂላ ያኒ ዩጊ ዩዳ፤ ሺን ባሬው አዩሁዳ ዋሳ ጎሌ ጌሊዳ፣ አዩሁዳቱዋና ፓሉሜቲዳ።

20 ኡንቱንቱ ባሬንቱና ዳር ዋዲያ ኡታና ማላ ጳውሎሳ ዋሲና ኢ ኢጻዳ።

21 ሺን ኡንቱንቱፔ ሻኬቲዳ፣ «ዎሳይ ጎፔ፣ ላዔጡዋ ሂንቱንቱኮ ሲማና» ያጊዴ ኤፌሶናፔ ማርካቢያን ቤዳ።

22 ቂሳሪያ ጋኬዳ ዋዴ ዩሩሳላሜ ቢዳ፣ አማኒያ አሳ ሳርቲዳዋፔ ጉዩያን፣ አንጾኪያ ዋዴዳ።

23 ያኒ አሚሬዳ ዋዲያ ጋሚዒዳ ቤዳ፤ ካሊያዋንታ ኡባ ሚኒሲዳ፣ ጋላቲያናኔ ፐርጊያና አዴዳ።

አጲሎሲ ኤፌሶናኔ ቆርንቶሳ ቤዳ

24 ኢሰኪንዲሪያን ዩሌቴዳ አዩሁዳ አሳ ኢቲ አጲሎሳ ጊያ ሎዎ ሃሳዩያዌ ኤፌሶኔ ቤዳ፤ ዎሳ ማፃፋቱዋ ኢ ዳሪሲ ኤሪያ አሳ።

25 ጎዳ ኦጊያካ ታማሬዳ አሳ፤ ዮሃኒሳ ዒንቃታ ፃላላ ኤሪዳ፣ አያናን ባሬ ጋርሳን ኤጻቲዳ፣ ዩሱሳባ ሱሪሲዳ ሃሳዩዳኔ ታማርሴዳ።

26 ያቲዳ አዩሁዳ ዋሳ ጎሊያን ያዩናን ሃሳያ ዶሜዳ። ጲሪሰቂላይኔ አቂላይ ኢ ኦዲያዋ ሲሴዳ ዋዴ፣ ባሬንቱና ሶይ አ አፊዳ፣ ዎሳ ኦጊያ ካሴፔ ሱሪሲዳ፣ አው ጌሺ ኦዴዲኖ።

27 አጲሎሲ አካዩያ ፒናና ኮዩና፣ ኢሻቱ አ ሚኒሲዳ፣ አካዩያን ዴዒያ ካሊያዋንቱ አ ሞካና ማላ፣ ኡንቱንቶ ዳቢዳቢያ ፃፊዲኖ፤ ኢ ያ ጋኪዳ፣ ዎሳ አዶ ከካቲፋን አማኒያዋንታ ዳር ማዴዳ።

† 18:18 ሁጲያ ሜዴቲዳ፣ ጳውሎሲ ጉሳ ዋዲያሲ «ዳማታና» ጊዴ ጫቄዳ። ሃዋ ጉሳይ፣ ባሬ ሁጲያካ ሜዴቲና፤ ዋዲያካ ኤሽና ጉሳ። ሺን ኢ ጫቄዳ ዋዲ ዉርዳ፣ ባሬ ሁጲያ ሜዴቲዳ ዎሳው ያርሹዋ ያርሻናው ቤሴ ጉሳ። 18:18 ፓይ 6:18

28 አዪሲ ጎፔ፡ ዮሴፊ ባሬ ሁጵው ኪሪሰቶሳ ጊዳዳዋ አዪሁዳቱዋሲ ያሳ ማፃፋቱዋፔ ቆንጨሲዳ፡ አሳ ሲንላን ሚኒሲዳ ኦዳዳ።

19

ጳውሎሲ ኤፌሶን ቤዳ

1 አዪሎሲ ቆሮንቶሳን ዳዒሺን፡ ጳውሎሲ ቆዋ ባጋና አዲዳ፡ ኤፌሶን ቤዳ፤ አቲ አቲ ካሊያዋንታ ዳሜዳ።

2 ጳውሎሲ ኡንቱንታ፡ «ሂንቱንቱ አማኔዳ ዋዴ ጌሻ አያና አኬዳቲ?» ያጊዳ ኦቼዳ።

ኡንቱንቱ፡ «ቱይቲ፡ አኪቤይኮ፤ ሃራይ አቶ፡ ጌሻ አያናይ ዳዒያዋካ ሲሲቤይኮ» ያጊዳዮ።

3 ጳውሎሲ ኡንቱንታ፡ «ያቲና፡ አያን ፃማቄቲዳቲ?» * ያጊዳ።

ኡንቱንቱ፡ «ኮኒ ዮሃኒሳ ሂንቃታኒ ፃማቄቲዳ» ያጊዳ ዛሬዲዮ።

4 ጳውሎሲ፡ «ዮሃኒሲ ባሬፔ ጉዪያን ዪያ ዮሴፊ ኪሪሰቶሳን አሳይ አማናና ማላ፡ አሳሲ ኦዲዳ፡ ናጋራፔ ሲሚያ ሂንቃታኒ ፃማቄዳ» ያጊዳ።

5 ኡንቱንቱ ሄዋ ሲቤዳ ዋዴ፡ ጎዳ ዮሴፊ ኪሪሰቶሳሲ ጊዳናው ፃማቄቲዳዮ።

6 ጳውሎሲ ባሬ ኩሺያ ኡንቱንቱ ቦላ ዋሌዳ ዋዴ ጌሻ አያናይ ኡንቱንቱ ቦላን ዋዲና፡ ዲማ ዲማ ቃላን ሃሴዬዲዮ፤ ቃሲ ቲሞቢቲያካ ኦዳዲዮ።

7 ሄዋን ታማኔ ላዑ አሳቱዋ ጊዲያዋንቱ ዳዒዮ።

8 ጳውሎሲ አዪሁዳ ዋሳ ጎሌ ጌሊዳ፡ ያሳ ካዉቲላባ ፓሉሜቲዲኔ አኬኪሲዳ፡ አሳና ሄዙ አጌና ጊዲያዋ ከና ያዬናን ሃሳዬ።

9 ሺን ኡንቱንቱፔ ኢቱ ኢቱ ማካሊዳ፡ ጮራ አሳ ሲንላን ጎዳ ኦጊያ ቦሪዴ አማኔናን ኢዲና፡ ጳውሎሲ ኡንቱንቱፔ ሻኬቲ፡ ባሬና ካሊያዋንታ ባሬናና አፌዳ፤ ሂራኖሳ ጊያ ቲሚርቲ ጎሊያን ኡባ ጋላሲ ፓሉሜቲ።

10 ጳውሎሲ ላዑ ላይላ ጋካናው ቃላ ኦዳዳ፤ ሄዋ ዲራው፡ ኢሲያን ዳዒያ አሳይ ኡባይ፡ አዪሁዳቱካ አዪሁዳ ጊዳናዋንቱካ ጎዳ ቃላ ሲቤዳዮ።

ያሳይ ጳውሎሳ ኩሺያን ኦሌዳ ኦራላባ

* 19:3 አያን ፃማቄቲዳቲ? ሃዋ ጉሳይ ኦ ሱንላን ፃማቄቲዳቲ፡ ጉሳ።

11 ያሳይ ጳውሎሳ ባጋና ዲማ ማላታ ኦሴዳ።

12 ሄዋ ዲራው፣ አሳይ አ ቦላይ ቦቼዳ ማራቢያ ወይ ማዩዋ ሃርጋንቻቱዋሲ አፌ፤ ሃርጋንቻቱካ ፓዲኖ፤ ኢታ አያናቱካ ኡንቱንቱፔ ኬሲኖ።

13 ኢታ አያናቱዋ ኬሲዳ ዩዩያ አዩሁዳቱዋፔ ኢቱ ኢቱ፣ «ጳውሎሲ ቃላ ኦዲያ ዬሱሳ ሱንሳን ኮኒ ሂንቱንታ ኬሲቴ ጊዳ አዛዜቶ» ያጊዳ፣ ኢታ አያናቱ ዴዲያ አሳቱዋ ቦላን ጎዳ ዬሱሳ ሱንሳ ያሲ ቤዔዲኖ።

14 ቄሳቱዋ ካፑዋ አሰቁዋ ጊያ ኢቱ አዩሁዳ ቢታኒያሲ ሄዋ ኦሴዳ ላፑ ናናይ ዴዲኖ።

15 ኢታ አያናይ ኡንቱንቶ ዛሪዳ፣ «ታኒ ዬሱሳ ኤራይ፤ ጳውሎሳካ ኤራይ። ሺን ሂንቱንቱ ኦኔ?» ያጊዳ።

16 ኢታ አያናይ ዴዲያ ቢታኒ ኡንቱንቱ ቦላ ጉፒ ዋዲና፣ ኡንቱንቱ ማሱንዲዳ፣ ሄ ጎሊያፔ ካሎ ዋፃና ጋካናሲ፣ ዋልቃሚዳ ያኔዳ።

17 ኤፌሶኔን ዴዲያ አዩሁዳቱኔ አዩሁዳ ጊዴናዋንቱ ኡባይ ሄዋ ሲሲዳ ኡባይ ዳሮ ያዬዲኖ፤ ጎዳ ዬሱሳ ሱንሳይካ ዳሮ ቦንቼቱዳ።

18 አማኒያዋንቱፔ ጮራ አሳቱ ባሬንቱ ኦሴዳዋ ፓዲዲኔ ቆንጪያን ኦዲዳ ዩኖ።

19 ቢቲያዋንቱፔ ጮራቱ ባሬንቱ ማፃፋቱዋ ሺሺዳ፣ አሳ ኡባ ሲንሳን ጉዴዲኖ፤ ሄ ማፃፋቱዋ ጋቲያ ሄቲያ ዋዳ፣ አሻታሙ ሻዓ ቢራ ሳንቲሚያ ጊዴዳ።

20 ሄዋ ማላ ዋልቃማ ኦጊያን ያሳ ቃላይ ዲጩኔ አኩ።

ኤፌሶኔ ካታማን ዋላሳይ ዴንዴዳ

21 ሄዋ ፖሎቲዳዋፔ ጉዩያን ጳውሎሲ፣ «ታኒ ዬሩሳላሚ ባዴ ሮማካ ቃሲ ቤዓናው ቤሴ» † ያጊዳ፣ ማቂዶኒያናኔ አካዩያና አዲዳ፣ ዬሩሳላሚ ባናው ቆፋ ቃቼዳ።

22 ቃሲ ባሬና ማዲያዋንቱፔ ላዓቱዋ ዪዋቶሳኔ ኤራሰያሳ ማቂዶኒያ ኪቲዳ፣ ባሬው ኢሲያን አማራዳ ዋዲያ ጋሚዔዳ።

23 ጎዳ ኦጊያ ዲራው፣ ሄ ዋዳ ዳሮ ዋላሳይ ኬሴዳ።

24 አዩሲ ጎፔ፣ ፃጋራ ቢራ ሙሺሲዳ ቲጊ ሜዲያ ዲሜዲሮሳ ጊያ ኢቱ ቢታኒ አርፃሚሲ ጌሻ ጎሊያ ሚሲሊያ ቢራፔ ቲጊ ቲጊዳ፣ ኦሳንቻቱዋሲ ዳሮ ዋዲያ ዴዳ።

† 19:21 ጳውሎሲ ሄዋ አያና ጌሻን ካሊሴቲዳ ሃሳዬዳዋ።

25 ሄዋንታኔ እንቱንቱዋ ማላ ኦሱዋ ኦሊያዋንታ ኢቲፔ ሺሺዳ፣ ሃዋዳን ያጌዳ፤ «አሳው፥ ኑ ዲሬቴላይ ሃ ኦሱዋና ጊዲያዋ ሂንቱ ኤሪታ።

26 ሄዋ ጳውሎሲ፥ ላሳ ኩሺ ሜዴዳዋንቱ ያሳቱዋ ጊዲኪኖ) ያጌዳ፥ ኤፌሶኔ ፃላላን ጊዳናን አማራዳ ጋዳቱዋፔ አቲን፥ ኢሲያን ኡባን ጮራ አሳሲ ኦዲ አማንሌዳዋ ሂንቱንቱ ቤዔዲታኔ ሲሴዲታ።

27 ሎዔናባይ፥ ኑ ኦሱ ካዴታናዋ ፃላላ ጊዳና፤ ሺን ኢሲያን ዳዒያ ኡባቱኔ ሳዓ ኡባን ዳዒያዋንቱ ጎዩኒያ ዋልቃማ ያሳቶ ጌቲቲያ አርፄሚሲ ጌሻ ጎሊ ቦንቼቴናን አታናዋ፤ ኢዚ ዳርቴላይ ኩንዳናዋ» ያጌዳ።

28 አሳይ ሄዋ ሲሴዳ ዋዴ ሎይሳ ሃንቄቲዳ «ኤፌሶኔ አርፄሚሳ ዋልቃማ» ያጌዳ ጫቦቴዲኖ።

29 ካታማ ኡባን ዋላሳይ ዴንዳዳ፤ ጳውሎሳና ሃሜቲያ ማቂዳኒያ አሳቱዋ ጋዮሳኔ አሪሰዲርኮሳ ባሬንቱና ኦይቂ አኪዳ፥ ኢቲፔ ካሳ ሳዓ ዋዴዲኖ።

30 ጳውሎሲካ አሳይ ሸቄዳሳ ጌላናው ኮዬዳ። ሺን ካሊያዋንቱ አ ዲጌዲኖ።

31 ኢሲያ ጋዲያ ካፓቱዋፔ ጳውሎሳ ላጌላቱዋፔ ኢቲ ኢቲ ጳውሎሳው ኪቲዳ፥ ካሳ ሳዓን ቆንጩያ ኬሲዳ ኢ ቤቴና ማላ፥ አ ዋሴዲኖ።

32 ሸቄዋን ዋላሳይ ዴንዲና፥ ዳሪያ ባጋ አሳይ ሃራይ አቶ አዩሲ ሸቄዳንቶ ኤሬና ዲራው፥ ኢቲ ኢቲባው ዋላቄቲያ ዋዴ፥ ዮኩ ቃይ ሃራባው ዋላቄቲ።

33 አዩሁዳቱ ኢሰኪንዲራ አላ ቤሲና፥ ኢቲ ኢቲ አሳይ ኢ ሃሳያና ማላ፥ አሳ ጊዶፔ ሲንላው አ አሌዳ፤ አሳይ ጮው ጋና ማላ፥ ኢ ባሬ ኩሺያን ያርሲ ቤሲዳ፥ አሳሲ ሞቲታናው ኮዬዳ።

34 ሺን ኢሰኪንዲራ አዩሁዳ አሳ ጊዳዳዋ አሳይ ኤሬዳ ዋዴ፥ ላው ሳቲ ጊዲያዋ ኬና ኡባይ ኢቲ ቃላን፥ «ኤፌሶኔ አርፄሚሳ ዋልቃማ» ያጌዳ ጫቦቴዲኖ።

35 ካታማው ፃፊ ጊዳዳዋ አሳ ጮው ኦሊዳ፥ ሃዋዳን ያጌዳ፤ «ኤፌሶኔ አሳው፥ ኤፌሶኔ ካታማይ ዋልቃማ አርፄሚሲሴኔ ሳሉዋፔ ዋዴዳ ኤቃ ሹቻሲ ኤቃ ጎሊያ ናጊያዋ ጊዳዳዋ ኤሬና አሳይ ኦኔ?

36 ሃዋ ካዲያ አሳይ ባይና ዲራው፥ ሂንቱንቱ ዋፑ ጋናዉኔ ዲርቤናን አጋናው ቤሴ።

37 አዩሲ ጎፔ፥ ሃዋንቱ ጌሻ ጎሊያ ሚሻ ዉዲቤናዋንታ ኑ ያሳቱዋካ ቦሪቤናዋንታ አሄዲታ።

38 ሄዋ ዲራው፡ ዲሜዲርሲኔ አናና ዳዒያ አሳንቻቱ አሳ ሞታናው ኮዮፕ፡ ፒርዳ ጎሊ ዶያ ዳዒ፤ ቃሲ ጋዲያ ሞዲያዋንቱካ ዳዒኖ፤ ኡንቱንቱ ባሪንቱ ገደን ሞቴቲኖ።

39 ሺን ሂንቱ ሃራ ዬዉዋ ኮዮፕ፡ ሂጊያ ሺቁዋን ዬዉዋ ቃቻና።

40 አዪሲ ጎፔ፡ ሃቼ ሃኔዳዋ ሻቢራላ ገዴ፡ ሮሜ ጋዲያ አሳቱ ኑና ሞታና፤ ሃ ሺቆካ ጋሱ ባዪና ዲራው፡ ኑኒ ጋሱዋ ኦዳናው ዳንዳዮኮ»

41 ያገዴ ሺቁዋ ላሌዳ።

20

ጳውሎሲ ማቂዶኒያኔ ገሪኬ ቤዳ

1 ዋላሳይ ኢርፄዳዋፕ ጉዪያን፡ ጳውሎሲ ካሊያዋንታ አሂሲዴ ዘሪዳ፤ ኡንቱንታ፡ «ሳሩዋን ዳዒቱ» ገዴ፡ ማቂዶኒያ ባናው ኬሴዳ።

2 ሄ ጋዲያና አጁዴ፡ ቃላ ኦዲዴ፡ አሳ ሎይሊ ሚኒሴዳዋፕ ጉዪያን፡ ገሪኬ ጋዴ ዬዳ።

3 ኢ ሄዋን ሄዙ አጌና ኡቲዴ፡ ማርካቢያን ሶሪያ ባናው ቆፒሺን፡ አዪሁዳቱ ባሪና ዎጳናው ኮዪያዋ ቤዒዴ፡ ማቂዶኒያና ጉዬ ሲማናው ባሪ ቆፋ ቃቼዳ።

4 ጳውሎሳ ሞዪዜዳዋንቱ፡ ቤሪያፕ ጳሪሃሳ ናዓ ሶሲጳዲርሳ፡ ቱሴሎንቄፕ አሪሰዲርኮሳኔ ሲኮንዲሳ፡ ዳርቤፕ ጋዮሳኔ ኢሲያፕ ቱከቆሳኔ ዲሮፊሞሳ፡ ቃሲ ዲሞቶሳ።

5 ሄዋንቱ ሲንጻው ቤዴ፡ ኑና ዲሮዳን ናገኖ።

6 ኑኒ ኡከላ ባላ ጋላሳ ቦንቾዋፕ ጉዪያን፡ ፒሊጲሲዮሳ ገያ ጋዲያፕ ማርካቢያን ዳንዲዴ፡ ኢቼሹ ጋላሳን ዲሮዳን ኡንቱንታ ጋኪዴ፡ ያኒ ላፑ ጋላሳ ኡቴዶ።

ጳውሎሲ ዲሮዳ ቤዳ

7 ኑኒ ዎጋ ጋላሲ * ኡከላ ሜንጻናው ሸቂዳዒሺን፡ ጳውሎሲ ዋንቲና ባናው ቆፕዳ ዲራው፡ ኡንቱንቶ ቃላ ኦዲዴ፡ ቃማ ቢላሂ ጋካናው ዬዉዋ አዲሴዳ።

8 ኑኒ ሸቂ ኡቴዳ ፖቂያን ጮራ ዎሞፒ ዳዒ።

9 ኤዉዲኮሳ ገያ ኢቲ ዎዳላይ ማሰኮቲያ ቦላ ኡቲዴ፡ ዳሪሲ ገሚዒሹዳ፡ ጳውሎሲ ሃሳያ አዲሴዳ ዎዴ፡ ኤዉዲኮሲ ገሚዒሹዋን ሃይራዳዋ ሄዜንሊያ ፖቂያፕ ሳዓን ኩንዲዴ ሃይቄዳዋ አሳይ ዳንጮዳ።

* 20:7 ዎጋ ጋላሲ፡ ግሪኪያ ማፃፋን፡ ሳሞባታቱዋፕ ኢቱዋን ያጌ።

10 ሺን ጳውሎስ ዋዲዳ፣ አ ቦላ ጉፋኔዳ። አ ኢዲሚዳ፣ «አ ሸምቸ ከሲቤና ዲራው ሂርጎፕቱ» ያጌዳ።

11 ያቲዳ ፑዳ ፖቂያ ከሲዳ፣ ኡኪላ ማንሲዳ ማዳ፤ ሳዓይ ዋንታና ጋካናሲ፣ ዳር ዋዲያ ሃሳዬዳዋ፤ ጉዲያን ቤዳ።

12 ዋዳላይ ፓዲና፣ ሶይ አፊዳ፣ ዳሪሲ ናሽቴዲና።

ጳውሎስ ዓርዳፍ ማሊዳ ቤዳ

13 ሺን ጳውሎስ ባሬና ያፔ ኑኒ ሞካና ማላ፣ ኑሲ አዳዳ ዲራው፣ ካሴቲዳ ማርካቢያኮ ቤዳ፣ አሶሳ ባናው ዴንዳዳ፤ አዲሲ ጎፔ፣ ጌዲያን ባናው ኢ ቆፔዳ ዲራው ኑና ሄዋዲን አዛዜዳ።

14 ኢ ኑናና አሶሳን ጋከቲና፣ ማርካቢያን አ አኪዳ ማዲሊኔ ዩዶ።

15 ዋንቲላ ጋላሲ ያፔ ማርካቢያን ዴንዲዳ፣ ኪዮሳ ሄራ ጋከዶ፤ ቃሲ ዋንቲላ ጋላሲ ሳሞሳ ፔኔዶ፤ ቲሮጊሊዮሜን አቂዳ፣ ዋንቲና ማሊዳ ዩዶ።

16 አዲሲ ጎፔ፣ ጳውሎስ ኢሲያን ዳሪ ጋሚዳናን ኤፊሶኔ ለንቂያና አቆናው ባሬ ቆፋ ቃቹዳ፤ ባሬው ዳንዳዬቶ፤ ጳንዌቆስቲ ጌቴቲያ ጋላሲ ዩሩሳላሜ ጋካናው ኤሌሌ።

ጳውሎስ ኤፊሶኔ ጨማቶ ወርሴላ ሃሳያ ሃሳዬዳ

17 ጳውሎስ ማሊዳ፤ ኤፊሶኔ ከቲዳ፣ አማኒያ አሳ ካሌሊያዋንታ ያጊሴዳ።

18-19 ዋሳ ጎሌ ጨማቱ ጳውሎሳኮ ዩና፣ ኡንቲንታ ኢ ሃዋዲን ያጌዳ፤ «ታኒ ኢሲያ ጌሌዳ ኮይሮ ጋላሳ፤ ዶሚን፣ ካወሻቲላኒኔ ዳር አፎላኒ ጎዳሲ ኦላዳ፣ አዲሁዳቲዋ ሸቁዋ፤ ታና ጋከዳ ፓጩ ጊዳዳ ዋዲያ ኡባን ሂንቲንቲና ዋናዳ ዴዓዲታንቶ ሂንቲንቲ ኤሪታ።

20-21 ናጋራፔ ያሳኮ ሲሚያዋኔ ኑ ጎዳ ዩሴሲ ኪሪስቶሳ አማኒያዋ አዲሁዳቲዋሲኔ አዲሁዳ ጊዳናዋንቶ ማርካታዳ፣ ሸቁዋንካ ሂንቲንቲ ጎሌን ጎሌንካ ሂንቲንቶ ኦዳዳ ታማሪሴዳዋ፤ አቲን፣ ሂንቲንታ ጎሊያባ፤ አቲባኔ ፓጩሳ ቤይኬ።

22 «ቤዲቲ፤ ሃዲካ ታኒ ጌሻ አያናሲ አዛዜታዳ፣ ዩሩሳላሜ ባይ፤ ያኒ ታው አዩ ከሳኔንቶኔ ኤሪኬ።

23 ጌሻ አያናይ ቃሹኔ ዋዩ ታና ናጊያዋ ካታማ ኡባን ታው ኦዳ።

24 ሺን ታ ዋላ ፖላናወኔ ጎዳ ዩሴሲ ኪሪስቶሳ፤ ታኒ አኬዳ ኦሶብ ያሳ አቶ ከካቲላ ዋንጋላ ሚሺራቹዋ ማርካቲያዋ ፖላናው፣ ታ ሸምቸዋ ማዴናዋዳን ፓይዳይ።

25 «ቤዒቲ፤ ታኒ ሃዒካ ሶሳ ካዉቲላባ ኦዳዳ፡ ሂንቴንቱ ኡባ ጊደን ዩያዲ፤ ሲሚ ሃዋፔ ሲንላው ሂንቴንቱፔ ኦኒኔ ታና ቤዒናዋ ኡራይ።

26 ሄዋ ዲራው፡ ሂንቴንቱፔ ኢቲ ኡራይ ባዮፔካ ታኒ ሄዋን ጌሌናዋ ሃቼ ሂንቴንቶ ጌሻዳ ኦዳይ።

27 አዩሲ ጎፔ፡ ሶሳይ ኦላናው ቆፔዳዋ ኡባ ሂንቴንቶ አይኔ አሽናን ኦዳዲ።

28 «ዬሱሲ ባሬ ሱላን ዎዜዳ ሶሳ አማኒያዋንታ ናጊቲ፤ ቃሲ ጌሻ አያናይ ሂንቴንታ ካፓቱዋ ኦሊዳ ሱንጮዳ ዉዲያ ኡባኔ ሂንቴንቱ ሁጲያ ናጊቲ።

29-30 ታኒ ቤዳዋፔ ጉዩያን፡ ዉዲያሲ ቃሬቲና ኢታ ዎራካናቱ ሂንቴንቱ ጊደ ጌላናዋንታኔ፡ ካሊያዋንታ ባሬንቱ ጌዲዋ ካሌላናው ዎርዲዋ ሃሳዩያ አሳቱ ሂንቴንቱ ጊደፔ ዴንዳናዋ ኡራይ።

31 ሄዋ ዲራው፡ ታኒ ሄዙ ላይላ ቃማኔ ጋላሳ አፎላኒ ሂንቴንታ ሁጲያን ሁጲያን ሚኒሲያዋ አጋቤናዋ ቆፒዳ ጌንጨቲ።

32 «ሃዒካ ሂንቴንታ ሚኒሳናዉኔ ጌሻ አሳ ኡባ ጊደን ላቲሳናው ዳንዳዩያ ሶሳሲኔ አ አጵ ከካቴላ ቃላሲ ሂንቴንታ ሃዳራ አማይ።

33 «ታኒ ኦፔኔ ቢራ ዎይ ዎርቃ ዎይ ማዩዋ አዎታቤይኪ፤

34 ታኒ ሃ ታ ኩሽያን ታናኔ ታናና ኢቲፔ ዴዒያዋንታ ኮሼዳዋ ኦሊዳዋ ሂንቴንቱ ሂንቴንቱ ሁጲው ኡሪታ።

35 ሂንቴንቱ ሃዋዳን ዳቡሪ ኦሊዳ፡ ዳቡራንቻቱዋ ማዳናሲኔ ጎዳ ዬሱሲ ባሬ ሁጲው፡ (አኪያዋፔ አሚያዌ አንጃቲዳዋ) ጌዳዋዳን፡ አ ቃላ ሂንቴንቱ ዎዛና አላናው ቤሲያዋ ታኒ ጮራ ኦጊያን ሂንቴንታ ቤሳዲ» ያጌዳ።

36 ጳዉሎሲ ሄዋ ሃሳይ ዉርሲዳ፡ ኡንቱንቱ ኡባና ኢቲፔ ጉልባቲዳ፡ ሶሳ ዎሴዳ።

37 ኡንቱንቱ ኡባይ ጳዉሎሳ ኢዲሚዳ፡ ዩኪዳ ዩሬዲና።

38 ኡባፔ ኢ፡ «ታና ላዒሉዋ ኡባካ ቤዒኪታ» ያጌዳ ቃላይ ኡንቱንታ ዳሮ ቃሬሊና ማርካቢያ ጋካናው አ ሞዩዜዲና።

21

ጳዉሎሲ ዩሩሳሌሚ ቤዳ

1 ኦኒ ኡፌሶኔ ጨማቱዋፔ ሻኬቲዳ፡ ቆሳ ጌቲቲያ ሃላን ደዴቶ ሳዓ ዩ አጌደ፤ ዎንቲሳ ጋላሲ ሮዳ ጋኬደ፤ ሄዋፔ ጳጲራ ቤደ።

2 ፒንቄ ፒኒያ ማርካቢያ ዳሚዳ፡ አኒ ጌሊዳ ባናው ዴንደድ።

3 ኑኒ ቆጶሮሳፕ ለዓናው ዳንዳዪያሳ ዪዳ፡ አዋይ ኬሲያሳ ጻሊያ ዋዴ ቆጶሮሳ ሃዲርሳ ባጋ ዬጊዴ፡ ሶሪያ ለደ፤ ሄዋፕ ጉዪያን ጻሮሳ ጋኬደ፤ አዪሲ ሳፕ፡ ማርካቢ ባሬ ጫና ጻሮሳን ዋሏ።

4 ያኒ ካሊያዋንታ ዴሚዴ፡ ኡንቱንቱና ላፑ ጋላሳ ኡቲደ፤ ጳዉሎሲ ዬሩሳላሜ ለና ማላ፡ ኡንቱንቱ አው አያናን ኦዴዲኖ።

5 ኑኒ ኡንቱንቱና ኡቲያ ዋዲ ዉሪና፡ ኬሲዴ ለደ፤ ኡንቱንቱ ኡባቱ ባሬንቱ ማጫዋንቱናኔ ባሬንቱ ናናና ኢቲፕ ካታማፕ ካሬው ኬሳና ጋካናሲ፡ ኑና ሞዪዜዲኖ፤ ኑኒ አባ ዶናን ጉልባቲዴ፡ ያሳ ዋሴደ።

6 ሄዋፕ ጉዪያን፡ ኢቱ ኢቱዋ ሳርቲዴ፡ ማርካቢያን ጌሌደ፤ ኡንቱንቱ ባሬንቱ ሶይ ሲሚዲኖ።

7 ኑኒ አባ አጊያ ዉርሲዴ፡ ጻሮሳፕ ጳዳሌማይሴ ጋኬደ፤ ኢሻቱዋ ሳርቲዴ፡ ኡንቱንቱ ማታን ኢቲ ጋላሳ ፔሺደ።

8 ዋንቲሳ ጋላሲ ኬሲዴ፡ ቁሳሪያ ለደ፤ ዋንጋላ ሚሺራቹዋ ኦዲያ ፒሊጶሳ ሶይ ጋኪዴ፡ አ ማታን ኡቲደ፤ ዬሩሳላሜን ዶሬቲዳ ላፑናቱዋፕ ኢ ኢቱዋ።

9 ፒሊጶሳሲ ናባቱዋ ጊዴዳ ኦይዲ ዋደሮ ማጫ ናናቱ ዴዲኖ።

10 ኑኒ ኡንዴኔዳ ጋላሳ ኡቲዳ ዋዴ፡ ናቢያ አጋሶሳ ጊያ ቢታኒ ዪሁዳፕ ቁሳሪያ ዬዲ።

11 ኑኮ ዪዴ፡ ጳዉሎሳ ሳቂያ አኪዴ ባሬ ኩሺያኔ ባሬ ጌዲያ ቃቺዴ፡ «ጌሻ አያናይ ጊያዌ ሃዋ፤ ሃ ሳቂያ ጎዳ ዬሩሳላሜን አዪሁዳቱ ሃዋዳን ቃቺዴ፡ አዪሁዳ ጊዴና አሳቱዋሲ አሏዴ ኢማና» ያጌዳ።

12 ኑኒ ሄዋ ሲሴዳ ዋዴ፡ ኑኒኔ ያኒ ዴዲያ አሳቱ ጳዉሎሲ ዬሩሳላሜ ለና ማላ ዋሴደ።

13 ሺን ጳዉሎሲ ዛሪዴ፡ «ሂንቱንቱ ዬኪዴኔ ታ ዋዛና ቃሬቲሲዴ ዋኒቲ? ታኒ ጎዳ ዬሱሳ ሱንሳ ዲራው ቃሺታናዋ ፃላላ ጊዴናን፡ ሃራይ አቶ ዬሩሳላሜን ሃይቃናዉካ ጊጋ ኡታዲ» ያጌዳ።

14 ዛሪያ ኢ አኬናን ኢጻና፡ «ጎዳይ ጌዳዌ ሃና» ያጊዴ ጮው ጌድ።

15 ያኒ አማራዳ ዋዲያ ጋሚዔዳዋፕ ጉዪያን፡ ጊጌቲዴ ዬሩሳላሜ ባናው ኬሴዳ።

16 ቁሳሪያን ዴዲያ ካሊያዋንቱፕ አማራዳዋንቱ ቃሲ ኑናና ለዲኖ፤ ኡንቱንቱ ኑኒ አቃናሳ ሚናሶና ጊያ ቆጶሮሳ ቢታኒያ ሶይ ኑና አፊዲኖ፤ ሚናሶኒ ዳሮ ዋዲያፕ ደሚዴ ካሊያዋ።

ጳዉሎሲ ዬሩሳላሜን ያዪቆባ ኦቹዳ

17 ኑኒ ዬሩሳላሜ ጋኬዳ ዎዴ፣ ኢሻቱ ኑና ናሼቻን ሞኬዲኖ።
 18 ዎንቲሳ ጋላሲ፣ ጳውሎሲኔ ኑኒ ያዩቆባና ጋኬታናው ቤድ።
 ዎሳ ጎሌ ጨማቱ ኡባቱካ ዴዲኖ።

19 ጳውሎሲ ኡንቱንታ ሳሮቱዳዎፔ ጉዩያን፣ አዩሁዳ ጊዴና አሳ ጊዴን ባሬ ባጋና ያሳይ ኦሴዳዎ ኡንቱንቶ ወርሲዴ ኦዴዳ።

20 ኡንቱንቱ ሄዎ ሲሴዳ ዎዴ ያሳ ጋላቲዴ፣ ጳውሎሳ ሃዎዳን ያጌዲኖ፤ «ኑ ኢሻው፣ አዩሁዳቱዎ ጊዴን ያሳ አማኔዳዎንቱፔ ኣቸን ሻዓይ ዴዲኖንቶ ቤዓሳ፤ ኡንቱንቱ ኡባይ ሂጊያ ሚኒሲ ናጊኖ።

21 ዬሩሳላሜ አዩሁዳቱ፣ አዩሁዳ ጊዴናዎንቱ ጋዲያን ዴዲያ አዩሁዳ ኡባቱ ባሬንቱ ናና ቃፃሬና ማላ፣ ዎይ አዩሁዳቱ ኦሴያዎ ካሌና ማላ፣ ሙሴ ሂጊያካ ባዩዛና ማላ ኔኒ ታማርሲያዎ ሲሴዲኖ።

22 ያቲና፣ አዩ ሎዑ? ኔኒ ዬዳዎ ጮራቱ ሲሲያ ዲራው፣ ሽቄናን ኣጊኪኖ።

23 «ሄዎ ዲራው፣ ሃዎ ኑኒ ኔው ኦዲያዎ ኦላ፤ ኢቲፔ ሽቄ ዴዲያ ኦይዲ አሳቱ ኑ ማታን ዴዲኖ።

24 ኡንቱንታ አካዴ ኡንቱንቱና ጌያ፤ ቃሲ ኡንቱንቱ ባሬንቱ ሁጺያ ሜዴታና ማላ፣ ኡንቱንቶ ሚሻ ኢማ፤ ኡንቱንቱ ኡባይ ኔዎ ሲሴዳዎ ቱማ ጊዴናዎኔ ኔኒ ኔ ሁጺዉካ ቃሲ ሙሴ ሂጊያ ናጋዴ ማራን ዴዲያዎ ኤራና።

25 «ሺን አማኔዳ አዩሁዳ ጊዴና አሳቱዎ ጊዶፔ፣ ኡንቱንቱ ኤቃው ያርሹዳዎ ሜና ማላኔ ሱላ ኡሹና ማላ፣ ባኩቴዳ ሜሂያ አሹዎ ሜና ማላኔ ዎሹሜና ማላ፣ ኑኒ ዬዉዎ ቃቲዴ፣ ኡንቱንቶ ዳቢዳቢያ ፃሬድ» ያጌዲኖ።

26 ሄዎፔ ጉዩያን፣ ጳውሎሲ ዎንቲሳ ጋላሲ አሳቱዎ ኣኪዴ፣ ኡንቱንቱና ጌዬዳ፤ ኢ ባሬንታ ጌሹሳ ኣዉዴ ፖሊንቶ ኤሪሳናዉኔ ቃሲ ያርሹዎ ሁጺያን ሁጺያን ኣዉዴ ኢማኔንቶ ኤሪሳናው ጌሻ ጎሊያ ጌሌዳ።

ጳውሎሲ ጌሻ ጎሊያን ኦይቄቱዳ

27-28 ላቸ ጋላሳይ ዉራና ሃኖዴ፣ ኢሲያፔ ዬዳ አዩሁዳቱ ጌሻ ጎሊያን ጳውሎሳ ቤዲዴ፣ አሳ ኡባ ሃንቄሊዴ፣ «ኢሰራዔሊያ አሳው፣ ኑና ማዲቲ፤ ኢሰራዔሊያ አሳ፣ ሙሴ ሂጊያኔ ሃ ጌሻ ጎሊያ ኢዲዴ፣ ኡባሳን አሳ ኡባ ታማሪሲያዎ ሃ ቢታኒያ፤ ጉጂዴ ቃሲ ጊሪኬ አሳካ ጌሻ ጎሊያ ጌሊሲዴ፣ ሃ ጌሻ ሳዓ ቱኒሴዳ» ያጊ ዋሲዴ፣ ጳውሎሳ ኦይቄዲኖ።

29 ኡንቱንቱ ካሴ ኤፌሶንን ዳዒያ ደርጋዎሳ ጳውሎሳና ካታማን ቤዔዳ ዲራው፣ ጌሻ ጎሊያ ጳውሎሲ ኣ ጌሊሴዳዋ ኡንቱንቶ ማላቲዳ።

30 ካታማ ኡባይ ሻቢሬቲዳ፤ ኣሳይ ኡባይ ሸቂዳ ጳውሎሳ ኦይቂዳ፣ ጌሻ ጎሊያ፣ ካሬው ጎቲ ኬሴዳ፤ ሄ ማንዒያንካ ጌሻ ጎሊያ ፔንጌቱ ቃሼቲ ኣጌዲና።

31 ኣሳይ ጳውሎሳ ዋቋና ሃኒሺን፣ «ዬሩሳላሜ ካታማይ ሙሌካ ሻቢሬቲዳጌዳ» ጊያ ሃሳያይ ሮሜ ጋዲያ ኦላ ካፑዋሲ ጋኬዳ።

32 ሄ ኦላ ካፑ ዋታዳራቲዋን ቃታቲዋ ካፓቲዋ ኢቲፔ ኣኪዳ፣ ዋዒዳ ኣሳ ቦላ ኬሲ ዋቋዳ፤ ኣሳይ ኦላ ካፑዋን ዋታዳራቲዋ ቤዔዳ ዋዳ፣ ጳውሎሳ ሾጪያዋ ባሺ ኣጌዳ።

33 ሄ ዋዳ፣ ሄ ኦላ ካፑ ሸቂ፣ ጳውሎሳ ኦይቂዳ፣ ላዑ ሳንላላታን ቃሼታና ማላ ኣዛዚዳ፣ ኢ ኦኔንቶኔ ቃሲ ኣያ ኦሌዳንቶኔ ኣሳ ኦቹዳ።

34 ኣሳፕ ባጋይ ኢቲባው ዋሲያ ዋዳ፣ ባጋይ ሃራባው ዋሴ፤ ዋሱ ጮራዳ ዲራው፣ ኦላ ካፑዋሲ ቲሙዋ ኤራናው ዳንዳዬቲናን ኢዲና፣ ዋታዳራቲ ጳውሎሳ ባሬንቲ ዳዒያሳ ኣፋና ማላ፣ ኡንቱንታ ኣዛዚዳ።

35 ዬቋዳ ኬሲያ ዳላ ጳውሎሲ ጋኬዳ ዋዳ፣ ኣሳ ሱጌላ ዲራው፣ ዋታዳራቲ ኣ ቶኬዲና።

36 ኣዪሲ ጎፔ፣ ጮራ ኣሳይ፣ «ኣ ዋቋ!» ያጊዲኔ ዋሲዳ ካሌ።

ጳውሎሲ ሞቲዋሲ ዛሩዋ ኢሜዳ

37 ዋታዳራቲ ጳውሎሳ ባሬንቲ ዳዒያሳ ኣፋና ሃኒሺን ጳውሎሲ ኦላ ካፑዋ፣ «ታኒ ኔው ኢቲባ ኦዶ?» ያጌዳ።

ሄ ኦላ ካፑ ጳውሎሳ፣ «ኔኒ ጊሪኬ ቃላ ኤራይ?»

38 ኔኒ ሃዋፔ ካሴ ዋዳ፣ ዋላሳ ኬሳዳ ሸምፑዋ ዋቋዳዋንቲፔ ጌዲዲ ሻዓ ኣሳቲዋ ኣሳይ ባይና ማላ ሳዓ ካሌሌዳ ጊብዜ ቢታኒያ ጊዲኪ?» ያጌዳ።

39 ሺን ጳውሎሲ፣ «ታኒ ኣዪሁዳ ኣሳ፤ ቃሲ ኪልቂያን ዳዒያ ዪርሴሴን ዬሌቲዳ ሁጳ ካታማን ዳዒያ ኣሳ። ሃያና ታና ኣሳሲ ሃሳዪሳሪኪ!» ያጌዳ።

40 ኦላ ካፑ ኣ፣ «ሃሳያ» ያጊና፣ ጳውሎሲ ዬቋዳ ኬሲያ ዳላን ኤቂዳ፣ ኣሳይ ጮው ጋና ማላ፣ ባሬ ኩሺያን ኣሳኮ ያርሴዳ። ኣሳይ ጮው ጊና፣ ኢብራዪሰዜ ቃላን ሃሳዪዳ፣ ሃዋዳን ያጌዳ።

22

1 «ታናዳን አማኒያዋንቶ፣ ታ አዋቶ፣ ታኒ ሃዒ ሂንቴንቶ ኦዲያ ዬወዋ ሲሲቴ!»

2 ጳውሎሲ ኡንቴንቶ ኢብራዩስፄ ቃላን ሃሳዩያዋ ሲሲዴ፣ ካሴፔ ሎይሊ ጮዑ ገና ኢ ሃዋዳን ያጌዳ።

3 «ታኒ ኪልቂያን ዳዒያ ፃርሴሴን ዬሌታዴ፣ ሃ ካታማን ጋማሊያሊ ታና ታማሪሲና ዲጫዴ፣ ኑ አዋቱዋ ሂጊያካ ማኒሳ ታማራዴ፣ ሃቼ ሂንቴ ኡባይ ሃኒያዋዳንካ፣ ታኒ ያሳ ዬወዋሲ ሴሌቴያ አዩሁዳ እሳ።

4 ታኒ ማጫ አሳኔ አቱማ አሳ ኦይቃ ኦይቃዴ ቃሾ ጎሌን ዬጌዳ አሳኔ፣ ሃ ኦጊያ ካሊያ አሳ ዋዲሳና ጋካናሲ ሜቶሌዳ አሳ።

5 ሃዋዳንካ፣ ቃሲ፣ ቁሳቱዋ ኡባቱዋ ካፑኔ ጨማ ኡባ ሺቁ ታዋ ማርካታናው ዳንዳዬ፤ ታኒ ዳማሰቆን ዳዒያ ኡንቴንቱ አሻቱዋ አዩሁዳቱዋሲ፣ ኡንቴንቱፔ ዳቢዳቢያ አካዴ፣ ሄዋን ዳዒያ አሳቱ ቃሹቴዴ ሙሬታናዳን፣ ዬሩሳላሜ ኡንቴንታ አሃናው ያ ባዲ።

ጳውሎሲ ኪሪስቶሳኮ ሲሜዳ ባሬ ሲማባ ኦዴዳ (ኪት 9:1-19፤ 26:12-18)

6 «ታኒ ባዴ ዳማሰቆ ማቴዳ ዋዴ፣ ሴታ ጋላሳ ጊዲሺን፣ ቆፔናን ሳሊዋፔ ዋልቃማ ፖዑ ታ ማታን ዩዩ አዲዴ ፖዒዳ።

7 ታኒ ሳባን ኩንዳ ኡታዴ፣ ሳዖላ፣ ሳዖላ፣ ታና አያው ዬዴርሳይ?» ጊያ ቃላ ሲሳዲ።

8 «ታኒ ዛራዴ፣ ታ ጎዳው፣ ኔኒ ኦኔ?» ያጋዲ።

«ሄዋፔ ጉዬ፣ ታኒ ኔኒ ዬዴርሲያ ናዚሬቴያ ዮሴሳ» ያጌዳ።

9 ታናና ኢቴፔ ዳዒያዋንቱ ፖዑዋ ቤዒዴ ያዬዲኖ፤ ሺን ታው ሃሳዩያዋ ቃላ ሲሲቤይኪኖ።

10 « ታ ጎዳው፣ ታኒ አያ ኡዶ?» ያጋዲ።

«ጎዳይ ታና፣ ሳንዳዴ ዳማሰቆ ባ። ኔኒ ኦላናው ያሳይ ቆፔዳ ኡባባይ ኔው ያኒ ኦዴታናዋ» ያጌዳ።

11 ሄ ዋልቃማ ፖዑዋ ዲራው፣ ታ አይፊ ቆቂና፣ ታናና ዳዒያ አሳቱ ታ ኩሺያ ኦይቂዴ፣ ታና ጎቹና፣ ዳማሰቆ ጋካዲ።

12 «ዳማሰቆን ዳዒያ አዩሁዳ ኡባይ ሎይሊ ቦንቹያ ኢቲ ሃናኒያ ጊያ ቢታኒ፣ ኑ ሂጊያሲ አዛዜቴዴ፣ ያሳው ኢሜቴዳ አሳ።

13 ሃናኒ ታኮ ዩዴ፣ ታ ማታን ኤቂዴ ታና፣ ታ ኢሻው ሳዖላ፣ ፃላ ያጌዳ። ታኒ ሄ ዋዴ ሄ ማንዒያንካ እኮ ፃላ አጋዲ።

14 «ኢ ታና ሃዋዳን ያጌዳ፤ ት አዋቱዋ ያሳይ ኔኒ አ ቆፋ ኤራናው፣ አ ፃሎ ናባ ቤናናዉኔ አ ዶናፔካ ሃሳያ ሲሳናው ኔና ካሴና ዶሬዳ።

15 አዩሲ ጎፔ፣ ኔኒ ቤዔዳባኔ ሲሴዳባ ኣሳ ኡባ ሲንሳን ኣው ማርካታናሳ።

16 ሃዒካ ኣያው ጋሚዳይ? ዴንዳይ ፃማቂታ፤ ኣ ሱንሳ ፃሳይ፣ ኔ ናጋራፔካ ማጠቡታ። ያጌዳ።

17 «ታኒ ጉዬ ዬሩሳላሜ ሲማይ ጌሻ ጎሊያን ዎሲሺን፣ ታ ኣያናን ጊዳዲ።

18 ጎዳይ ታና፣ ሳሌላይ፣ ዬሩሳላሜ ኬሳ ኣያው ጎፔ፣ ኔኒ ታው ሃዎን ማርካቲያዎ ኣሳይ ኣከና) ያጊሺን ታኒ ኣ ቤዓዲ።

19 «ታኒ፣ ሩታ ጎዳው፣ ኣዩሁዳ ዎሳ ጎሊያ ኡባን ኔና ኣማኒያዎንታ ኦይቃይ ዎዴዳዎኔ ቃሾ ጎሊያን ዬጌዳዎ ኡንቱንቱ ኤሪኖ።

20 ኡንቱንቱ ኔ ማርካ ኢስዒፋኖሳ ዎዲያ ዎይ፣ ታኒ ሄ ዬወዎ ኤኖ ጋዲ። ቃሲ ኡንቱንቱ ማዩያን ኤቃይ፣ ኣ ዎዲያዎንቱ ማዩዎ ናጋይ) ያጌዳ።

21 «ጎዳይ ታና፣ ሩታ ኔና ኣዩሁዳ ጊዴና ኣሳኮ ሃኮሳ ኪቲያ ዲራው ባ) ጌዳ» ያጌዳ።

ጳውሎሲ ሮሜ ኣሳ ጊዲያዎ ቆንጨሴዳ

22 ጳውሎሲ ሄ ቃላ ሃሳያና ጋካናው ኣሳይ ኢ ጊያዎ ሲሴ፤ ሄዎፔ ጉዩያን፣ ባሬንቱ ኮሻ ቶቁ ኦሊዳ፣ «ሃዎ ጋዲያፔ ቆዩሳ፤ ኢ ዴዳናው ቤሴና» ያጌዲኖ።

23-24 ኡንቱንቱ ዎሲሺን፣ ባሬንቱ ማዩዎ ቦላው ኦሊሺኒኔ ባና ጫርኩዎን ላሊሺን፣ ኦላ ካፑ ዎታዳራቱ ጳውሎሳ ባሬንቱ ዴዒያሳ ኣፋና ማላ ኣዛዜዳ። ቃሲ ኣሳይ ኣዩሲ ሄዎዳን ኣቦላ ዎሴዲኖንቶ ኤራናው፣ ጳውሎሳ ሊሱዎን ሾጫና ማላ፣ ኡንቱንታ ኣዛዜዳ።

25 ሺን ዎታዳራቱ ጳውሎሳ ዳፋዎን ማኒሲ ቃቼዳ ዎይ፣ ጳውሎሲ ባሬ ማታን ኤቂዳ ፃታቱዎ ካፑዎ፣ «ሮሜ ጋዲያ ኣሳ ፐርዳይ ባይናን ሾጪያዌ ሂንቱንቶ ዎጌ?» ያጌዳ።

26 ሄዎ ፃታቱዎ ካፑ ሲሴዳ ዎይ፣ ኦላ ካፑዎኮ ቢዳ፣ «ሃ ቢታኒ ሮሜ ኣሳ። ኔኒ ኣያ ኦሳና ቆፓይ?» ያጌዳ ኦቼዳ።

27 ኦላ ካፑ ጳውሎሳኮ ሺቂዳ፣ «ኔኒ ሮሜ ኣሴ? ታው ኦዳ» ያጌዳ።

ጳውሎሲ፣ «ኤ» ያጌዳ።

28 ኦላ ካፑ ጳውሎሳው ዛሪዳ፣ «ታኒ ሃ ዛሬቴላ ዳሮ ማሻን ሻማዲ» ያጌዳ።

ሺን ጳውሎሲ፣ «ታኒ ሄ ዜሬላፔ ዬሌታዲ» ያጌዳ።

29 ሄዋ ዲራው፡ ጳውሎሳ ቢዳናው ቆፔዳዋንቱ ማንዒያን አፔ ቫኩቲ አጌዲና። ኦላ ካፑካ ጳውሎሲ ሮሜ አሳ ጊዴዳዋ ኤሬዳ ዋዴ ያዩዳ፤ አዪሲ ጎፔ፡ ሳንላላታን አ ቃሺሲ ዋሌዳ።

ጳውሎሲ አዪሁዳቱዋ ሻንጋቱዋኮ ሸቄዳ

30 ዋንቱላ ጋላሲ ኦላ ካፑ፡ አዪሁዳቱ ጳውሎሳ አዪሲ ሞቲዲኖንቶኔ ጌሺዴ ኤራናው ኮዪዴ፡ ጳውሎሳ ቢሌዳ። ያቲዴ ቄሳቱዋ ካፓቱኔ አሳይ ኡባይ ሸቃና ማላ አዛዜዳ፤ ቃሲ ጳውሎሳ ዲጌ ዋሊዴ፡ ኡንቱንቱ ሲንሳን ኤሴዳ።

23

1 ጳውሎሲ ሄዋን ሸቄዳ አሳ ጫዲ ያሊዴ፡ «ታናዳን አማኒያዋንቶ፡ ታኒ ሃቼ ጋካናዉካ ያሳ ሲንሳን ታ ዴዑዋ ኡባን ቲላ ዋዛናን ዴዒዲ» ያጌዳ።

2 ቄሳቱዋ ኡባቱዋ ካፑ ሃናኒ፡ ጳውሎሳ ዶና ባቃና ማላ፡ አ ማታን ኤቄዳዋንታ አዛዜዳ።

3 ጳውሎሲ ሄ ዋዴ አ፡ «ላ ሃ ቦሺንቻን እኩዳ * ጎዳው፡ ያሳይ ኔና ባቃና። ኔኒ ታ ቦላ ሂጊያን ፒርዳናው ኡታዴ፡ ዋጋይ ባይናን ታና ባቃና ማላ አዛዛይ?» ያጌዳ።

4 ጳውሎሳ ማታን ኤቄዳዋንቱ አ፡ «ኔኒ ያሳ ቄሳቱዋ ኡባቱዋ ካፑዋ ቦራይ?» ያጌዲና።

5 ሄዋፔ ጉዬ ጳውሎሲ፡ «ታናዳን አማኒያዋንቶ፡ ኢ ቄሳቱዋ ኡባቱዋ ካፑዋ ጊዴዳዋ ታኒ ኤራቤይኬ፤ አዪሲ ጎፔ፡ ራጌ ጋዲያ ሞዲያዋ ቦላ ኢታ ቃላ ሃሳዮፓ። ጌቲቲዴ ያሳ ማፃፋን ፃፊቲዳ» ያጌዳ።

6 ሸን ጳውሎሲ ባጋቱ ሳዲቃዋናቱዋ፤ ባጋቱ ፓሪሳዋቱዋ ጊዴዳዋ ቤዒዴ፡ «ታናዳን አማኒያዋንቶ፡ ታኒ ፓሪሳዊያኔ ፓሪሳዊያ ናዓ፤ ሃይቄዳዋንቱ ሃይቄዋፔ ዴንዳናዋንታ። ጋዴ ታኒ ናሺቻን ናጊያ ዲራው፡ ኡንቱንቱ ታ ቦላ ፒርዲና» ያጌዴ፡ ቶቄ ሐሊዴ ሃሳዬዳ።

7 ጳውሎሲ ሄዋ ያጊና፡ ፓሪሳዋቱዋ ጊደኒኔ ሳዲቃዋናቱዋ ጊደን ዋላሳይ ኬሲና፡ ሸቄዳ አሳይ ላሌቲዳ።

8 አዪሲ ጎፔ፡ ሳዲቃዋናቱ፡ «ሃይቄዳ አሳይ ዴንዳና፤ ኪታንቻይካ አያናይካ ባዋ» ያጌዲና፤ ፓሪሳዋቱ ቃሲ ላዑካ ዴዒያዋ አማኒና።

* 23:3 ቦሺንቻን እኩዳ፡ ኢቲ ኤራይ ሎዓ ማላታና ማላ ኦሱሳ፡ ሸን ጊዴና።
23:5 ኬሲ 22:28

9 ዋልቃማ ዋላሳይ ዴንዴዳ፤ ፓሪሳዋቱዋ ባጋፔ ሙሴ ሂጊያ ታማርሲያዋንቱ ዴንዲ ኤቁዴ፡ «ሃ ቢታጊያ ቦላ ኣይኔ ባላ ዴሚቤይኮ፤ ኣው ኣያናይ ዋይ ኪታንቻይ ሃሳዬናን ኣጌና» ያጊዴ ፓሉሚቴዲኖ።

10 ዋላሳይ ዳሪና፡ ኦላ ካፑ ጳውሎሳ ኡንቱንቱ ሜንጮሬላኔንቶኔ ጊ ያዪዴ፡ ባሬ ዋታዳራቱ ዋዲዴ፡ ኡንቱንቱ ጊዶፔ ኣ ኤሌካ ኬሲዴ፡ ባሬንቱ ዴዲያሳ ኣፋና ማላ ኣዛዜዴ።

11 ሄ ቃማ ጎዳይ ጳውሎሳ ማታን ኤቁዴ፡ «ጳውሎሳ፡ ኔኒ ታው ዩሩሳላሜን ማርካቲዳዋዳን፡ ሮሜንካ ማርካታናው ቤሴ፤ ማና፤ ኣይኔ ባዋ» ያጊዴ።

ጳውሎሳ ዋዳናው ኦሴቴዳ ማቁዋ

12 ዋንቲሳ ጋላሲ፡ ኣዪሁዳቱ ጳውሎሳ ዋዳና ጋካናሲ፡ ሜናዳኒኔ ኡሼናዳን፡ ጫቄቲዴ ጊጌቴዲኖ።

13 ጳውሎሳ ቦላ ሄዋ ማቄቴዳ ኣሳቱ ኦይታሙዋፔ ዳሪና።

14 ኡንቱንቱ ቄሳቱዋ ካፓቱዋኮኔ ጨማቱዋኮ ዪዴ፡ «ኦኒ ጳውሎሳ ዋዳና ጋካናሲ፡ ኣይኔ ባሬናዳን፡ ጊጌቲ ኡቴዴ።

15 ሄዋ ዲራው፡ ሂንቴንቱኔ ሺቄዳ ኣሳይ ጳውሎሳባ ጌሺዴ ቢዲያዋ ማላቲዴ፡ ኦላ ካፑ ኣ ሂንቴንቱኮ ዲጌ ዋላና ማላ ኦቹቲ፤ ኦኒ ኢ ሃ ሺቃናፔ ካሴና ኣ ዋዳናው ጊጊ ኡቴዴ» ያጊዲኖ።

16 ሺን ጳውሎሳ ሚቻቲ ናዓይ ሄ ማቁዋ ሲሴዳ ዋዴ፡ ቢዴ ዋታዳራቱ ዴዲያሳ ጌሊዴ፡ ጳውሎሳው ኦዴዳ።

17 ጳውሎሲ ጭታቱዋ ካፓቱዋፔ ኢቱዋ ጭሲዴ፡ «ሃ ናዓ ኦላ ካፑዋኮ ኣፋ፤ ኣዪሲ ጎፔ፡ ኦላ ካፑዋሲ ኢ ኦዲያዌ ዴዴ» ያጊዴ።

18 ሄዋ ዲራው፡ ጭታቱዋ ካፑ ናዓ ኦላ ካፑዋኮ ኣፊዴ፡ «ቃሽ ጎሊን ዴዲያ ጳውሎሲ፡ ሃ ናዓይ ኔው ኣዬንቶ ኦዲያባይ ዴዲያ ዲራው፡ ታና ባሬኮ ጭሲዴ፡ ኣ ኔኮ ኣሃናዳን፡ ታና ዋሴዳ» ያጊዴ።

19 ኦላ ካፑ ናዓ ኩሺያ ኦይቁዴ፡ ዲማ ጋፃ ኬሲዴ፡ «ኔኒ ታው ኦዳናባይ ኣዬ?» ያጊዴ ኦቹዳ።

20 ናዓይ ኦላ ካፑዋሲ፡ «ኣዪሁዳቱ ጳውሎሳባ ካሴፔ ሚኒሲ ኦቹያዋ ማላቲዴ፡ ኔኒ ሺቄዋ ኣ ኡቲሳናዳን፡ ኔና ዋንቲ ዋሳናው ዘሬታ ቃቹዲኖ።

21 ሺን ኔኒ ኡንቱንቱ ጊያዋ ሲሶፓ፤ ኣዪሲ ጎፔ፡ ኦይታሙዋፔ ዳሪያ ኣሳቱ ጳውሎሳ ዋዳና ጋካናሲ፡ ቁማ ሜናዳኒኔ ሃላ ኡሼናዳን፡ ጫቄቲዴ ጊሚቲ ኡቲዴ ኣ ናጊኖ፤ ኔኒ ጊያዋ ሲሳናው ሃዒካ ጊጌቲ ኡቴዴ ናጊኖ» ያጊዴ።

22 ሄዋ ዲራው፡ ኦላ ካፑ ናዓ፡ «ሃ ዬወዋ ኔኒ ታና ኤሪሴዳዋ ኦሲኔ ኦዶፓ» ያጊዴ ኦዛዜዳዋፕ ጉዪያን፡ ኦ ዬዴዳ፡፡

ጳውሎሲ ጋዲያ ሞዲያ ፊሊኪሳ ሲንላ ሺቄዳ

23 ኦላ ካፑ ጭታቱዋ ካፓቱዋፕ ላዑዋ ጭሲዴ፡ «ቂሳሪያ ባናው፡ ላዑ ጭቱ ዋታዳራቱዋ፡ ላፑን ታው ፓራ ኦይቄዳ ኦሳቱዋኔ ላዑ ጭቱ ቶራንቻቱዋ ቃማፕ ሄዙ ሳቲያን ጊሲሲፕ፤

24 ጋዲያ ሞዲያ ፊሊኪሳኮ ጳውሎሳ ሳርቴላን ጋላናው ቶጊሲያ ማሂያኔ ጊሲሲፕ» ያጊዴ፡ ኡንቱንታ ኦዛዜዳ፡፡

25 ኦላ ካፑ ሃዋዳን ጊያ ዳቢዳቢያ ፃፌዳ፡፡

26 «ቃላወዴዮሳ ሉሲዮሳፕ፤ ጋዲያ ሞዲያ ቦንቹቲዳ ፊሊኪሳ! ሳርቴላይ ኔው ጊዴ፡፡

27 ኦዩሁዳቱ ሃ ቢታኒያ ኦይቄዴ ዋጳና ሃኒሺን፡ ሮማ ካታማ ኦሳ ኢ ጊዴዳዋ ኤራዴ፡ ዋታዳራቱዋና ጋካዴ ኦ ኦሻዲ፡፡

28 ኡንቱንቱ ኦ ኦዩሲ ሞቴዲኖንቶ ኤራናው ኮያዴ፡ ዲጌ ኡንቱንቱ ሺቄዋሲ ኦ ኦፋዲ፡፡

29 ኡንቱንቱ ባሬንቱ ሂጊያባ ኢ ኦቹዳዋሲ ኦ ሞቴዳዋፕ ኦቲን፡ ኦ ዋጲሲያ ዋይ ቃሺሲያ ሞቶ ጊዴና፡፡

30 ኡንቱንቱ ሃ ቢታኒያ ቦላ ማቄቲ ኡቲዳ ዚጊሪሳይ ታና ጋኪና፡ ታኒ ሄ ማንዲያንካ ኦ ኔኮ ዬዳ ኦጋዲ፤ ኦ ሞቴያዋንቱካ ቢዴ፡ ኔ ሲንላን ሞታና ማላ ኦዳዲ፤ ሳር ዴዓ» ያጌዳ፡፡

31 ሄዋ ዲራው፡ ዋታዳራቱ ኦዛዜቲዳዋዳንካ ጳውሎሳ ኦኪዴ፡ ቃማ ኦንቲጳጻሪሳ ጋሌዲና፡፡

32 ዋንቲሳ ጋላሲ ኦናና ባና ማላ ፓራ ቶሳ ኦሳቱዋ ዋሌዴ፡ ጌዲያን ቢያዋንቱ ጉዬ ዋታዳራቱ ዴዒያሳ ሲሜዲና፡፡

33 ፓራዋንቱ ቂሳሪያ ጌሊዴ፡ ዳቢዳቢያ ጋዲያ ሞዲያዋ ኢሚዴ፡ ጳውሎሳ ኦ ሲንላ ኦሌዲና፡፡

34 ጋዲያ ሞዲያዋ ዳቢዳቢያ ናባቤዳዋፕ ጉዪያን፡ ጳውሎሲ ሃቃ ኦዉራጃ ኦሲንቶ ኦ ኦቹዳ፤ ኪልቂያ ኦሳ ኢ ጊዴዳዋ ኤራዳ ዋዴ፡፡

35 «ታኒ ኔባ ኔና ሞቴያዋንቱ ዪያ ዋዴ ሲሳና» ያጊዴ፡ ዋታዳራቱ ሄርዲሳ ካዉቲላ ሳሌን ኦ ናጋና ማላ ኦዛዜዳ፡፡

24

ጳውሎሳ ኦዩሁዳቱ ሞቴዲና

1 ኦቹሹ ጋላሳፕ ጉዪያን፡ ቄሳቱዋ ኡባቱዋ ካፑ፡ ሃናኒያ፡ ጨማቱዋናኔ ፃርፃሉሳ ጊያ ኢቲ ፃባቃና ዲጌ ቂሳሪያ ዋጲዳ፤ ኡንቱንቱ ጋዲያ ሞዲያዋ ቦላ ጳውሎሳ ሞቴዲና፡፡

2-3 ጳውሎስ ዪሴቴዳ ዎዴ፣ ፃርፃሉሴ ኣ ሃዋዳን ያጊዴ፣ ሞቱዋ ደሜዳ።

«ቦንቹቲዳ ፊሊኪሳ፣ ኮኒ ኔ ባጋና ዳሮ ሳሮቲፋ ዴሚደሺን፣ ኔ ቆፋን ሃ ጋዲያሲ ኡባባኒ ኡባሳንካ ሎዎ ላሚ ቤቲያዎ ኔና ሎይሲ ጋላቲዴ፣ ሃዋ ኣኩቶ።

4 ሺን ታኒ ኔና ጋሚዮጴናን፣ ደያ ጊዴዳ ኔ ኮኮቲፋን ኩባ ኔኒ ቃንፋን ሲሳና ማላ፣ ኔና ዎሳይ።

5 ኣዪሲ ጎፔ፣ ሃ ቢታኒ ጴቦ ጊዲዴ፣ ሳዓ ኡባን ዴዒያ ኣዪሁዳቲዋ ጊደን ዋላሳ ዴንጹዳ፣ ናዚራዋቱ ባጋ ኣሳ ካሌሊያዋ ጊዴዳዋ ኤሬድ።

6 ሃራይ ኣቶ ጌሻ ጎሊያካ ቱኒሳናው ኮዪሺን ኣ ኦይቂዴ፣ ኩ ሂጊያዳን፣ ኣ ቦላ ፐርዳናው ቆፔዳ፤

7 ሺን ኦላ ካፑዋ ሉሲዮሲ ዪዴ፣ ዎልቃን ኩ ኩሺያፔ ኣ ዎሊ ኣኩዳ።

8 ኣ ሞቲያዋንቱካ ኔኮ ያና ማላ ኣዛዜዳ፤ ኔኒ ኔ ሁጳው ሃ ቢታኒያ ቢዳዴ፣ ኮኒ ኣ ሞቲያ ዬወዋ ኡባ ኤራናው ዳንዳያ» ያጊዳ።

9 ኣዪሁዳቲካ ቃሲ፣ «ሃ ዬወ ቱማ» ጊዴ፣ ኣ ቆፋ ኣኩዲኖ።

ጳውሎስ ፊሊኪሳ ሲንፋን ሞቶ ዛሩዋ አሜዳ

10 ጋዲያ ሞዲያዌ ጳውሎሳ ያናዳን ወቲና፣ ኢ ሃዋዳን ያጊዴ ዛሬዳ፤ «ኔኒ ዳሮ ዎዲያፔ ደማዴ፣ ሃ ኣሳሲ ፐርዳዴ ዴዒያዋ ታኒ ኤራዴ፣ ታ ዬወዋ ናሹቻን ዛራይ።

11 ታኒ ዬሩሳላሜ ጎዪናናው ኬሶዴፔ ታማኔ ላዑ ጋላሳፔ ዳሬናዋ ኔኒ ኔ ሁጳው ኤራና ዳንዳያ።

12 ኣዪሁዳቲ ታና ጌሻ ጎሊያን ጊዲና፣ ኣዪሁዳ ዎሳ ጎሊን ጊዲና፣ ካታማን ጊዲና፣ ኦናና ን ፓሉሜቲሺን ዎይ ኣሳ ሺሻዴ ማቂሺን፣ ኢቲ ኡራናኔ ቤዒቤይኪኖ።

13 ኢንቱንቱ ሃዒካ ታና ሞቲያዋ ሻቲማናው ዳንዳይኪኖ።

14 «ሺን ታኒ ሃዋ ኔው ኦዲይ፤ ታኒ ሙሴ ሂጊያን ዴዒያዋኔ ናባቱ ፃፊዳ ኡባባ ኣማናናዳን፣ ኩ ኣዋቲዋ ያሳሲ ኡንቱንቱ ዎርዶ ጊያ ኦጊያን ጎሹታይ።

15 ሃዋንቱ ባሬንቱ ሁጳው፣ ሳሳይ ኡባይ፣ ዎርዲካ ዪሉካ ሃይቁዋፔ ዴንዳናዋንታ ጊያዋዳን፣ ታኒካ ኡንቱንቱ ዴንዲያዋ ያሳኒ ሂደታ ዎላዴ ኣሙዋኒ ናጋይ።

16 ሃዋ ዲራው፣ ታኒ ቃሲ፣ ያሳ ሲንፋኒ ኣሳ ሲንፋን ኡባ ዎዴ፣ ፖኩ ባይና ቲላ ዎዛናይ ታው ዴዓና ማላ ሚናይ።

17 «ታኒ ዬሩሳላሜፔ ኬሶዴፔ ጮራ ላይሳፔ ጉዪያን፣ ታ ጋዴ ሂዬሳሲ ሚሻ ኢማናወኔ ያርሹዋ ያርሻናው ዬሩሳላሜ ባዲ።

18 ሄዋ ኦሊሺን፣ አሳይ ሺቆናን፣ ዋላሳይ ዳንዴናን፣ ታኒ ጌሻ ጎሊያን ጌዩሺን፣ ኦንቱንቱ ታና ዳሜዲኖ።

19 ሺን ኢሲያፔ ዬዳ ኢቲ ኢቲ አዩሁዳቱ ሄዋን ዳዒና፤ ኦንቱንቱ ታ ቦላ ዩወዋ ኮዮፔ፣ ዪዴ ታና ኔ ቦላን ሞታናው ቤሴ።

20-21 ዎይ ታኒ ኦንቱንቱ ጊደን ኤቃዴ፣ «ሃይቄዳዋንቱ ዳንዳናዋ አማኒያ ዲራው፣ ሃቼ ሂንቲ ሲንጎን ታ ቦላ ፐርዲኖ» ጋይ ሃ ቶቁሳይ ሃሳዬዳ ኢቲ ቃላፔ አቲን፣ ሺቆዋ ሲንጎን ኤቁሺን፣ ታ ቦላ ኢቲ ባዩዙዋ ዳሜዳዋ ጊደፔ፣ ሃዋንቱ ባሬንቱ ሁጹው ሃዋን ኦዳናዋንታ» ያጌዳ።

22 ሺን ፊሊኪሴ ያሳ ኦጊያባ ጌሺ ኤሬዳ ዲራው፣ «ታኒ ሂንቲ ዩወዋ ኦላ ካቸዋ ሉሲዮሲ ዪያ ዎዴ ኦጊያ ኦይላና» ያጌዴ፣ ፐርዲያ ዎዲያ ሲንጎው ኬሬዳ።

23 ፊሊኪሴ ቃሲ ጳዉሎሳ ቃቸናን ናጋና ማላኔ አ ዳባቱዋፔ ኦኒኔ አው ኦሊሺን፣ ዎይ አኮ ዩሺን ዲጌና ማላ፣ ያታቱዋ ካቸዋ አዛዜዳ።

ጳዉሎሲ ፊሊኪሳኔ ዲሩሲላ ሲንጎ ሺቆዳ

24 አማሬዳ ጋላሳፔ ጉዩያን፣ ፊሊኪሴ አዩሁዳ አሳ ዛሬ ጊዳዳ ባሬ ማቻቲ ዲሩሲሊና ዪዴ፣ ጳዉሎሳ ኪቲ አሂሲዴ፣ ዬሱሲ ኪሪሰቶሳን አማኒያ ኦጊያ ኢ ሃሳዩሺን ሲሴዳ።

25 ጳዉሎሲ ዲሎቲሳባ፣ ባሬ ሁጲያ ናጉዋባኔ ያና ፐርዳባ ሃሳዩሺን፣ ፊሊኪሴ ያዩዴ፣ «ኔኒ ሃዒው ባ፤ ታው ሚኬዳ ዎዴ፣ ኔና ኪታዴ ያጊሳና» ያጌዳ።

26 ሄ ዎዴ ቃሲ ጳዉሎሲ ቢሌታናው፣ ባሬው ማጋንፃ አማንዴሻ ጊዴ ቆፔዳ፤ ሄዋ ዲራው፣ ዳሮ ዎዴ አ አሂሲ አሂሲዴ፣ አናና ሃሳዩ።

27 ላዑ ላይላ ኩሜዳዋፔ ጉዩያን፣ ፊሊኪሳ ኮታ ጳርቁዮሳ ፐሰዎሲ አኬዳ። ፊሊኪሴ አዩሁዳቱዋ ናሼቻናው ኮዩዴ፣ ቃሾ ጎሌን ጳዉሎሳ ባሺ አጌዳ።

25

ጳዉሎሲ ሮሜ ካቲያኮ ባሬ ዩወዋ አኪዴ ባናው ኦቼዳ

1 ፐሰዎሲ አዉራጃ ጌሌዳ ሄዜንሴያ ጋላሳፔ ጉዩያን፣ ቁሳሪያፔ ዩሩሳላሚ ቤዳ።

2 ያኒ ቆሳቱዋ ካፓቱኔ አዩሁዳቱዋ ካሌሴያዋንቱ ጳዉሎሳ ሞቲዲኖ።

3 ኡንቱንቱ ጳውሎሳ ዋጳናው ኦጊያን ቆሴቲ ኡታናው፣ ባሬንቶ ሎዖባ ኡዲዳ ኦ ዬሩሳላሜ ኦሃና ማላ፣ ፒሰዖሳ ዋሴዲኖ።

4 ፒሰዖሲ ኡንቱንቶ፣ «ጳውሎሲ ቁሳሪያን ቃሼቲ ኡቴዳ፤ ታኒ ታ ሁዳወካ ኤሌካ ያ ጉዬ ሲማናው ቆፓ ኡታዲ።

5 ሄዋ ዲራው፣ ኢ ኦዮንቶ ባዪዜዳዌ ዴዖፔ፣ ሂንቱንቱ ጊደን ኦዋቲያዋንቱ ታናና ቁሳሪያ ቢዳ፣ ኦ ሞቲኖ» ያጊዴ ዛሬዳ።

6 ፒሰዖሲ ዬሩሳላሜን ሆሰፑን ዋይ ታሙ ጋላሳፔ ኦፊናን ኡቲዳ፣ ቁሳሪያ ቤዳ፤ ዋንቲሳ ጋላሲ ፒርዲያሳን ኡቲዳ፣ ጳውሎሳ ኦሃና ማላ ኦዛዜዳ።

7 ኢ ጋኩዳ ዋዳ፣ ዬሩሳላሜፔ ዬዳ ኦዪሁዳቱ ኦ ማታን ዩዩ ኦጲ ኤቂዳ፣ ባሬንቶ ሻቲማናው ዳንዳዬቴና ዳሮ ዴዖ ሞቱዋ ኦ ቦላ ዋጼዲኖ።

8 ጳውሎሲ ሞቲቲዳ፣ «ታኒ ኦዪሁዳቱዋ ሂጊያካ ጌሻ ጎሊያካ ሮሜ ካቲያ ቁሳራካ ኦይኔ ናቃቤይኪ» ያጊዴ።

9 ፒሰዖሲ ኦዪሁዳቱዋ ናሼቻናው ኮዪዳ ጳውሎሳ፣ «ፑዴ ዬሩሳላሜ ኬሳዳ፣ ሃ ዬዉዋባ ያኒ ታ ሲንላን ኦሼታናው ኮያይ?» ያጊዴ ኦቹዳ።

10 ሺን ጳውሎሲ፣ «ታኒ ኦሼታናው ቤሲያ ቁሳራ ፒርዳ ጎሊን ኤቃዲ። ኔኒካ ሎይላ ኤሪያዋዳን፣ ታኒ ኦዪሁዳቱዋ ኦይኔ ናቃቤይኪ።

11 ሲሚ ታኒ ናቄዳዋ ዋይ ሃይቃናው ቤሲያዋ ኦፊዳዋ ጊደፔ፣ ሃይቁዋፔ ኦታና ጊኬ፤ ሺን ኡንቱንቱ ታና ሞቲያ ሞቱ ማላ ጊዴዳዋፔ ሂኒ ባጋን፣ ኦኒኔ ታና ኡንቱንቶ ኦሊዳ ኡማናው ዳንዳዬና፤ ቁሳሬ ታባ ፒርዶ ጋዴ ኦቻይ» ያጊዴ።

12 ሄዋፔ ጉዪያን፣ ፒሰዖሲ ባሬናና ዘሬቲያዋንቱና ዘሬቲ ሲሚዳ ኦ፣ «ኔኒ ቁሳሬ ታባ ፒርዶ ጋዴ ኦቻዳ፤ ቁሳራኮ ባናሳ» ያጊዴ ዛሬዳ።

ፒሰዖሲ ጳውሎሳባ ኦግሪጳና ማቄቱዳ

13 ኦማሬዳ ጋላሳፔ ጉዪያን፣ ካቲያ ኦግሪጳይኔ ባሪኔቄ ፒሰዖሳ ሳርታናው ቁሳሪያ ቤዲኖ።

14 ያኒ ኡንቱንቱ ጮራ ጋላሳ ኡቲ ዴዒሺን፣ ፒሰዖሲ ካቲያሲ ጳውሎሳባ ሃዋዳን ያጊዴ ኦዴዳ፤ «ሃዋን ፊሊኪሴ ቃቹዴ ባሺ ቤዳ ኢቲ ቢታኒ ዴዒ።

15 ታኒ ዬሩሳላሜን ዴዒሺን፣ ቁሳቱዋ ካፓቱኔ ኦዪሁዳ ጩማቱ ኦ ቦላ ፒርዳና ማላ፣ ታና ዋሲዳ፣ ኦባ ታው ኦዴዲኖ።

16 ታኒ፡ «ሞቴቴዳ ኡራይ ባሬና ሞቴያዋንቱና ኢቲፔ ኤቁናኒኔ ባሬና ሞቴዳ ዩዉዋሲ ዛሩዋ ኢሚናን፡ እና ጊደፔኔ ኣሊዳ ኢሚያዌ ሮሜ ኣሳሲ ዋጋ ጊዳና) ያጋዳ ኡንቱንቶ ዛራዲ።

17 «ሄዋ ዲራው፡ ኡንቱንቱ ሃዋን ሺቄዳ ዎዳ፡ ታኒ ጋሚዔናን ዋንቲሳ ጋላሲ፡ ፒርዳ ጎሌ ጌላዳ ጳዉሎሳ ኣሃና ማላ ኣዛዛዲ።

18 ኣ ሞቴያዋንቱ ኤቄዳ፡ ኢታባን ኣ ሞቴናን ኣጊኪኖ ጋዳ ታኒ ቆፔዳዎዳን፡ ኣይኔ ኣ ሞቴቤይኪና።

19 ሺን ኡንቱንቱ ባሬንቱ ኣማኔዳባንቱባኔ ጳዉሎሲ፡ (ፓፃ ዴዔ) ጊያ ሃይቄዳ ኢቲ ዮሴሳ ጌቴቲያ ቢታኒያባ ኣናና ፓሉሚቴዲና።

20 ታኒ ሃ ዩዉዋ ዎታዳ ቢዳ ዳማኒታንቶ፡ ቆፋ ቃቼናን ዴዳዳ፡ ጳዉሎሲ ዩሩሳላሚ ቢዳ፡ ሃ ዩዉዋ ያኒ ኦሽታናው ኮዪንቶኔ ጋዳ ኣ ኦቻዲ፤

21 ሺን ጳዉሎሲ ባሬ ዩዉዋ ኣዉጊሰያሴ ቄሳሬ ኦጊያ ኦይፋና ጋካናው ናኪታናዳን ኦቹና፡ ታኒ ኣ ቄሳራኮ ዩዳና ጋካናሲ፡ ኢ ቃሽታና ማላ ኣዛዛዲ» ያጌዳ።

22 ሄዋፔ ጉዬ ኣግሪጳይ ፒሰያሳ፡ «ታኒ ታ ሁጳዉካ ቃሲ ሄ ቢታኒ ጊያዋ ሲሳና ኮያይ» ያጌዳ።

ፒሰያሲ ኣ፡ «ኔኒ ዋንቲ ኢ ጊያዋ ሲሳናሳ» ያጌዳ።

23 ዋንቲሳ ጋላሲ፡ ኣግሪጳይኔ ባሪኒቄ ዳሮ ቦንቹዋን ኦላ ካፓቱዋናኔ ካታማን ዴዒያ ዎልቃማ ኣሳና ዩዳ፡ ፒርዳ ጎሌ ጌሌዲኖ፤ ፒሰያሲ ጳዉሎሳ ኣሃና ማላ ኣዛዚና ኣሄዲኖ።

24 ፒሰያሲ ሃዋዳን ያጌዳ፤ «ካቲያ ኣግሪጳ፡ ሃዋን ኦናና ዴዒያ ኣሳ ኡባው፡ ኣዪሁዳ ኣሳይ ኡባይ ዩሩሳላሚኒካ ሃዋንካ ዋሲዳ፡ (ኢ ሃዋፔ ሲንፋው ፓፃ ዴዳናው ቤሴና) ያጌዳ፡ ታና ዎሴዳ ቢታኒያ ሃዋ ቤዒታ።

25 ሺን ኢ ኣይኔ ሃይቃናው ቤሲያዋ ኦሌዳዋ ታኒ ዳማቤይኮ፤ ኢ ባሬ ሁጳው፡ (ኣዉጊሰያሴ ቄሳሬ ታባ ፒርዶ ያጋዳ ኦቻዲ) ጌዳ ዲራው፡ ቄሳራኮ ኣ ዩዳናው ታኒ ቆፓዲ።

26 ታኒ ኣባ ታ ጎዳ ኣዉጊሰያሴ ቄሳሬሲ ፃፋናው ቱሙ ዩዉ ታው ኣይኔ ባዋ፤ ሄዋ ዲራው፡ ኢ ሎይሊ ኦሽቶዋፔ ጉዪያን፡ ታኒ ፃፊያባ ዳማና ማላ፡ ሂንቱንቱ ሲንፋ፡ ካቲያ ኣግሪጳ፡ ኡባ ኔ ሲንፋ ኣ ኣሃዲ።

27 ኣዪሲ ጎፔ፡ ቃሽቴዳ ኡራ ኪቲያ ዎዳ፡ ኣ ኣያው ሞቴዳንቶ፡ ኤሪሴናን ጮው ጊ ባሺያዌ ታው ኤያቴፋ ማላቴ» ያጌዳ።

26

ጳውሎሲ አገሪጳ ሲንፋን ሃሳዬዳ ሃሳያ

1 አገሪጳይ ጳውሎሳ፡ «ኔኒ ኔባ ሃሳያናው ዳንዳያ» ያጌዳ። ሄ ዋዴ ጳውሎሲ ባሬ ኩሺያ ሚጨዴ ሃዋዳን ያጊ ዛሬዳ።

2-3 «ካቲያ አገሪጳ፡ አዪሁዳቱዋ ዋጋኔ ፓሉማ ኡባ ኔኒ ሎይላዴ ኤሪያ ዲራው፡ ታና አዪሁዳቱ ሞቲያ ዬወዋ ኡባ ሃቼ ታኒ ኔ ሲንፋን ዛሬያዋ ታ ቃዳይ ዳሪሲ ሎዓ ያጋዴ ቆፓይ፤ ሄዋ ዲራው፡ ኔኒ ታ ሃሳያ ሳሉቲናን ሲሳና ማላ፡ ኔና ዋሳይ።

4 «ታኒ ናሳቲላፔ ደማዴ ታ አሳ ጊዳኒኔ ዬሩሳላሚን ዴዔዳ ታ ዴዑዋ አዪሁዳ ኡባቱ ካሴፔ ደሚዴ ኤሪኖ።

5 ታኒ ኮይሮፔ ደማዴ፡ ኑ አማኑዋ ሂጊያ ኦፔኔ ሚኒሲዴ ናጊያ ፓሪሳዋቱዋ ባጋ ፓሪሳዌ ጊዳዴ ዴዒያዋ፡ ኡንቱንቱ ማርካታናው ኮዮፔ ኤሪኖ።

6 ታኒ ሃሳካ ፆሳይ ኑ አዋቱዋሲ አማና ጌዳዋ ናሺቻን ናጊያ ዲራው፡ ፒርዴታናሲ ሃዋን ኤቃይ።

7 ቃሲ ታማኔ ላዑ ኑ አዋቱዋ ዛራቱ ፆሳው ቃማኔ ጋላሲ ኡባዴ ሚኒሲ ጎዪዲዴ፡ ፆሳይ አማና ጌዳዋ አካናው ናሺቻን ናጊያ፤ ካቲያ አገሪጳ፡ አዪሁዳቱ ታና ሞቲያዌ ታኒ ሄዋ ናሺቻን ናጊያ ዲራሳ።

8 አዪሁዳቶ፡ ፆሳይ ሃይቄዳዋንታ ዴንሲያዋ አዪሲ አማኒኪቱ?

9 «ታኒ ታ ሁጴወካ ናዚሬቲያ ዬሱሳ ኤቄታናው ቤሴ ጋዴ ካሴ ቆፓዲ።

10 ታኒ ዬሩሳላሚን ኦሴዳዌ ሃዋ፤ ቄሳቱዋ ካፓቱዋፔ ማታ አካዴ፡ ፆሳ አሳቱዋፔ ጮራቱዋ ቃሺሳዲ፤ ኡንቱንታ ዋዲያ ዋዴካ ኡንቱንቱ ሃይቄያዋ ደሳዲ።

11 አዪሁዳ ዋሳ ጎሌ ኡባን ዳሮ ዋዴ ኡንቱንታ ሙራዴ፡ ባሬንቱ አማኑዋ ኡንቱንቱ አጋና ማላ ጎዴታዲ፤ ታኒ ዋጋይ ባይናዋ ኡንቱንቶ ሃንቄታዴ፡ ሃራይ አቶ፡ ሃራ ጋዲያ ካታማ ጋካናወካ ኡንቱንታ ሜቶላይ።

ጳውሎሲ ባሬ ሁጴው ኪሪሰቶሳ ዋቲ አማኔዴንቶ ኦዴዳ (ኪት 9:1-19፤ 22:6-16)

12 «ታኒ ሃ ዬወዋሲ ቄሳቱዋ ካፓቱዋፔ ማታኔ አዛዙዋ አካዴ ዳማሰቆ ባዲ።

13 ካቲው፡ ታኒ ሴታ ጋላሲ ኦጊያን ዴዒሺን፡ አዋ ፖዑዋፔ ሎይሲ አዲያ ፖዑ ታናኔ ታናና ቤዳዋንታ ዩዩ አዲዴ፡ ሳሉዋፔ ፖዒሺን ቤዓዲ።

14 ኑኒ ኡባይ ሳዓን ኩንዳዳ ዎዳ፣ ኢብራዩስፄ ቃላን፣ ሳዖላ፣ ሳዖላ፣ ታና ኢያው ዩዳሳን ማቶላይ? ኑኒ ታና ኢፀሳን ኔና ቆሃሳ) ያጊዴ ታው ኦዲሺን ሲሳዲ።

15 «ያታዳ፣ ታ ሳዳው፣ ኑኒ ኦኔ?» ያጋዲ።

«ሳዳይ፣ ታኒ ኑኒ ዩዳሳን ማቶላይ ዩሱሳ።

16 ሺን ዳንዳ ኤቃ፤ ኣዩሲ ሳፔ፣ ሃቼ ኑኒ ታና ቤዔዳዋኔ ታኒ ኔና ሲንሳፔ ቤሳናዋ ሃራንቶ ማርካታና ማላ፣ ታው ኦሊያዋ ኡዳዳ ኔና ሱንሳናው ኔው ቆንጫዲ።

17-18 ኡንቱንቱ ታና ኣማኒና፣ ኡንቱንቱ ናጋራይ ኣቶ ጌቱታናዳን፣ ያሳይ ዶሬዳ ኣሳ ጊደን ኡንቱንቱ ባሬንቱ ዳዒያሳ ዳማናዳን፣ ቃሲ ቋማፔ ፖዑ ሲማናዳኒ ናላሂያ ሳዳቱላፔካ ያሳኮ ሲማናዳን፣ ኡንቱንቱ ኣይፊያ ኑኒ ደያና ማላ፣ ኢሰራዔሊያ ኣሳፔኔ ታኒ ኔና ኡንቱንቱኮ ኪቲያ ኣዩሁዳ ጊዳናዋንቱ ኔና ኣሻና) ያጌዳ።

19 «ካቲያ ኣግሪጶ፣ ሂዋ ዲራው፣ ታው ሳሉዋፔ ቤቴዳ ሳፃሲ ታኒ ኣዛዜታናዋ ኢፃቤይኬ።

20 ሺን ታኒ ካሴታዳ፣ ዳማስቆኒኔ ዩሩሳላማን ሂዋፔ ጉዩያን፣ ዩሁዳ ጋዲያ ኡባን ዳዒያዋንቱሲኔ ኣዩሁዳ ጊዳናዋንቶ ባሬንቱ ናጋራፔ ሲማና ማላ፣ ቃሲ ናጋራፔ ሲማናው ቤሲያዋ ኦሊዳ፣ ያሳኮ ሲማና ማላ ቃላ ኦዳዲ።

21 ሂዋ ዲራው፣ ኣዩሁዳቱ ታና ጌሻ ሳሊያን ኦይቂዳ ዎቆናው ኮዩዲና።

22-23 ሂዋ ዲራው፣ ታኒ ያሳ ማዲዋ ኣካዳ፣ ዳሮኔ ጉላው ሃቼ ጋካናዉካ ኤቃዳ ማርካታይ። ናባቱኔ ሙሴ፣ ስሪሰቶሲ ማቶታናው ቤሴ፤ ቃሲ ሃይቁዋፔ ኮይሮ ዳንዲዳ፣ ኣዩሁዳቱዋሲኔ ኣዩሁዳ ጊዳናዋንቶ ኣቶቱላ ፖዑ ኦዳናው ቤሴ) ጌዳዋዳን፣ ታኒካ ኡንቱንቱ ሃሳዩዳዋፔ ሃራ ኢቲባኔ ሃሳዩዳባይ ባዋ» ያጌዳ።

24 ጳዉሎሲ ባሬንቱባ ሃዋዳን ያጊዴ ዛሪሺን፣ ፒሰዖሲ ኮሻ ቋቁ ኡዲዳ ኣ ሃሳያ ቋባናው፣ «ጳዉሎሳ፣ ኑኒ ሳያ፤ ኑኒ ዳሪ ታማራዳዌ ኔና ሳሻና ሃኔ» ያጌዳ።

25 ሺን ጳዉሎሲ ሃዋዳን ያጌዳ፤ «ቦንቼቱዳ ፒሰዖሳ፣ ታኒ ቱማቱላን ሎዖ ዩዉዋኔ ዎዛና ቆፋ ሃሳዩያዋፔ ኣቲን ሳዩኬ።

26 ታኒ ካቲያ ኣግሪጶሲ ሃ ዩዉዋ ቆንጫያን ኦዲያዋ ኢ ኤሬ፤ ኣዩሲ ሳፔ፣ ሃ ዩዉ ጌማን ኣሴቲቤና ዲራው፣ ሃዋፔ ኢቱኔ ኣፔ ጌሚናዋ ታኒ ጌሻዳ ኤራይ።

27 «ካቲያ ኣግሪጶ፣ ኑኒ ናባቱ ጌዳዋ ኣማናይ? ኑኒ ኡንቱንቱ ጌዳዋ ኣማኒያዋ ታኒ ኤራይ» ያጌዳ።

28 ካቲያ ኣግሪጳይ ጳውሎሳ፡ «ሃሲ ሃ ቃንፋ ዋዳቲንካ ታና ኣማንፋናው ኮያይ?» ያጌዳ።

29 ሄዋፔ ጉዬ ጳውሎሲ፡ «ዳር ዋዳ ጊዲና፡ ጉፋ ዋዳ ጊዲና፡ ኔ ፃላላ ጊዳካ፤ ሺን ሃቼ ታኒ ኦዲያዋ ሲሲያ ኡባይ ቃሲ ታዋዳን ቃሼቶፒኖ ኣቲን፡ ታ ማላ ጊዳናዳን ፃሳ ዋሳይ» ያጌዳ።

30 ሄዋፔ ጉዬያን ካቲ፡ ሞዲያ ፒስፆሴ፡ ባሪኒቄኔ፡ ኡንቱንቱና ዴዲያ ኡባይ ዴንዲ፡

31 ኢቲ ባጋ ሲሚዴ፡ ኢቱ ኢቱዋና፡ «ሃ ቢታኒ ሃይቁሳይ ኣቶ ሺን፡ ቃሹዋሲካ ቤሲያባ ኦሊቤና» ያጌ ሃሴዬዲኖ።

32 ኣግሪጳይ ፒስፆሳ፡ «ሃ ቢታኒ፡ ሳቅሪ ታባ ፒርዶ» ጊቤኔንቶ፡ ቢሌታናው ዳንዳዬ ሺን» ያጌዳ።

27

ጳውሎሲ ሮሜ ቤዳ

1 ኑኒ ማርካቢያን ፃሊያ ባናው ቆፒ ኡቱዳ ዋዴ፡ ጳውሎሳኔ ሃራ ኣማራዳ ቃሼቱዳ ኣሳቱዋ ኣወጊስፆሳ ዋታዳራቱዋ ጊያዋንቱፔ ኢቲ ዩሊዮሳ ጊያ ፃታቱዋ ካፑዋሲ ኣሊዴ ኢሚዲኖ።

2 ኢሲያ ጋፃን ዴዲያ ጋዳቱዋ ቢያ ኣዲራሚዲኖና ማርካቢያን ጌሊዴ ቤዶ፤ ማቀደኒያ ኣሳ ጊዲያ ቱሴሎንቁ ኣሪስዲርኮሲ ኑናና ዴዴ።

3 ዋንቲሳ ጋላሲ ኑኒ ሲዶና ጋኪሺን፡ ዩሊዮሲ ጳውሎሳው ዳርፔ ኣ፡ «ኔ ዳባቱ ኔና ኮሺያባ ማዳና ማላ፡ ኔኒ ኡንቱንቱኮ ባናው ዳንዳያ» ያጌዳ።

4 ሄዋፔ ዴንዲዴ፡ ሲንፋና ኑ ቦላ ጫርኪያ ዲራው፡ ቆጲርሳ ሃፋን ዶዴቱዳ ሳዒን ጫርኬና ባጋ ቤዶ።

5 ኪልቂያ ማታኒኔ ጲኒፊሊያ ማታን ዴዲያ ኣባ ፒኒዴ፡ ሊቂያን ዴዲያ ሙራ ጋኪዶ።

6 ሄዋን ፃታቱዋ ካፑ ፃሊያ ቢያ ኢስኪንዲሪያ ማርካቢያ ዴሚዴ፡ ኣኒ ኑና ጌሊሴዳ።

7 ኑኒ ጮራ ዋዲያ ሎዳን ቢዴ፡ ዳር ሚቱዋን ቁኒዶሳ ካታማ ጋኪዶ፤ ሄዋና ባናው ኑና ጫርኩ ዲጊና ሳልሞናና ኣጲዴ፡ ሃፋን ዶዴቱዳ ቃርፃሳን ጫርኩዋፔ ቱዴቲዴ ቤዶ።

8 ቃሲካ ዳር ሚቱዋን ጋፃና ጋፃና ኣጲዴ፡ ላሲያ ካታማ ማታን ዴዲያ ኣባ ዶናን ማርካቢ ዋፑ ጊዴ ሺምፒያሳ ጌቱቲያሳ ዩዶ።

9 ኑኒ ሄዋን ጮራ ዋዲያ ጋሚዴዋፔ ጉዬያን፡ ያማይ ቢሌቲዲጌዳ ዲራው፡ ማርካቢያን ቢያዌካ ሂርጊሺን ጳውሎሲ ኡንቱንታ ዘሪዴ፡

10 «አሳው፡ ኑ ቡሳን ዋልቃማ ቦሻይኔ ዳር ባሻይ ዳዓናዌ ታው ቤቲ፤ ባሻይ ዪያዌ ጫና ቦላኔ ማርካቢያ ቦላ ፃላላን ጊዳና፤ ኑ ሾምቸዋ ቦላካ ያናዋ» ያጌዳ።

11 ሺን ፃታቱዋ ካቸ ጳውሎሲ ጌዳዋ፤ አሊዳ፡ ማርካቢያን ዳዒያዋንታ አዛዚያዌኔ ማርካቢያ ጎዳይ ጊያዋ አማኔ።

12 ሄ አባ ማታ ካታማይ ባልጉዋ ሻጫናው ኡንቱንቶ ሚኬና ካታማ፤ ሄዋ ዲራው፡ ጮራ አሳቱ ባሬንቶ ዳንዳዬቶ፤ ፒንቄ ጊያ ካታማ ጋኪዳ፡ ባልጉዋ ያኒ ሻጫና ማላ፡ ያፔ ዳንዳናው ዘሬቲዲና፤ ፒንቄን ዳዒያ ማርካቢ ሾምቸያ ሚኮ ሳዓይ ደዬቲዳዌ፡ አዋይ ዉሊያሳፔኔ ኡሾቻ ባጋፔ ጊዲዋን፡ ቃሲ ዉሊያሳፔኔ ሃዲርሳፔ ጊዲዋና።

አባ ቦላን ጎቱ ዳንዳዳ

13 አዋይ ኬሲያሳ ፃሊያ ዋዳ ኡሾቻ ዲጌሃ ባጋ ጫርኩ ሎዳን ጫርኬዳ ዋዳ፡ ባሬንቱ ቆፔዳዋዳን ሃኔዳዋ ኡንቱንቶ ማላቲና ዳንዳዲና፤ ማርካቢ ቤና ማላ ኦይቂያ ቢራታ ፑዳ ዳፊዳ፡ ቃርፃሳ ማታቲዳ፡ ላንቂያና አጭዲና።

14 ሺን ዳሪ ጋሚዔናን፡ «አዉራቂስ» * ጊያ ዳር ዋልቃማ ጎቱ ሃላ ጊደን ዳዒያ ሳዓፔ ዲጌ ኡንቱንቱ ቦላ ዳንዳዳ።

15 ሄ ጎቱ ማርካቢያ ዳቺዳ አሌናን ዲጊና፡ ባናው ኑሲ ዳንዳዬቲናን ኢፃዳ ዲራው፡ ማርካቢያ ኢ አፊያሳ አጊዳ ቤድ።

16 ኑኒ ቄዳ ጊያ ሃላን ደዳቲዳ ጫርኩዋፔ ጌሜዳ ሳና አጭያ ዋዳ፡ ዳሪሲ ሜቶቲዳ ማርካቢያ ዋንጊሪያን ናጊ አሻናው ዳንዳዬድ።

17 ኡንቱንቱ ዋንጊሪያ ፑዳ ኬሴዳዋፔ ጉዪያን፡ ጋዲያን ማርካቢያ ፃዒዳ፡ ሚኒሲ ቃቸዲና፤ ሲርፃሳ ጊያ ሻፊ ኩሜዳ ሳን ባሬንታ ኩንዲሳኔንቶኔ ጊዳ ሂርጊዳ፡ ማርካቢያ አፊያ ሻራ ዋሊዳ፡ ጫርኩዋን ማርካቢያ ጮ ዬዲ አጌዲና።

18 ጎቱ ዋልቃሚዳ ኑ ቦላን ዋልቃሜዳ ዲራው፡ ዋንቲሳ ጋላሲ ጫናፔ አባን ኦሉዋ ደሜዲና።

19 ሄዜንሊያ ጋላሲካ ማርካቢያን ዳዒያ ሚሻ ኡንቱንቱ ባሬንቱ ኩሺያን ኦሌዲና።

20 ኑኒ ዳር ዋዲያ አዋኔ ያሊንቲያ ቤዔናን፡ ዋልቃማ ኡሹ ኑ ቦላ ቡኪሺን፡ ሲንላፔ ቆያናን አቶኮ ጊዳ ቆፔድ።

21 ኡንቱንቱ ዳር ዋዲያ ቁማ ሜናን ጋሚዔዳዋፔ ጉዪያን፡ ጳውሎሲ ሄ ዋዳ ኡንቱንቱ ጊደን ዳንዲ ኤቂዳ፡ ሃዋዳን ያጌዳ፤

* 27:14 «አዉራቂስ» ጌቲያ ዋልቃማ ጎቱ ኪሊ ፑዳሃፔ ዉላ ባጋ ጫርኪያዋ ጊዲያዋ ቤሱ።

«አሳው፡ ሂንቴንቱ ታ ዘሪያ አኬዳንቶኔ ቃርፃሳፔ ዳንዳናን አቴዳንቶ፡ ሃዋ ማላ ባዬላይኔ ቆሁ ኑና ጋኬና።

22 ሺን ሃሲካ ታኒ ሂንቴንታ ያዮፒቴ ጋዴ ዘራይ፤ አዱሲ ጎፔ፡ ሃ ማርካቢ ባያናፔ አቴን፡ ሂንቴንቱፔ ኢቲ ኡራ ሸምፑካ ባዬና።

23 አዱሲ ጎፔ፡ ያሳ ኪታንቻይ፡ ታና ሞዴዳ ታኒ ጎዩኒያ ያሳዌ፡ ዚኖ ቃማ ታ ማታን ኤቂዴ፡

24 ጳዉሎሳ፡ ያዮፓ፤ ኔኒ ሮሜ ጋዲያ ካቲያ ቄሳራ ሲንላን ኤቃናው ቤሴ፤ ቤዓ፡ ያሳይ ባሬ ኬካቴላን ኔናና ቢያ አሳ ኡባ ሸምፑዋ አሻና) ያጌዳ።

25 ሂዋ ዲራው አሳው፡ ያዮፒቴ። አዱሲ ጎፔ፡ ሄ ኪታንቻይ ታው ኡዴዳዋዳን ሃናናዋ ታኒ ያሳ አማናይ፤

26 ሺን ጫርኩ ኑና ኢቲ ሃላን ደዴቲዳ ሳዓን አባ ዶናን ደሞሲሳና» ያጌዳ።

27 ታማኔ ኦይዳንጎ ጋላሲ ሜዲቴራኒያ አባን ኑና ጫርኩ ያኔ ሃኔ ሱጊሺን፡ ማርካቢያን ኦሴያዋንቱሲ ቃማ ቢላሂ ቢታኮ ማቴዳዋ ማላቴዳ።

28 ኡንቴንቱ ሊቢያ ጋዲያ ፃራን ዳዲያባ ቃቺዴ፡ ሃላን ዩጊና፡ ሃላይ ኦይታሙ ሚቲሪያ ጨማቴዳዋ ኤሬዲና። ጉላ ጋሚዲዴ፡ ላዔሉዋ ዩጊዴ፡ ሃታሙ ሚቲሪያ ጨማቴዳዋ ኤሬዲና።

29 ኡንቴንቱ ሹቻቲያሳን ኩንዳና ማላ ያዩዴ፡ ማርካቢ ቤና ማላ ኦይቂያ ኦይዲ ቢራታ ማርካቢያፔ ጉዩና አባን ዩጊዴ፡ ሳዓይ ዋንታና ማላ፡ ባሬንቱ ያሳቱዋ ዋሲና።

30 ማርካቢያን ኦሴያዋንቱ ማርካቢያፔ ኪቻናው ኮዩዴ፡ ማርካቢ ቤና ማላ ኦይቂያ አማሬዳ ቢራታቱዋ ማርካቢያፔ ሲንላ ባጋና አባን ዩጊያዋ ማላቴዳ፡ ዋንጊሪያ አባን ዋሌዳ ዋዴ፡

31 ጳዉሎሲ ጃታቱዋ ካቸዋኔ ዋታዳራቱዋ፡ «ሃዋንቱ ማርካቢያ ጊዶን ዳዓና ጳዮፔ፡ ሂንቴንቱ አታናው ዳንዳይኪታ» ያጌዳ።

32 ሄዋፔ ጉዩያን፡ ዋታዳራቱ ዋንጊሪ ቃሽቴዳ ጋዲያ ቃንፂዴ፡ ዩዲ አጌዲና።

33 ሳዓይ ዋንታና ሃኒሺን፡ ጳዉሎሲ ኡባይ ቁማ ማና ማላ፡ ሃዋዳን ያጊዴ ዋሴዳ፤ «ሂንቴንቱ ሃቺና ታማኔ ኦይዲ ጋላሳ ናጌዲታ፤ ቃሲ ሄ ኡባንካ ቁማ ሚቤይኪታ።

34 ሄዋ ዲራው፡ ጉላ ቁማ ሂንቴንቱ ማና ማላ፡ ታኒ ሂንቴንታ ዋሳይ፤ አዱሲ ጎፔ፡ ሂንቴንቱ ፓፃ ዳዓናው ጉላ ቁማ ማና ኮሼ፤ ሃራይ አቶ ሂንቴንቱ ሁጲያ ቢናናፔ ኢቱካ ባዬና» ያጌዳ።

35 ጳዉሎሲ ሃዋ ጊዴ፡ ኡኪላ አኪዴ፡ ኡባ ሲንላን ያሳ ጋላቴዳ፤ ሜንሏ ሙሳ ደሚዳ።

36 ሄዋፔ ጉዩያን ኡባይ ሎይሏ፡ ባሬንቶ ቃሲ ቁማ ሜዲና።

37 ኑኒ ማርካቢያን ዳዒያዋንቱ ላዑ ጃታኔ ላፑን ታማኔ ኡሱፑና።

38 ኡንቱንቱ ሚዳ ካሌዳ ዎዳ፣ ጫና ዛርጋ ኣባን ኦሊዳ ማርካቢያ ዳፁዋ ካዉሺሴዲና።

ማርካቢያ ሜዑሳ

39 ሳዒይ ዎንቱዳ ዎዳ፣ ማርካቢያን ኦሊያዋንቱ ጋዲያ ኤሪቤይኪና፤ ሺን ሃላይ ጎጊዳ ኣባን ጌሌዳሳ ሚዳያን ዳዒያ ሻፊያ ኣከካን ጃሌዲና። ባሬንቱሲ ዳንዳዬቲንቶ፣ ማርካቢያ ሄ ሻፊያኮ ላጋናው ባሬንቱ ቆፋ ቃቹዲና።

40 ያቲዳ ማርካቢ ቤና ማላ ኦይቂያ ቢሪታቱዋ ቢሊዳ፣ ኣባ ጊዶ ዩጌዲና፤ ሄ ዎዳ፣ ማርካቢያ ኮዬዳሳ ዛሪዳ ላጊያ ሚላ ቃቹዳ ጋዲያ ቢሊዲና፤ ሄዋፔ ጉዩያን፣ ጫርኩ ማርካቢያ ሲንላው ሱጋና ማላ፣ ማርካቢያ ኣፊያ ሻራ ሲንላ ባጋና ቶቁ ኡዲዳ፣ ቡሳ ደሚዲና።

41 ሺን ማርካቢ ጨው ዳዒያሳፕ ኣዲዳ ሃላን ደዳቲዳ ሳዒ ማታን ዳዒያ ዳላሳን ደምዔቲ ኤቁዳ፤ ማርካቢያሲ ጉዬ ባጋይ ቤታ ሱጌላን ሜዔሬቲሺን፣ ሲንላ ባጋይ ዲጌ ዲሽቲዳ፣ ቃዳናን ኢዲ ኣጌዳ።

42 ዎታዳራቱ ቃሽቲዳ ኣሳፔ ኢቱኔ ሃላ ዎዲዳ ኬሲ ኣኪ ቤና ማላ፣ ኡንቱንታ ዎዳናው ዘሬቲዲና።

43 ሺን ጃታቱዋ ካፑ ጳዉሎሳ ኣሻናው ኮዩዳ፣ ዎታዳራቱዋ ማቁዋ ኢዳዳ፤ ሃላ ዎዳ ኤሪያ ኡባይ ማርካቢያፔ ሃላን ጉፒ ጉፒዳ ካሴቲዳ ጋዳ ኬሳና ማላ ኣዛዜዳ።

44 ኣቲዳዎንቱፔ ኣማራዳዎንቱ ሳንቃን፣ ኣማራዳዎንቱ ቃይ ማርካቢያ ሜዑዋን ኬሳና ማላ ኣዛዜዳ፤ ሄዋዳን ኡባቲካ ጋዳ ሳርቲላን ኬሴዲና።

28

ጳዉሎሲ ማልታ ጊያ ሃላን ደዳቲዳ ሳዒ ቤዳ

1 ኑኒ ጋዳ ሳርቲላን ኬሴዳ ዎዳ፣ ሄ ሃላን ደዳቲዳ ሳዒይ ማልታ ጌቲቲያዋ ኤሬዳ።

2 ሃላን ደዳቲዳ ሳዒን ዳዒያ ኣሳቱ ኑሲ ዳር ከካቲላ ከኬዲና፤ ኢራይ ቡካናው ደሚዳ ዲራዉኔ ሜጉዋ ዲራው፣ ታማ ኤሊዳ፣ ኑና ኡባ ሞኬዲና።

3 ጳዉሎሲ ዳር ቃይዳሪያ ሚላ ሚዳዳ ታማን ዩጊሺን፣ ማርካማ ሸሻይ ሴላ ዲራው ኬሴዳ፣ ኣ ኩሺያን ዓፄቲዳ፣ ኣ ዲኬዳ።

4 ሃላን ዶዴቴዳ ሳዓን ዳዒያ አሳቱ ቁርጫንቲያ ሾሻይ ጳውሎሳ ኩሺያን ፃፃቴዳዋ ቤዔዳ ዎዴ ኢቱ ኢቱዋሲ፤ «ቱሙ ሃ ቢታኒ ሸምቸዋ ዎዴያ አሳ፤ ሃራይ አቶ አባፔ ኢ አቲናካ ኑ ያሳ ፒርዳይ ኢ ፓፃ ዳዎ ጊቤና» ያጌዲኖ።

5 ሺን ጳውሎሲ ባሬ ኩሺያፔ ቁርጫንቲያ ሾሻ ወፃኪዳ፤ ታማን ኦሌዳ፤ ኢ አይኔ ኦሊቤና።

6 ኢንቱንቱ፤ «ኣ ቦላይ ጋፊ፤ ዎይ ኣኬኬናን ኩንዲዳ ሃይቁ» ያጌዴ ኢ ናጊኖ፤ ሺን ጮራ ዎዲያ ናጊዳ፤ ኢ ቦላን አይኔ ዲማቴዳባይ ጳዩና፤ «ሃዎ ያሳ» ያጌዴ ባሬንቱ ቆፋ ባሺ አጌዲኖ።

7 ሃዎ ሄራን ሃላን ዶዴቴ ኡቴዳ ሳዓ ካቸዋ ፑፒሊዮሳ ጊያዋሲ ጋዲ ዳዔ፤ ኢ ኑና ኢማላቴላ፤ ሄዙ ጋላሳ ሲቁዋን ሞኪ ሞዩዜዳ።

8 ፑፒሊዮሳ አቡ ቆፀዋ፤ ሴላኔ ኡሉዋ ካቶ ሳኬቲ ጊሲዳ ዳዔ፤ ጳውሎሲ ኢ ሶይ ጌሊዳ፤ አው ያሳ ዎሴዳ፤ ባሬ ኩሺያ ኢ ቦላ ዎሊዳ፤ ኢ ፓሌዳ።

9 ሃዎፔ ጉዩያን፤ ሄ ሃላን ዶዴቴዳ ሳዓን ሃርጊያ ሃራ ኡባ አሳይካ ቃሲ ዩዴ ፓፃዳ።

10 ሃዎፔ ሲሚና ኑና ዳሮ ቦንቹዋ ቦንቹዲኖ፤ ኑኒ ማርካቢያን ባናው ዳንዳዳ ዎዴ፤ ኦጌው ኑና ኩሺያባ ኑሲ ኢማዲኖ።

ጳውሎሲ ማልታፔ ሮሜ ቤዳ

11 ሄዙ አጌናፔ ጉዩያን፤ ሃላን ዶዴቴዳ ሳዓን ባልጉዋ ኣሊዳ፤ «ማንቱ ያሳ» * ጊያ ኢሰኪንዲሪያ ማርካቢያን ባናው ዳንዳዳ።

12 ኑኒ ሲራኩሴ ጊያ ካታማ ጌሊዳ፤ ያኒ ሄዙ ጋላሳ ኡቴዳ።

13 ሃዎፔ ዩዩዳ፤ ሬጊዩሜ ጊያ ካታማ ጋኬዳ። ኢቲ ጋላሳፔ ጉዩያን፤ አዋይ ኬሲያሳ ጻሊያ ዎዴ ኡሼቻ ዲጌሃ ባጋ ጫርኩ ጫርኪና፤ ዎንቲሳ ጋላሲ ፑቲያሉሳ ጊያ ካታማ ዩዳ።

14 ሃዎን ኑኒ ኢቲ ኢቲ አማኒያዋንታ ዳሚና፤ ባሬንቱና ላፑ ጋላሳ ኡታና ማላ፤ ኑና ዎሴዲኖ፤ ሃዎፔ ቃሲ ሮሜ ዩዳ።

15 ሮሜን ዳዒያ አማኒያዋንቱ ኑባ ሲሲዳ፤ አፊያሳ ጌያኔ «ሄዙ አቂያሳ ጌቱቲያሳ» ጋካናሲ ኑና ሞካናው ዩዲኖ፤ ጳውሎሲ ኢንቱንታ ቤዔዳ ዎዴ ያሳ ጋላቲዳ፤ ዎዛናን ሚኒሴዳ።

ጳውሎሲ ሮሜን ታማሪሴዳ

16 ኑኒ ሮሜ ጌሌዳ ዎዴ፤ ጳውሎሲ ባሬና ናጊያ ዎታዳራና ባሬካ ዳዓናዳን ኡዴቴዳ።

* 28:11 ማንቱ ያሳ፡ ሃዋንቱ ላዑ አቱማ ናናቱ፤ ካሰቶሪኔ ፓሎኪሳ ጌቱቲያዋንቱ ዜወሴ ናናቱዋ ጊዲዳ፤ ማርካቢያን ዳዒያ አሳቱዋ ናጊያ ያሳቱዋ ጌቱቲዳ ጻሴቲኖ።

17 ሄዙ ጋላሳ፤ ጉዩያን፤ ጳውሎሲ አዩሁዳቱዋ ካፓቱዋ ባሬኮ ጻሴዳ፤ ኡንቱንቱ ሸቄዳ ዋዳ፤ ኡንቱንታ ሃዋዳን ያጌዳ፤ «ታናዳን አማኒያዋንቶ፤ ታኒ ኑ አሳ ዋይ ኑ አዋቱዋ ዋጋ ኢታባ አይኔ ኡሉናን፤ ታና ዩሩሳላሚን ቃቺዳ፤ ሮሜ አሳሲ አሉዳ ኢሜዲና።

18 ኡንቱንቱ ታና ቢዳዳዋ፤ ጉዩ፤ ሃይቃናው ቤሲያባይ ታ ቦላ አይኔ ባዩና ዲራው፤ ታና ቢላናው ኮዬዲና።

19 ሺን ሄዋ አዩሁዳቱ ኤኖ ጌናን ኢጻዳ ዋዳ፤ ታባ ቄሳሬ ፒርዶ) ጋናዌ ታና ኮሼዳ፤ ኣቲን፤ ታኒ ታ ዛሪያ ሞቲያባይ ታው ዴዲና ጊዳና።

20 ታኒ ሂንቱንቱና ጋኬታናውኔ ሃሳያናው ሂንቱንታ ጻሴዳዌ ሃዋሳ፤ አዩሲ ጎፔ፤ ኢሰራዔሊያ አሳይ ናሼቻን ናጊያዋ ዲራው ታኒ ሃ ሳንላላታን ቃሼታዲ» ያጌዳ።

21 አዩሁዳ ጨማቱ ጳውሎሳ፤ «ኑኒ ዩሁዳ፤ ኔባው ዳቢዳቢያ አከቤይኮ። ኑ ኢሻቱዋ፤ ሃራይ አቶ፤ ኢቱካ ዩዳ፤ ኔባ ኦዲቤና፤ ዋይ ኔ ሱንላ ባዩዚዳ፤ ኑሲ ኦዲቤና።

22 ሺን ሄ አሳ ሱንላ ኡባሳን አሳይ ባዩዚዳ ሃሳዩያዋ ኑኒ ኤሪያ ዲራው፤ ኔ ቆፋ ሲሳናው ኮዬቶ» ያጌዲና።

23 ኡንቱንቱ ባሬንቱ ያና ጋላሳ ጳውሎሳው ኬሪዳ፤ ሄ ጋላሲ ጮሪዳ ኢ ዳዲያሳ ዩዲኖ፤ ኢካ ኡንቱንቶ ያሳ ካወቱላባ ማርካቱዳ። ቃሲ ኡንቱንቱ ዩሱሳባ አማናና ማላ፤ ሙሴ ሂጊያ፤ ናባቱ ያፌዳዋ፤ አከዳ ኡንቱንታ ታማሪሲዳ፤ ዋንታ፤ ኦማርሲ ጋካናው ሎይሳ ኦዳዳ።

24 ባጋቱ ጳውሎሲ ጌዳዋ አማኔዲኖ፤ ሺን ባጋቱ አማኒቤይኪና።

25 ኡንቱንቱ ባሬንቱ ጊዶን ዩወዋ ኤኖ ጌናን ኢጻዳ ዋዳ፤ ጳውሎሲ ኢቲባ ጌዳዋ፤ ጉዩያን ቤዲኖ፤ ኢ ሃዋዳን ያጌዳ፤ «ጌሻ አያናይ ኑ አዋቱዋሲ ናቢያ ኢሲያሳ ማፃፋን፤

26 ሳኒ ሄ አሳኮ ባዳ ሃዋዳን ጋ፤

«ሂንቱንቱ ሲሳ ሲሳና፤

ሺን ሂንቱንቶ ጌሌና፤

ሂንቱንቱ ጸላ ጸላና፤

ሺን ቤዲኪታ።

27 አዩሲ ጎፔ፤ ሃ አሳ ዋዛናይ ጉዙሜዳ፤

ባሬንቱ ሃይላ ቱሊሴዲኖ፤

ባሬንቱ አዩፊያካ ጨሎሜዲና።

ሄዌ ባዋንቶ፤ ባሬንቱ አይፊያን ቤዳና፤

ኡንቱንቱ ሃይላይካ ሲሳና፤

ኡንቱንቱ ዋዛናይካ አኬካና፤

ኡንቱንቱ ታኮ ያሳኮ ሲማና።

ቃሲ ታኒካ ኡንቱንታ ፓላና»

ያጋ) ያጌዳ።

²⁸ «ሲሚ ሃዌ ያሳ አቶቴላይ፥ አዪሁዳ ጊዴናዋንቶ ኪቴቴዳዌ ሂንቱንቶ ኤሬቶ። ቃሲ ኡንቱንቱካ ሲሳና» ያጌዳ።

²⁹ [ጳዉሎሲ ሄዋ ጌዳዋፔ ጉዪያን፥ አዪሁዳቱ ባሬንቱ ጊዶን ዳሮ ፓሉሜቲዴ ቤዲና።] †

³⁰ ጳዉሎሲ ኪራ ጎሊያን ላዑ ላይላ ኩሜንላ ዳዒዳ፥ ባሬኮ ዪያ ኡባ ሞኬ።

³¹ ባሬና ኦኒኔ ዲጌናን ያሳ ካዉቴላባኔ ጎዳ ዬሱሲ ኪሪሰቶሳባ ኦዲዳ፥ ያዬናን ዳሪ ቆንጨሲዳ ታማርሴዳ።

28:27 እሳ 6:9-10 † 28:29 ዲማ ዲማ ማፃፋቱ ሃዋ ጉጂያዌ፥ ጳዉሎሲ ሃዋ ጌዳዋፔ ጉዪያን ጊያዋና።

Ooratha Caaquwaa
New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 1 Oct 2024 from source
files dated 29 Jan 2022
585b63ca-b8e6-55c8-bfef-10bdc95ad69c